

Doctrina de morbis oculorum / [Joseph Jacob Plenck].

Contributors

Plenck, Joseph Jacob, Ritter von, 1738-1807.

Publication/Creation

Viennae : Apud R. Graeffer, 1783.

Persistent URL

<https://wellcomecollection.org/works/qxhxpacj>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

4. 64
JOSEPHI JACOBI PLENCK,

*Chirurgiæ Doctoris, nec non Chirurgiæ, Anatomes
atque Artis Obstetriciæ Professoris Regii, publici
ac ordinarii in Regia Universitate Budensi.*

D O C T R I N A
D E
M O R B I S
O C U L O R U M.



Editio secunda, aucta.

V I E N N Æ,
APUD RUDOLPHUM GRÆFFER.

P
La partie de l'oeil, quoique bornée, présente une
riche moisson, pour occuper long-temps nom-
bre d'observateurs.

JANIN.

ILLUSTRISSIMO,
MAGNIFICO,

AC

CELEBERRIMO
DOMINO DOMINO

ANTONIO
LIB. BARONI

DE

STÖRCK,
DOMINO IN JETELSEE
AUGUSTISSIMO IMPERATORI

A

CONSILIIIS AULICIS
ARCHIATRORUM COMITI, STUDII ME-
DICI, ATQUE INCLYTÆ FACULTATIS
MEDICÆ VINDOBONENSIS
PRÆSIDI, AC DIRECTORI
PERPETUO.

PER UNIVERSAS
AUSTRIÆ PROVINCIAS
PROTOMÆDICO,
NOSOCOMII PAZMANNIANI
PHYSICO,
SOCIETAT. EDINBURG., BOTAN. FLO-
RENT., MED. PARISIN. ACAD. SCIENT.
NEAPOL. SIEN., ACAD. PRINC. HASS.
INSTIT. BONON. ACAD. NAT. CUR.
DEGLI AGIATI DI ROVEREDO
MEMBRO, &c. &c.

IN
GRATITUDINIS MONUMENTUM
OB
CHIRURGIAM OCULARIAM
peculiari sparta ornatam.

*Hacce qualescunque lineas
sacras vult*

AUCTOR.

PRÆFACTIO.

QUAMVIS inter sensuum organa oculo præstantius, magisque necessarium sit nullum, nescio tamen quo tristissimo fato hæc chirurgiæ pars, quæ divini hujus membris ægritudines complectitur, diu adeo manibus empyricorum tradita, relictaque fuerit. Inde promanat ratio, cur etiam morborum ocularium doctrina progressum habuerit adeo tardum ac exiguum, ut vix non omnem nostri sæculi Scriptoribus debeamus. Priori enim ævo, quamprimum quis cataractæ depositionem, occœcando quamvis ægrotos, perficere novit, semet jam medicum ocularium evasisse, sibi aliisque vanâ ostentatione suadebat, ac nullis non oculorum morbis mederi posse, gloriabatur.


Sicque eum corporis nostri nobilissimo organo ludebatur, donec summi in arte viri & huic doctrinæ suam operam consecrarent, græcorum, arabumque de hac scientia notitiam perscrutarentur, solidissima optices theoremeta adhiberent, ipsique sa-

P R A E F A T I O.

lutiferas huic organo manus applicarent. Inter hos clarissimos viros primi extitere *Bartisch*, *Saint-Yves*, *Mauchart*, *Boerhaave*, *Petit*, *Davel*, *Sauvages*, *Gerin*, *Gendron*, *Hellman*, *Odbelius* &c. plurimum tamen chirurgia ocularia industriæ Celeber. *Janini*, *Richteri*, & *Potii* debet.


Nec erubesco, quin gratus fatear, me horum maximorum virorum vestigia presuisse, illorumque medelas proposuisse, omis- sis curationibus invalidis, obsoletis, dubiis, periculosis; hæc enim commentariis transscribo.

Sufficit interim mihi, si insignem hujus doctrinæ ambitum, ingentemque morborum oculos infestantium numerum, quorum hicce libellus 118 expendit, in naturalem redegerim ordinem, quo authorum, in diversa abeuntium, opiniones, curatio- nesque proponi, rimarique commode pos- fint.





I N D E X MORBORUM OCULARIUM.



MORBI SUPERCILIORUM.

- M**adarosis, der Augenbraumausfall.
 Phthyriasis, die Augenbraumlausfucht.
 Vulnera superciliorum, die Wunden der Augenbraume.

MORBI CILIORUM.

- Trichiasis, die Einwärtskehrung der Augenliederhaare.
 Distichiasis, die doppelte Reihe der Augenliederhaare.

MORBI PALPEBRARUM.

- Anchyloblepharon, die Zusammewachfung der Augenlieder.
 Symblepharon, die Anwachfung der Augenlieder.
 Blepharophthalmia, die Augenliederentzündung.
 Oedema palpebrarum, die Wassergeschwulst der Augenlieder.
 Emphysema palpebrarum, die Luftgeschwulst der Augenlieder.
 Ecchymoma, die Blutunterlaufung der Augenlieder.
 Atheroma, die Breygeschwulst der Augenlieder.
 Sarcoma palpebrarum, das Fleischgewächs der Augenlieder.

Scirrus palpebrarum, die *Verhärtungsgeschwulst der Augenlider.*

Carcinoma palpebrarum, der *Krebs der Augenlieder.*

Carbunculus palpebrarum, der *Karbunkel der Augenlieder.*

Hordeolum, das *Gerstenkorn.*

Chalazion, das *Hagelkorn.*

Hydatis, die *Wasserblase der Augenlieder.*

Milium, das *Hierenkorn.*

Morum palpebrarum, die *Maulbeer.*

Verrucæ palpebrarum, die *Warzen der Augenlieder.*

Trachoma, die *Augenliederrauigkeit.*

Blepharoptosis, der *Augenliedervorfall.*

Lagophthalmus, das *Haasenauge.*

Ectropium, die *Auswärtskehrung des Augenlieds.*

Entropium, die *Einwärtskehrung des Augenlieds.*

Psorophthalmia, die *Augenliederflechte.*

Rubor marginum palpebralium, die *Röthe der Augenliederränste.*

Tylosis, die *Augenliederkallosität.*

Vulnera palpebrarum, die *Wunden der Augenlieder.*

Fistulæ palpebrarum, die *Fisteln der Augenlieder.*

Coloboma, der *Augenliedspalt.*

Nictitatio, das *Blinzen der Augenlieder.*

Spasmus palpebrarum, der *Krampf der Augenlieder.*

Pruritus palpebrarum, das *Jucken der Augenlieder.*

MORBI VIARUM LACRUMA- LIUM.

Scheroma, die *Trockenheit der Augen.*

Epiphora, der *Thränenflus.*

Lippitudo, das *Eitertriefen der Augenlieder.*

Hydrops facci lacrimalis, die *Wässersucht des Thränenfacks.*

Anchylops, die *Augenwinkelgeschwulst.*

Ægylops, das *Augenwinkelgeschwür.*

Fistula lacrimalis, die *Thränenfistel.*

Encaanthis, die *Thränenkarunkelauswachung.*

Rhyas, das *Schwinden der Thränenkarunkel.*

Peribrosis, die *Augenwinkelzerfressung.*

Lemositas, die *Augenwinkelunreinigkeit.*

Lacrumatio sanguinea, das *Blutweinen.*

MORBI MEMBRANÆ CONJUNCTIVÆ.

Ophthalmia, die *Augenentzündung.*

Ophthalmodinia, der *Augenschmerz.*

Varicositas conjunctivæ, die *Kropfadern der Augen.*

Ecchymosis, die *Blutunterlauffung.*

Pustula, die *Eiterblättern.*

Phlyctæna, die *Wässerblättern.*

Papula, die *Knoten.*

Carunculæ, die *Fleischwarzen.*

Carbunculus, der *Karbunkel.*

Ulcus albugineæ, das *Geschwür der weißen Augenhaut.*

Aliena oculis illapsa, *fremde Körper im Auge.*

MORBI CORNEÆ.

Obscuratio corneæ, die *Verdunklung der Hornhaut.*

Maculæ, die *Flecke.*

Pterygium, das *Augenfell.*

Staphyloma, das *Staphylom.*

- Onyx**, das Hornhautapostem.
- Velcoma**, das Geschwüre der Hornhaut.
- Fistula cornæ**, die Fisteln der Hornhaut.
- Vulnus cornæ**, die Wunde der Hornhaut.
- Rhytidosis**, das Zusammenfallen der Hornhaut.
- Pustulæ**, die Eiterblattern.
- Phlyctenæ**, die Wassерblattern.
- Carunculæ**, die Fleischwarzzen der Hornhaut.

MORBI BULBI.

- Atrophia bulbi**, der Schwund des Augapfels.
- Exophthalmia**, das Ochsenauge.
- Ophthalmoptosis**, der Vorfall des Augapfels.
- Carcinoma bulbi**, der Krebs des Augapfels.
- Tetanus bulbi**, der Augapfelkrampf.
- Nystagmus bulbi**, die Augapfelzukung.
- Vulnus bulbi**, die Wunde des Augapfels.
- Defectus oculi**, der Abgang des Auges.
- Oculus supernumerarius**, das überzählige Aug.

MORBI IRIDIS.

- Mydriasis**, die Augensternweiterung.
- Myosis**, die Augensternverengerung.
- Synizesis**, die Augensternverwachung.
- Synechia**, die Regenbogenanwachung.
- Ptosis iridis**, der Regenbogenvorfall.
- Vulnus iridis**, der Spalt des Regenbogens.
- Deformitas pupillæ**, die Ungestalttheit des Augensterns.
- Pupilla præternaturalis**, der widernatürliche Augenstern.
- Hippus**, die Zuckung des Augensterns.
- Immobilitas pupillæ**, die Unbeweglichkeit des Augensterns.

MORBI HUMORIS AQUEI.

- Hydrophthalmia, die Augenwassersucht.
Hypopyum, das Eiteraug.
Hypoæma, das Blutaug.
Hypogala, das Milchaug.
Turbiditas humoris aquei, die Verdunklung der wässerlichen Feuchtigkeit.
Effluvium humoris aquei, der Ausflus der wässerlichen Feuchtigkeit.

MORBI LENTIS CRYSTALLINÆ.

- Cataracta, der graue Staar.
Prolapsus lentis crystallinæ, der Vorfall der Krystallinse.

MORBI HUMORIS VITREI.

- Glaucoma, die Verdunklung der gläsernen Feuchtigkeit.
Synchysis, die Auflösung der gläsernen Feuchtigkeit.
Prolapsus humoris vitrei, der Vorfall der gläsernen Feuchtigkeit.

MORBI RETINÆ seu VISUS.

- Photophobia, die Lichtscheue.
Amaurosis, der Schwarze Staar.
Amblyopia, das schwache Gesicht.
Oxyopia, das alzuscharfe Gesicht.
Nyctalopia, die Tagblindheit
Hemeralopia, die Nachtblindheit
Myopia, die Kurzsichtigkeit.
Presbyopia, die Weitsichtigkeit.
Hemiopia, das Halbsiehen.

- Myodesopsia, das Mückensehen.
Visus reticularis, das Netzsehen.
Visus nebulosus, das Nebelsehen.
Metamorphopsia, das Ungeformtsehen.
Crupsia, das Farbensehen.
Photopsia, das Lichtsehen.
Strabismus, das Schielen.
Luscitas, das schiefe Sehen.
Diplopia, das Doppeltsehen.






D E
MORBIS OCULORUM
G E N E R A T I M.

MORBI, qui oculos infestant, in *communes* atque *proprios* dividi solent.

COMMUNES dicuntur, qui in pluribus nostri corporis partibus eodem modo ut in oculis observantur.

PROPRII sunt, qui solis in oculis inveniuntur, & a morbis communibus sua indole differunt.

Consultissimum esse duco, si singulæ partis morbos, tum *communes* tum *proprios*, ordine anatomico, quo partes oculi locantur, consideremus.



MORBI SUPER CILI ORUM.

M A D A R O S I S.

Est superciliorum & ciliorum defluvium vel defecatus. *

* Vox est græca α μαδαρος glaber. Dicitur etiam *Ptilosis* α πτηλος calvus. Aliis hic morbus vocatur *Milphosis*.

EFFECTUS morbi sunt ingrata deformitas & fortioris
lucis intolerantia.

SPECIES madaroseos sunt :

1. *MADAROSIS SPONTANEA*, quæ leprosa, atque luis venereæ inveteratæ symptoma est. Hæc madarosis censetur *incurabilis* ob bulbos pilorum acrimonia destructos.
2. *MADAROSIS A RASURA SUPERCILIORUM*. In hac specie supercilia iterum intra duos annos renascuntur. *
3. *MADAROSIS AB EVULSIONE CILIORUM*, ut in trichiasi contingit. Etiam cilia evulsa, at rigidiora, recrescunt.

PHTHIRIASIS SUPERCILIORUM.

Est pediculorum latorum in superciliis & tarsis ciliorum nidulatio. **

Hoc vitium est infantibus familiare, atque plerumque immundicie debetur.

Curatur unguento mercuriali, quod locis obsessis aliquoties illini debet. Laudatur etiam oleum spicæ.

* *Illustr. HALLERI Physiolog.* T. V. p. 38.

** *Illustr. SAUVAGES Nosophoria methodica edit.* in 4. T. II. p. 603. in phthyriasi interna totius corporis pediculi ipsæ ex oculis proveniebant.

VULNERA SUPERCILIORUM.

Vulnera supercilio illata quandoque gravia inducunt symptomata. *

SPECIES sunt:

1. *VULNUS SIMPLEX*, ubi sola integumenta lœsa sunt. Hæc vulnera blepharoptosim causant, si palpebra superior a curatione longior manet, & lagophthalmum, si a cicatrice nimis arcta brevior evadit. Hinc ne hæc mala orientur, vulnus tale est legitime unendum & consolidandum.
2. *VULNUS COMPLICATUM CUM LÆSIONE NERVI FRONTALIS*, qui a foramine superciliari egreditur. Hæc lœsio amaurosim infert, quæ ut plurimum sub vulneris sanatione primum oritur. V. *Amaurosis a vulnere superciliī*.

MORBI CILIORUM.

TRICHIASIS.

Est directio ciliorum versus oculi bulbum. **

* PLATNER *Prolusio de vulneribus superciliis illatis.*
Opusc. T. 2. & GENGA anatomia chirurgica p. 239.

** Dicitur etiam trichiasis a spic pilus. V. CORTUM
Diss. de triehosi, & HEISTERI Diss. de trichiasi oculorum.

Rarissime in superiori, ut plurimum in inferiori tarso
palpebrarum hoc vitium deprehenditur.

C A U S A hujus mali est quandoque nativa, quandoque
callositas aut cicatrix ciliis directionem dat ini-
quam.

E F F E C T U S hujus morbi sunt conjunctivæ atque corneæ
perpetua sub omni noctitatione irritatio, inde
immanis dolor, inflammatio oculi, ulcera, ma-
culæ, opacitas corneæ, quandoque cæcitas,

S P E C I E S trichiaseos sunt:

1. *T R I C H I A S I S T O T A L I S*, quando cilia
omnia introrsum vergunt.
2. *T R I C H I A S I S P A R T I A L I S*, si solummo-
do quædam cilia fasciculi ad instar versus ocu-
li bulbum dirigantur.

Curatio radicalis exigit destructionem bulborum.

Hinc 1. ope peculiaris volsellæ evellantur ci-
lia, sensim ac interpolatis diebus: dein 2.
porus evulsi cilii vel seta porcina vel median-
te tenui penicillo impletatur spiritu salis am-
moniaci vel solutione pastæ depilatoriæ, * vel
acu candente tangatur.

Frustra resecantur cilia, nam rigidiora recrescunt.

Frustra mediante emplastro cilia palpebræ ag-
glutinantur, nam ablato emplastro brevi ite-
rum in vitiosum situm redeunt.

* PLENCK *Pharmacæ chirurgicae* 1780 Viennæ p. 198.

3. *TRICHIASIS A DISTICHIASI*, est rariſſima trichiaſeos species. V. *Distichiasim.*


4. *TRICHIASIS AB ENTROPIO*, hæc ſpecies ſympotoma eſt entropii; frequentiſſime obſervatur, & exigit curationem introverſi tarsi palpebralis. V. *Entropium.*

D I S T I C H I A S I S.

Et dupliſata ſeries ciliorum, quarum una extroſum, altera introrſum verſus oculi bulbum crenat.

C A U S A P R O X I M A eſt vitium primæ conformatiōnis, qua vitiosus numerus & ſitus bulborum oritur.
Effeſtus ſunt ut in trichiasi.

Curatio ratifiſimi hujuſ morbi exigit, ut interna ſeries ciliorum extirpetur evulſione & eroſione, ut in trichiasi ſuafimus.



M O R B I P A L P E B R A R U M.

A N C H Y L O B L E P H A R U M.

Et palpebrarum in ſuis tariſis concretio. *

Hæc concretio vel *totalis*, ſi integra palpebrarum commiſſura, vel *partialis* vocatur, quando ſolum pars quædam hujuſ commiſſuræ concreta eſt.

* Ab ἀγκύλῃ concretio & βλιφησον, palpebra.

SPECIES hujus mali sunt:

1. *ANCHYLOBLEPHARUM CONGENITUM*, quod in infantibus recens natis observatur. Tarsi palpebrarum in hac specie ut plurimum in solo angulo externo ad dimidium commissuræ cohærent.

Curatio anchyloblephari exigit, discissionem marginum palpebralium: hæc facillime, palpebris diductis, ope cultelli cum cuspide capitato peragitur.

2. *ANCHYLOBLEPHARUM ADVENTITIUM*, quod a prægressa inflammatione, ambustione, vel erosione marginum palpebralium oritur.

Dissectio in anchyloblepharo totali cultello acuto incipitur, & dein cultello capitato juxta commissuram palpebralem continuatur. *Vulnus* vino tepido exsiccatur.

3. *ANCHYLOBLEPHARUM SPURIUM*.
Est apparens palpebrarum concretio, in qua margines & cilia palpebrarum spisso glutine puriformi, e glandulis Meibomianis exsudante, tempore somni vel oculis diu clausis firmiter agglutinantur. Est symptoma lippitudinis & variolarum.

Curatio exigit humectationem concretionis lacte tepido & dein curationem lippitudinis. V.
Lippitudo.

SYMBLEPHARUM.

Est palpebræ concretio cum oculi bulbo.

Hoc malum potissimum in superiori, rarissime in inferiori palpebra observatur.

CAUSÆ hujus concretionis sunt vitium *malæ conformatio-*
nis vel *ulceratio corneæ*, *conjunctivæ* vel
internæ palpebrarum superficie, aut *scarificatio*,
vel *ambustio oculi*, præsertim si oculi diu clausi
manent.

1. *S Y M B L E P H A R U M T O T A L E*, quando
tota palpebra bulbo, id est conjunctivæ & cor-
neæ adhæret. Hoc malum nisi recens sit, in-
curabilem inducit, etiam discisis partibus,
cæcitatem. Concretus enim corneæ locus,
opacus manet.

2. *S Y M B L E P H A R U M P A R T I A L E*, quan-
do solum particula quædam palpebræ cum
conjunctiva vel quod pejus est, cum *cornea*
cohæret.

Curatio exigit, ut bene protracta palpebra ope
cultelli a parte concreta separetur.

Post discissionem serventur oculi aperti, movean-
tur sæpius & illinantur cremore lactis vel li-
nimento ex butyro, & tutia, ne iterum ac-
cretio fiat.

BLEPHAROPHTHALMIA.

Est inflammatio palpebrarum.

SPECIES hujus morbi sunt:

1. **BLEPHAROPHTHALMIA VIOLENTA,**
quæ contusionem vel vulnus palpebrarum, aut
extractionem cataractæ sequitur.

Curatur fomento ex herbis cephalicis vino in-
fusis.

2. **BLEPHAROPHTHALMIA AB ICTU
INSECTI,** ut vespæ vel apis.

Curatur aqua frigida, forma fomenti oculo ap-
plicata.

3. **BLEPHAROPHTHALMIA SPONTA-
NEA,** quæ a depositione alicujus acrimoniæ
oritur. Comitatur erysipelas faciei, hordeo-
lum, lippitudinem & stadium variolarum sup-
puratorium.

Curatio exigit purgantia, & alia derivantia ab
oculis.

OEDEMA PALPEBRARUM.

Est intumescentia palpebrarum cuti concolor, indo-
lens, mollis, digitii impressi foveam retinens.

CAUSA PROXIMA est roris aquosæ congestio in tunica
cellulosa palpebrarum.

Hoc malum est utplurimum symptomæ aliis morbi.

SPECIES sunt:

1. **OEDEMA SYMPTOMATICUM,** quod
anasarcæ & clorozeos est symptomæ.

Curatur roborantibus.

2. **OEDEMA IDIOPATHICUM**, quod a causa ipsis in palpebris hærente, ortum est. Cataplasmata emollientia palpebras sæpe oedematosas reddunt.

Curatio exigit roborantia externa.

EMPHYSEMA PALPEBRARUM.

Est palpebrarum intumescentia ab aere in telam cellulosa insinuato.

Hoc malum horrendum in modum palpebras inflat ac semper emphysematis universalis, aut phyocephali est symptoma.

Curatur ablata emphysematosi. V. in chirurgia tumores aëreos.

ECCHYMO MA PALPEBRARUM.

Est palpebrarum intumescentia livida, a sanguine in membranam cellulosa effuso.

SPECIES ecchymomatum palpebralium sunt:

1. **ECCHYMOMA VIOLENTUM**, quod a contusione oculi & palpebrarum nascitur.

Curatur venæsectione & fomento ex herbis cephalicis vino infusis.

2. **ECCHYMOMA CONSECUTIVUM**, quod contusionem frontis vel syncipitis non primo sed tertio vel quarto die, a defluente in tela cellulosa cruento, sequitur.

Curatur ut prior species.

3. *ECCHYMOMA SPONTANEUM*, est livor palpebrarum, qui scorbuticos, puellas menstruantes aut opilatas, gravidas, atque alios morbos internos comitatur.

Curatio exigit ablationem morbi primarii.

ATHEROMA PALPEBRARUM.

Est tumor cysticus, materiem pulvaceam continens, qui in palpebra superiori versus canthum oculi temporalem ut plurimum nasci solet.

Hic tumor est mobilis, indolens, cuti concolor. Quandoque magnitudinem nucis avellanæ, quandoque nucis juglandis habet. Subinde autem palpebram integrum in magni farciminis formam distendit.

Curatio. Incipientis atheromatis resolutio spiritu saponaceo, vel oleo lavendulae tentari potest, adulato tumori solus culter opitulatur.

Cutis saccum tegens, in plicam elevata transversim discindatur, dein saccus a tela cellulosa totus separetur, & extrahatur, vel saltem magna portio ex eo excindatur, & vulnus suppuratione aliquantum protracta sanetur. *

* Non semper necessarium est, ut infima cystidis pars excindatur, hæc enim suppuratione consumpta sæpe vel sua sponte exit, vel per ipsam suppurationem consumitur. Puero 6 annorum, atheromate magno palpebrali laboranti, facta incisione cutis ob pueri nimiam agitationem, solummodo superiorem portionem sacci

SARCOMA PALPEBRARUM.

Est tumor carneus e palpebra excrescens.

SPECIES sunt:

1. *SARCOMA PENSILE*, quod mediante pedunculo e palpebra pendet.

Curatur ligatura pedunculi.

2. *SARCOMA SESSILE*, quod palpebræ la- ta basi adhæret.

Curatur sola excisione totius tumoris.

SCIRRHUS PALPEBRARUM.

Est tuberculum durum in superiori utplurimum pal- pebra.

SPECIES sunt:

1. *SCIRRHUS BENIGNUS*, qui mobilis, cuti concolor & indolens est.

Curatur interno usu extracti cicutæ, externe em- plastrum de cicta cum pulvere belladonæ mixtum applicetur.

2. *SCIRRHUS MALIGNUS*, qui lancinans, & live-scens est. Si cicta nil juvat, sola ex-

auferre potui, tumor tamen jam a biennio integre cu- ratus manet. Idem mihi successit in atheromate buccæ sinistriæ, quod ducti salivali insidebat, qui prohibuit, ne inferiorem sacci partem excinderem. Tumor ta- men jam a decennio perfecte curatus manet, licet nec integrum saccum exciderim, nec vulneri causticum im- posuerim.

cisio tumoris prodest, ne tumor in cancrum
abeat.

CANCER PALPEBRARUM.

Est tuberculum vel ulcer malignum in palpebra ut-
plurimum superiori, quod acrimoniam cancro-
sam continet.

SPECIES teterrimi hujus morbi, ut plurimum lathalis,
sunt:

1. *CANCER SCIRRHOSUS*, est tuberculum
in palpebra durum, tuberosum, lacinans,
frequenter varicibus lividis circumbatum.
2. *CANCER VERRUCOSUS* est verruca lan-
cinans, livida, varicosa.
3. *CANCER NERVEUS*, oritur ex papula li-
vido-rubente & lacinante, quæ lente, ut ver-
ruca cancrosa in ulcer late serpens, dolens,
diversicolor cum margine calloso, lacero &
retorto abit.

Curatio exigit medicamenta specifica, ut cicu-
tam, belladonam, flamum lam jovis, succum
sedi acris, gentianam.

Si hisce remediis malum non cedat, excindatur
tumor, si nulla contraindicatio operationem
inutilem declareret.

CARBUNCULUS PALPEBRARUM.

Est tuberculum inflammatorium in palpebra, quod
intra paucos dies in gangrenam abit.

Hoc malum a peculiari *miasmate* oritur.

Curatio exigit internum usum corticis peruviani cum aceto camphorato.

Externe scarificato tumor iunguentum de styrace & camphora applicetur, ac desuper fomentum ex aqua vegetominerali & cort. peruv. ponatur.

H O R D E O L U M .

Est tuberculum inflammatorium, parvo furunculo simile, in margine palpebrarum. *

CAUSA PROXIMA est inflammatio glandulae Meibomianæ.

CAUSÆ REMOTÆ sunt ingesta acria, spirituosa, ** transpiratio suppressa, depositio acrimoniæ venereæ, scrophulosa.

PROGNOSIS. Est vitium infantibus familiare, raro solvitur, ut plurimum abit in suppurationem, quandoque sapientia in anno recurrat, & chalazion induratum relinquat.

Curatio. Incipiens hordeolum quandoque aqua vegetominerali & dato purgante resolvi potest. Si vero resolutio intra 24 horas non efficiatur, suppuratio est promovenda, hinc applicetur hordeolo frustillum emplastri diachilon simplicis & cataplasma emolliens.

* Græcis vocatur *crithe*.

** Novi hominem, qui quotiescumque spiritum vini bibit, hordeolo afficitur.

Hordeolum bene maturum intra digitos leniter comprimatur, ut pus exeat, remanens durities, eodem emplastro penitus auffertur.

HORDEOLUM saepius *recurrens* a Saburra primarum viarum, ab acrimonia venerea vel scrophulosa est. Hinc interne his causis contraria remedia prescribantur.

C H A L A Z I O N .

Est tuberculum indolens, cuti concolor, mobile, in margine palpebrarum. *

SPECIES chalazii sunt:

1. *CHALAZION SCIRRHOSUM*, quod tuberculum inæquale & durum est, ut plurimum a male curato hordeo lo oritur.

Curatio. Resolutio tentetur emplastro saponato, vel emplastro cicutæ composito, vel aqua vegeto minerali.

Si resolutio non obtineatur, tentetur *suppuratio* tumoris emplastro semivesicatorio.

2. *CHALAZION CANCROSUM*, est tuberculum tuberosum, lacinans, liveſcens, oritur ab acrimonia cancroſa, tractetur ut *cancer* palpebrarum.

3. *CHALAZION CYSTICUM*, est tuberculum æquale, molle, indolens, cuti concolor.

Curatio triplici modo fit:

* Latinis vocatur *grando*.

1. *Resolutionē*, hæc spiritu saponato vel oleo lavendulæ, vel emplastro saponato, aut cicutæ composito, aut unguento basiliconis cum camphora, tentari potest.
2. *Erosione* tumoris mediante particula minima lapidis caustici & dein continuato digestivo acri.
3. *Incisione* tumoris horizontali. Aliquot dies promoveatur suppuratio incisi facci, sic fasci facillime eximi potest. *
4. *CHALAZION TERREUM*, est tuberculum durissimum, terram continens, sola incisione tumoris noscendum & curandum. **

HYDATIS PALPEBRARUM.

Est vesicula aliquantum pellucida, aquam continens, margini palpebrarum, ut plurimum solitaria, insidens.

CAUSA PROXIMA est elevatio epidermidis ab humore aquoso.

Curatio exigit incisionem vesiculæ & exsiccationem, quæ guttula aquæ vitriolata, vel extracti saturni fieri potest.

* *Cel. SCHMUCKER chirurgische Wahrnehmungen I.*
Th. p. 568.

** Dicitur etiam *lithiasis* seu *lapis palpebralis*.

MILIUM PALPEBRARUM.

Est minimum tuberculum albicans & durum, semini milii magnitudine æquale.

CAUSA PROXIMA est materia atheromatosa sub epidermide collecta.

Curatio. Cuspide lanceolæ incidatur epidermis, sic molecula dura albicans exprimi potest.

MORUM PALPEBRARUM.

Est tuberculum rubrolividum, molle, ac indolens, quod morum refert, atque palpebræ, ut plurimum superiori, insidet.

Hoc vitium semper a nativitate est. De *curatione V. nævios* in doctrina de *morbis cutaneis*.

VERRUCÆ PALPEBRARUM.

Sunt verrucæ palpebris vel earum marginibus insidentes.

Huic malo præsertim vetulæ sunt obnoxiae. * Quandoque admodum magnæ evadunt & blepharoptosim, atque in prædispositis cancrum palpebrarum faciunt.

Frequentissimæ SPECIES sunt:

1. *VERRUCÆ PENSILES*, quæ pedunculum habent; afferuntur ligatura vel abscissione.
2. *VERRUCÆ SESSILES*, quæ lata basi cuncti insident.

* HEISTER *Institut. Chirurgic.* P. I. p. 537.

Curantur variis remediis specifice contra verrucas laudatis. V. Doctrina de morbis cutaneis.

3. *VERRUCÆ CANCROSÆ*, quæ dolentia, livida, varicosa sunt; de curatione V. *cancer palpebrarum.*

T R A C H O M A.

Est asperitas in interna palpebrarum superficie. *

EFFECTUS sunt ingens ophthalmia & dolor immanis, quotiescumque palpebræ nictitant, ut de trichiasi diximus.

SPECIES sunt:

1. *TRACHOMA SABULOSUM*, ut ab illapsō sabulo, tempore ventoso itinerantibus, in via fabulosa contingit. *Præcavetur larva cum oculis vitreis.*

Curatur elutione oculorum cum aqua vegeto-minerali.

2. *TRACHOMA CARUNCULOSUM*, quod a carunculis, seu minimis verrucis carneis in interna palpebræ superficie enatis, oritur.

*Curatur carunculis forfice abscissis. ***

* *Trachoma* derivatur a τραχεῖν *aspero.*

** Hæc species trachomatis vocatur etiam *morum palpebræ internæ*, quia interna palpebræ superficies mori adinstar tuberculosa, & lividorubra evadit. Aliis hæc *carunculæ pladerentes* dicuntur.

3. *TRACHOMA HERPETICUM*, quod a pustulis duris in interna palpebrarum superficie enatis, excitatur. *

Curatur unguento cum mercurio præcipitato rubro. Interne sublimatus corrosivus vel sulphur auratum antimonii cum mercurio dulci & decoctum dulcamaræ detur.

BLEPHAROPTOSIS.

Est prolapsus palpebræ superioris, adeo ut corneam tegat, & æger oculum penitus aperire dormientis adinstar nequeat.

EFFECTUS est vitium deforme, intuitui nocens & luscitatem etiam sanato morbo relinquens.

SPECIES hujus morbi sunt:

1. *BLEPHAROPTOSIS AB ATONIA seu RELAXATIONE MUSCULI LEVATORIS PALPEBRÆ SUPERIORIS*, ** causæ sunt chlorosis, omnis debilitas totius corporis, longa quies palpebrarum ab oculo diu deligato, cataplasmata emollientia.

Curatur fomento ex aqua frigida. Interne detuncortex cum valeriana & marte.

* Hic affectus etiam *sycosis* seu *palpebra ficosa* dicitur quia interna palpebræ superficies *ficus discissæ* adinstar granulosa evadit.

** Vocatur etiam *ptosis* seu *prolapsus palpebræ superioris* & græcis quibusdam *Atoniatonblepharon*.

2. BLEPHAROPTOSIS PARALITICA seu A PARALYSI MUSCULI LEVATORIS. Ut plurimum simul amaurosis adest, atque paralysis genæ ejusdem lateris, linguæ & maxillæ, vel symptoma est apoplexiæ, paraplegiæ. Oritur quandoque a suppressione menstruorum, hæmorrhoidum aut contusione superciliæ.

Curatio exigit antiparalytica & curationem morbi primarii: tentetur ergo *interne* arnica, *externe* aqua frigida, embroche, vinum roborans JANINI, electricitas applicetur. Fricitur supercilium liquore anodyno minerali & tinctura succini aut oleo fœniculi.

3. BLEPHAROPTOSIS SPASMODICA seu A CONTRACTIONE SPASMODICA MUSCULI ORBICULARIS PALPEBRARUM. Hæc species subito aggreditur & remittit: est hypochondriacis, hysterics & verminosis familiaris; etiam a sola saburra ventriculi quandoque oritur.

Curatur purgante, & dein datis nervinis aut antispasmodicis. V. *Spasmus palpebrarum*.

4. BLEPHAROPTOSIS A TUMORE PALPEBRAM SUO PONDERE DETRAHENTE, atheroma, lipoma, scirrus palpebræ superioris huc refertur.

Curatio exigit excisionem tumoris.

5. BLEPHAROPTOSIS AB INTUMESCENTIA TOTIUS PALPEBRAE SUPER-

RIORIS. Inflammatio, oedema, emphysema, ecchymoma palpebræ huc pertinet.

Curatio exigit purgantia & externe fomenta discutientia.

6. **BLEPHAROPTOSIS A PROLONGATIONE CUTIS PALPEBRALIS.** Hæc prolongatio quandoque vitium connatum est, quandoque vulnus transversale palpebræ, mala sanatum, sequitur. Sæpe autem causa ejus latet.

Distinguitur ab atonia musculi levatoris, quod hic cute palpebræ in plicam digitis elevata, illico se contrahat, in atonia autem musculus etiam elevata cute relaxatus maneat.

Curatio palliativa. Cutis palpebræ per emplastrum tenax ad frontem elevata firmetur.

Curatio radicalis exigit, ut cutis palpebræ in transversalem elevetur plicam, hæc plica cultro transversim abscindatur, demum vulnus cutis emplastro adhesivo bene uniatur, & sic sanetur. *

7. **BLEPHAROPTOSIS A VULNERE MUSCULI LEVATORIS PALPEBRÆ, vel FRONTALIS transversim dissecto.**

Curatur sutura vulneris.

* Instrumentum BARTISCHIANUM pro hac operacione inventum a Cel. RUY SCHIO & HEISTERO emendatum non est necessarium, est incommodum & palpebras nimium contundit.

8. *BLEPHAROPTOSIS PERIODICA*, quæ certo tempore reddit.

Curatur purgantibus, roborantibus, & cortice peruviano. *

LAGOPHTHALMUS.

Est impotentia palpebras penitus claudendi. **

EFFECTUS. Cornea ab illabente pulvere exsiccatur & paullatim obscura evadit.

SPECIES hujus morbi sunt:

1. *LAGOPHTHALMUS SPASMODICUS*
seu a spasio musculi levatoris palpebræ superioris. Hæc species in hystericis, hypochondriacis, verminosis, morbis convulsivis, & quandoque in febribus acutis observatur.

Curatio exigit antispasmodica & curationem morbi primarii, externe cataplisma emolliens ac anodynum convenit.

2. *LAGOPHTHALMUS PARALYTICUS*
seu a paralysi musculi orbicularis palpebrarum, qui antagonista musculi levatoris est, hinc levator perpetuo se contrahit.

Curatur antiparalyticis, arnica.

* Cel. CAUTVEL blepharoptosim qualibet nocte cum epiphora mucosa recurrentem refert, quam aquæ bellulucanæ, nuchæ affusæ, sanarunt. *Philos. Transact.*

173⁸. n. 449.

** Α λαγὼς lepus & ὁ θραλλὸς oculus, hinc latinis *oculus leporinus* vocatur, quia lepores apertis oculis dormire creduntur.

3. *LAGOPHTHALMUS AB ATONIA MUSCULI ORBICULARIS PALPEBRARUM.* Hæc species in senibus & hominibus jejano, vigiliis, morbo, inanitione valde debilitatis, observatur.

Curatio interna exigit roborantia & nutrientia.

Externe ut in lagophthalmo paralytico oleum fœniculi, balneum oculi frigidum, vinum roborans convenit.

4. *LAGOPHTHALMUS A FISSURA PALPEBRAE LONGITUDINALI*, qua musculus orbicularis divisus est. Hæc divisio vel a vulnere, vel a colobomate originem habet, exigit curationem fissuræ. V. *vulnera palpebrarum & coloboma*.

5. *LAGOPHTHALMUS AB EXOPHTHALMIA*, quæ palpebras diducit. Huc etiam referri potest *magna encanthis*.

Curatio exigit ablationem morbi primarii.

6. *LAGOPHTHALMUS A TUMORE INTER ORBITAM & MUSCULUM LEVATOREM PALPEBRAE.* Talis tumor sua pressione musculum irritat, & abbreviat. Noscitur tactu, & *curatio* exigit excisionem.

7. *LAGOPHTHALMUS A CONTRACTILITATE MUSCULI LEVATORIS PALPEBRAE.* Sic infantes, in cunis cum vertice versus fenestras locati, ex mala consuetudine sursum, ut lucem videant, intuen-

di, adeo musculum levatorem contractilitate afficiunt, ut lagophthalmi evadant.

Curatio exigit, ut versus lucem locentur, & ut emplastris tenacibus palpebra superior versus genam agglutinata, per aliquot septimanas deorsum trahatur.

8. *LAGOPHTHALMUS A CICATRICE*, quam vulnus, ulcus vel ambustio in palpebris, gena vel fronte relinquit, & quæ cutem palpebræ valde contrahit. Si emollientia & emplastra detrahentia ad curationem non sufficiant, instituatur mox dicenda operatio.

9. *LAGOPHTHALMUS A NATIVA BREVITATE CUTIS PALPEBRARUM*. Sedes brevitatis semper in sola cute, nunquam in musculo levatore esse solet.

Curatio exigit, ut cutis elongetur; si hæc *elongatio* per cataplasma & unguenta emollientia, atque simul applicatis emplastris tenacibus, ut mox diximus, genæ & palpebræ superiori abbreviatæ affixis, non possibilis est, tunc *operatio* institui debet.

Fiat nempe incisio transversalis per totam palpebram superiorem, & quidem in loco ubi palpebra plicam transversalem format.

2. Dein labium vulneris superius per emplastrum tenax ad frontem, labium autem vulneris inferius per aliud emplastrum ad genas, quantum fieri potest, detrahatur & agglutinetur.

3. Si prolongatio cutis nondum sufficiat statim secundum infligatur vulnus transversale in palpebra, & etiam emplastro deorsum glutinetur ad genam.

4. Sic vulnus cum lata cicatrice consolidetur.

10. *LAGOPHTHALMUS PARTIALIS.*

Quandoque cutis palpebræ non in tota palpebra, sed solummodo in externa vel interna palpebræ commissura nimis brevis est. Id etiam vel a vitio connato, vel a cicatrice oritur. In hac specie *incisio transversalis* non in tota palpebra, sed in solo loco abbreviato instituitur.

E C T R O P I U M.

Est palpebræ ut plurimum inferioris extraversione, qua interna harum superficies adeo extorsum agitur, ut hæc sub forma carnis rubræ in conspectum prodeat. *

Vitium hoc ut plurimum in inferiori palpebra, rarissime in superiori deprehenditur, & rarissime utrumque oculum afficit.

EFFECTUS ectropii sunt fæda deformitas, ac si caro rubra ex oculo prominaret, perpetua lacrumatio, bulbi sordities & non raro inflammatio, demum callosa degeneratio carnis rubræ.

* Derivatur ab ἐκρηπώ everto. Gallis dicitur *Renversemens*. V. KECK diff. de ectropio in *Collect. Halleriana* T. 1.

CAUSA PROXIMA est nimia cutis, palpebram formantis, brevitas.

SPECIES ectropii sunt :

1. *ECTROPIUM AB INTUMESCENTIA MEMBRANÆ INTERNÆ PALPEBRALIS*, quæ in scrophulosis, venereis, catarrhosis, & ophthalmia humida diu laborantibus observatur.

Curatur medicamentis internis specificis, prout varia est acrimonia.

Externe 1. applicentur *adstringentia* : ut aqua frigida, vel vitriolata, vel aluminosa.

2. *Cauftica* : ut solutio lapidis infernalis vel bntyrum antimonii, quo ope penicilli tumor illini debet.

3. *Scarificetur intumescentia & altero die applicetur unguentum ophthalmicum cum præcipitato rubro, ut intumescentia per suppurationem consumatur.*

4. Si hæc medicamenta nil juvent, tunc optimum est, ut membrana tumida volsella in plicam transversalem elevetur, & cultello transversim exscindatur.

Fæta operatione linteolum liquore vegetominali madidum intra palpebram & bulbum oculi ponatur, ne hæ partes concrecant. Palpebræ autem linteolum & fascia per aliquot dies applicetur.

2. *ECTROPIUM A CICATRICE* vel in *PALPEBRA INFERIORI* vel in *GENA*. Hinc vulnera, ulcera, & ambustionem harum partium sequitur. Si malum leve est, emolliatur unguento de althea cutis palpebræ & ope émplastri diachilon ad oculum apprimatur, si vero hæc methodus non succedit, fiat excisio membranæ internæ.

3. *ECTRORIUM A NATIVA BREVITATE CUTIS EXTERNAM SUPERFICIEM PALPEBRAE FORMANTIS*. In hac specie membrana interna palpebræ nimis longa est & tumida. Hinc si per adstringentia contrahi nequeat, optimum est, ut pars hujus membranæ transversim excindatur.

Incisio cutis externæ & vulneris diductio ope émplastrorum adhæsivorum fere semper incassum tentatur. *

4. *ECTROPIUM A VULNERE* vel *ULCERE COMMISSURÆ INTERNÆ PALPEBRARUM*. Sub actione musculi orbicularis dilatatur vulnus & interna membrana evertitur, hæc species *ectropium partiale* dici potest. Idem etiam observatur, si *coloboma* vel *fissura* in medietate palpebræ inferioris est.

Curatio hujus speciei exigit curationem vulneris, ulceris vel *colobomatis*, quos morbos vide in suis locis.

* *Mémoires de l' Acad. de Chirurgie de Paris T. V.*

**5. ECTROPIUM AB ATONIA MUSCULI
ORBICULARIS PALPEBRARUM.**

Quod vitium s^epe in senibus, vetulis & ophthalmia humida diu laborantibus observatur.

Curatur roborantibus internis: ut cortice & valeriana, *externe* aqua frigida & alia roborantia adhibeantur. At in *senibus* curatio vix possibilis est.

6. ECTROPIUM A SARCOMATE IN INTERNA SUPERFICIE PALPEBRAE,
quod s^epe ex ulceribus hujus internæ membranæ ex crescit.

Curatio exigit excisionem sarcomatis & exsiccationem ulceris.

7. ECTROPIUM AB AATHEROMATE IN PALPEBRAE SUPERFICIE INTERNA,
quod tactu noscitur.

Curatio exigit excisionem tumoris.

8. ECTROPIUM AB EXOPHTHALMIA,
vel *ENCANTHIDE*, quæ palpebram inferiorem extorsum & deorsum premit.

Curatur ablatione morbi primarii.

9. ECTROPIUM SIMULATUM, vidi puerum, qui digitis omnes quartuor palpebras sibi invertebat.

E N T R O P I U M .

Est palpebrae introversio, qua tarsi palpebrarum cum ciliis versus oculi bulbum introvertuntur.

EFFECTUS hujus mali sunt deformitas, trichiasis atque
pessima ophthalmia. V. *Trichiasis*.

SPECIES sunt:

1. *ENTROPIUM A CONTRACTIONE
MEMBRANÆ INTERNÆ PALPE-
BRARUM*, qua hæc nimis brevis evadit &
tarsum invertit.

Curatio exigit, ut cilia evellantur & ophthal-
mia sopiaatur, dein externa cutis palpebræ
transversim dissecetur, vel portio quædam cu-
tis transversim excindatur; ac vulnus per
emplastrum illico uniatur & sanetur. *

2. *ENTROPIUM A CICATRICE* membra-
næ internæ palpebrarum, quæ ulceræ curata
sequitur.

Curatur priori methodo.

3. *ENTROPIUM A TUMORE PALPE-
BRALI*, qui tarsum cum ciliis introrsum
premit.

Curatio exigit extirpationem tumoris.

PSOROPHTHALMIA.

Est scabies palpebras, earumque margines obsidens.

CAUSA PROXIMA est depositio acrimoniæ variæ ad
glandulas palpebrarum.

* Cel. ACREL plura entropia sic sanavit. V. ejus *Bemerkungen*.

SPECIES psorophthalmia sunt:

1. *PSOROPHTHALMIA CRUSTOSA*, quæ crustas siccas vel humidas in marginibus palpebrarum format.

Curatur lacte camphorato forma fomenti oculo applicato. Interne dentur purgantia & purificantia.

2. *PSOROPHTHALMIA HERPETICA*, quæ papulas parvas admodum prurientes & insquammas abeuntes exhibit.

*Curatur aqua vegetominerali camphorata, sulphurea, mercuriali. **

RUBOR MARGINUM PALPEBRALIUM.

Est rubor & intunescentia marginum palpebralium.

CAUSA PROXIMA est inflammatio chronica perichondrii, quod tarsos palpebrarum investit.

SPECIES sunt:

1. *RUBOR ACRIMONIOSUS*. Omnes fere acrimoniæ, præsertim cancrosa, ** ruborem marginum palpebralium inducunt.

* JANIN *Abhandl. und Beobachtungen über das Auge.*

S. 393.

** Cel. SCHMIDT amputationem mammæ vel alius partis cancroæ, si margines palpebrarum jam constant rubeant, merito disuadet, rubor enim marginum palpebralium indicat virus cancrosum per universum corpus jam dispersum, adeoque amputatione

Curatio exigit interna remedia specifica. *Externe*, aqua vegetomineralis, vel aqua frigida applicetur.

2. *RUBOR A LIPPITUDINE*. In hac specie limbus palpebrarum valde tumidus est, ac muco puriformi oblinitus. V. *Lippitudo*.

3. *RUBOR SYMPTOMATICUS*, qui hordeolum, blepharophthalmiam & alios morbos palpebrarum comitatur.

Curatio exigit ablationem morbi primarii.

4. *RUBOR SENILIS*, qui ab atonia palpebrarum oritur. Est incurabilis, si aqua frigida non curetur.

T Y L O S I S.

Est marginum palpebralium callosa vel indurata crassities.

CAUSA PROXIMA est infarctus ab humore spisso & glutinoso in glandulis & cellulis marginum palpebralium stagnante.

SPECIES sunt :

1. *TYLOSIS CALLOSA*, quæ a sicco, inspissato margine palpebrali provenit.

Curatur cataplasmate ex lacte, foliis cicutæ, camphora & semine lini. *Interne* detur extractum cicutæ, & camphora cum mercurio dulci.

incurabilem esse morbum. V. SCHMUKER chirurgische Wahrnehmungen. T. 2.

2. *TYLOSIS INDURATA*, quæ a glandulis meibomianis in toto fere limbo induratis, oritur. Hoc vitium quandoque in scrophulosis & venereis deprehenditur.

Curatur balsamo ophthalmico mercuriali.

VULNERA PALPEBRARUM.

Sunt solutiones cruentæ palpebrarum.

SPECIES esse possunt:

1. *VULNUS NON PENETRANS*, quo solummodo cutis palpebræ transversim, vel longitudinaliter dividitur.

Curatio exigit, ut tale vulnus sine suppuratione excitata emplastro anglicano uniatur, ne palpebra per suppurationem longior vel brevior fiat, & blepharoptosim aut lagophthalmum relinquat.

2. *VULNUS PENETRANS LONGITUDINALE*, quo tota palpebræ crassities dividitur. Emplastro anglicano unitum vulnus, subinde ad tarsum usque solummodo concrescit. * *V. Coloboma.*

3. *VULNUS ABSCINDENS PALPEBRAM.* Tale vulnus corneam & totum bulbum obscurationi exponit & visum tollit.

4. *VULNUS COMMISSURÆ INTERNÆ PALPEBRARUM*, ectropium palpebræ facit, curatur emplastro uniente.

* Cartilago dissecta neque augetur, neque coalescit, dicit **HIPPONCRATES**.

FISTULA PALPEBRARUM.

Est ulcus angustum & sinuosum in palpebra.

SPECIES sunt :

1. *FISTULA PALPEBRARUM SIMPLEX,*
quæ in palpebræ substantiam penetrat.
Curatur ut fistula in alio loco.

2. *FISTULA PALPEBRARUM IN SAC-
CUM LACRUMALEM PENETRANS,*
quæ a sacci lacrimalis intumescentia purulen-
ta & ruptura in palpebræ inferioris quodam
loco oritur.

Curatio radicalis exigit, ut sacci lacrimalis in-
tumescentia aperiatur, & ejus morbus cure-
tur. Sic fistula palpebræ sua sponte sanatur.

C O L O B O M A.

Est hiatus siccus in margine palpebrali, qui labium
leporinum refert.

Hoc vitium deformitatem inducit, ac speciem edro-
pii partialis. Oritur vel a *mala formatione* vel
a *vulnere marginis palpebralis*.

Curatio. Suadent authores abscissionem marginis
callosi, qui hiatum format, & unionem vulne-
ris per acum & filum.

N I C T I T A T I O.

Est invita palpebrarum sese jam claudentium, jam
aperientium motitatio.

CAUSA PROXIMA est vera convulsio palpebrarum.

SPECIES sunt:

1. *NICTITATIO CONNATA*, & quæ a *MALA CONSUETUDINE* est.

Curatur meliore consuetudine inducta, & oculis alternatim deligatis.

2. *NICTITATIO AB HETEROGENEO IN OCULUM ILLAPSO.*

Curatur exempto corpore alieno.

3. *NICTITATIO A SABURRA*, vel *VERMIBUS PRIMARUM VIARUM*, purgantibus & anthelminticis curatur.

4. *NICTITATIO SYMPTOMATICA*, quæ alias morbi convulsivi symptoma est, exigit curationem morbi primarii.

5. *NICTITATIO A TIMORE*, hæc species sub operatione cataractæ maxime animadvertisatur, & operatori valde incommoda est.

Curatur persuasione & mora.

SPASMUS PALPEBRARUM.

Est palpebrarum invita & permanens contracção.

Noscitur oculi rigida clausura, quæ digitis vix apertiri potest.

SPECIES sunt:

1. *SPASMUS A SABURRA PRIMARUM VIARUM*. Quæ purgantibus vel anthelminticis curatur.

2. *SPASMUS AB ILLAPSO HETEROGENEO IN OCULUM.*

Curatur exemptione corporis illapsi.

3. *SPASMUS SYMPTOMATICUS*, qui ab
alio morbo provenit.

*Curatur antispasmodicis & curato morbo pri-
mario.*

4. *SPASMUS AB OPHTHALMIA*; quibus
oculi sunt inflammati ob lucis metum adeo
arcte palpebras contrahunt, ut vix digitis di-
duci possint.

Curatio exigit ablationem ophthalmicæ.

5. *SPASMUS SUB OPERATIONE CA-
TARACTÆ*, turbat saxe operationem præ-
sertim extractionem. Observatur in timidis &
subiectis irritabilibus. Exigit, ut ante operatio-
nem oleum cum opio detur.

PRURITUS PALPEBRARUM.

Est sensatio, quæ hominem ad fricandas palpebras
cogit.

SEDES ut plurimum versus internam palpebrarum com-
missuram est.

SPECIES sunt:

1. *PRURITUS A TRANSPIRATIONE
SUPPRESSA*, qui matutino tempore in
catarrhosis & rheumaticis observatur.

2. *PRURITUS AB INCIPIENTE HOR-
DEOLO.*

Curatur aqua vegetominerali.

3. *PRURITUS AB INGESTIS ACRIBUS*,
qui altero primum die præsertim in *ebriosis*
observari solet.

Curatur purgantibus.

4. *PRURITUS AB HERPETO PALPEBRARUM*, exigit curationem herpetis. V.
Psorophthalmia.

MORBI VIARUM LACRUMALIUM.

S C H E R O M A.

Est oculi siccitas ob humoris lacrimalis penuriam.

EFFECTUS. Deficientibus lacrumis oculi sunt aridi,
pulverulenti, obscurati, sordidi, quod sinistrum
in morbis acutis omen est.

SPECIES sunt:

1. *SCHEROMA FEBRILE*, seu siccitas oculorum, quæ in febribus, cum phlogistica humorum densitate complicatis, observatur.

Curatur humectantibus externis & internis diluentibus antiphlogisticis.

2. *SCHEROMA EXHAUSTORUM*, quod post magnas evacuationes & in *moribundis* contingit.

Curatio in exhaustis exigit nutrientia.

3. *SCHEROMA INFLAMMATORIUM*, quod ophthalmiæ siccæ symptoma est. Exigit curationem ophthalmiæ.

4. *SCHEROMA ITINERANTIUM*, seu oculorum siccitas, quæ in itineribus per loca salsobulosa, ardente syrio aut vento calido, qui omne humidum absorbet, institutis, consuetuta est.

Curatur elutione & humectatione. Collyrium ex seminibus cydoniorum, decoctum malyæ, lac tepidum hic convenit.

E P I P H O R A .

Est humoris serosi vel aquosi profluvium ex oculis.

ORIGO hujus humoris non solum glandula lacrimalis est, sed etiam pori cornea & conjunctivæ, nec non interna palpebræ utriusque superficies, glandulae Meibomianæ, atque carunculae lacremales ad hanc secretionem contribuunt. *

CAUSA PROXIMA epiphoræ est, vel *aucta secretio humorum lacrimalium*, vel *impedita absorptio* horum humorum.

SPECIES ab *aucta secretione* sunt:

1. *EPIPHORA A STIMULO IN OCULO HÆRENTE*, ut ab illapsa arenula, fumo acri, vapore vel odore acri, a trichiasi.

Curatio exigit, ut corpus heterogeneum aufferratur.

* JANIN L. c. pag. 49.

2. *EPIPHORA INFLAMMATORIA*, quæ symptomata ophthalmiæ humidæ est.

Curatur ablata inflammatione.

3. *EPIPHORA ACRIMONIOSA*, quæ a depositione acrimoniarum rheumaticæ, arthriticæ, podagricæ, variolosæ, morbillosæ, venereæ, vel a transpiratione suppressa oritur. Videntur hæ acrimoniarum organa secretoria lacrimalium ad majorem secretionem irritare. Tarsi & genæ a lacruminis excoriantur.

Curatio exigit 1. derivationem acrimoniarum ad alia loca, quod purgantibus, diureticis, dia-phoreticis, ac præcipue fonticulis, vesicato-riis, setaceo peragitur. 2. *Interne* dentur antacrimoniosa, & *externe* aqua vegetomineralis, lac crocatum, vel mucilago seminum cydoniorum aut amyli.

4. *EPIPHORA A LAXITATE PORORUM CORNÆ*, conjunctivæ & glandulæ lacrimalis. Hæc species noscitur ex humiditate corneæ atque omnis doloris & ruboris absentia.

Curatur interno usu corticis peruviani cum valeriana. *Externe* aqua frigidissima, collyrium vitriolatum & camphoratum, nec non spirituorum conduceat.

SPECIES epiphoræ ab *impedita* lacrimalium *absorptio-* ne seu a viis lacrimalibus imperviis, sunt:

1. *EPIPHORA A PUNCTIS* vel *CANALIBUS LACRIMALIBUS CONCRETIS*. Id a combustionē, vel exulceratione

prægressa oritur & inspectione vel exploratio-
ne punctorum lacrimalium noscitur.

Curatio exigit, ut orificia concreta ope acuti
styli ocularis, in orificio externum immisso,
perforentur. Vel ut saccus lacrimalis incisione
aperiatur, & canalis atque punctum lacrimal-
le e cavo facci aperti extorsum ope styli ape-
riantur.

2. *EPIPHORA A DUCTU NASALI OB-
STRUCTO.* Hæc species hydropem lacru-
malem habet comitem & exigit reserationem
ductus nasalis obstrudi. V. *Hydrops lacru-
malis.*
3. *EPIPHORA A POLYPO NASALI*, ori-
ficium internum ductus nasalis comprimente.
Curatur polypi nasalis extractione. *
4. *EPIPHORA A SACCO LACRUMALI PER
ANCHYLOPEM* vel *PER TOPHUM
FOSSÆ LACRUMALIS COMPRESSO.*
Curatur ablato tumore comprimente. V. *An-
chylops.*
5. *EPIPHORA EX RHYADE* seu defectu ca-
runculæ lacrimalis est incurabilis.
6. *EPIPHORA A VITIO PALPEBRA-
RUM*, quod puncta lacrimalia a lacu lacru-
mali removet, ut encanthis, ectropium, en-
tropium, lagophthalmus, intumescentia mar-

* Vedit *Cel. JANIN* radicem polypi nasalis e sacco la-
crimali ortam. l. c.

ginis palpebralis. Hæc species curatur ablatis his morbis.

7. *EPIPHORA A PARALYSI PUNCTORUM LACRUMALIUM.* Nam hæc puncta vi musculari lacrumas e lacu lacrumali fugere videntur.

Curatio exigit roborantia antiparalytica.

8. *EPIPHORA A PUNCTIS LACRUMALIBUS EROSIIS.* Si fibræ musculares horum orificiorum erosæ sunt, vis fugens illorum perit.

Curatio exigit sanationem erosorum puncrorum.

L I P P I T U D O.

Est exsudatio humoris puriformis e marginibus palpebrarum.

CAUSA PROXIMA est depositio acrimoniæ ad glandulas Meibomianas tarforum palpebralium.

EFECTUS. Hoc humore noctu tarsi palpebrarum invicem conglutinantur, margines palpebrarum rubent & intumescunt. Persæpe ophthalmia, fistula lacrimalis & non raro ectropium exinde oriuntur.

SPECIES lippitudinum sunt:

1. *LIPPITUDO INFANTUM*, quæ infantibus valde est familiaris, præsertim ab achoribus aut a scabie capitis suppressa.
2. *LIPPITUDO ADULTORUM & SENIIS.* Lippitudo infantum successu temporis sponte evanescit, at pertinacissima est, quæ

adultos afficit, & plane immedicabilis fere observatur in senectute & in potatoribus.

Curatio exigit repetita purgantia, vesicatoria, setacea aut fonticulos. *Externe* solutio *lapidis divini*, aut unguentum ophthalmicum cum mercurio *præcipitato rubro* mirum præstat effectum. *

3. *LIPPITUDO VENEREA*, quæ ex suppressa gonorrhæa vel fluore albo, atque in infantibus, a venereis parentibus genitis, observatur.

Curatio exigit præter externum usum unguenti ophthalmici mox laudati internum usum mercurii gummosi.

4. *LIPPITUDO SCROPHULOSA*, quæ scrophulosos aggreditur.

Curatur interno usu corticis peruviani cum cicuta, æthiope minerali, antimonio. Valida evacuantia scrophulosis nocent.

5. *LIPPITUDO SCORBUTICA*, quæ scorbuticos afficit.

Curatio exigit interna antiscorbutica; *externe* solutio *lapidis divini*, vel *sacchari saturni* prodest.

HYDROPS LACRUMALIS.

Est intumescentia sacci lacrimalis, qui pressus digitus lacrumas puras, vel quandoque striis albis mix-

* THEDEN *neue Bemerkungen*. p. 192.

tas per puncta lacrimalia vel per ductum nasalē, vel per vias utrasque eructat.

CAUSA PROXIMA est vel *laxitas* sacci lacrimalis, vel *obstrūctio* ductus nasalis.

1. HYDROPS LACRIMALIS A LAXITATE SACCI LACRIMALIS. Noscitur hæc species, quod collectæ lacrumæ per ductum nasalē facile exprimi possint.

Curatur injectione collyrii roborantis ex vitriolo & spiritu vini camphorato, applicata aqua frigidissima, atque applicatis spleniolis graduatis, quæ saccum lacremale comprimunt.

2. HYDROPS LACRIMALIS AB OBSTRUCTIONE DUCTUS NASALIS: Hæc obstrūctio est multiplex, variamque exigit amotionem.

1. Obstrūctio mucosa exigit collyrium detergens, quod interno oculi cantho aliquoties de die instillari, vel ope syphonis Anelliani in punctum lacremale inferius injici debet. Infusum veronicæ, solutio boracis, aqua selterana, solutio salis ammoniaci, vel vitrioli pro hoc scopo laudantur,

2. Obstrūctio a contractione sphincteris ductus nasalis. Noscitur quod lacrumæ adhibita vi in nares exprimi possint.

Curatio quandoque succedit injectione emolliente, & applicato cataplasmate emolliente.

3. Obstruēio a corrugatione ductus nasalis.

Non potest sine facci lacrimalis incisione cognosci.

Curatio exigit, ut injectiones emollientes ab initio tententur, si vero hæ obstruktionem non tollant, fiat *incisio* facci lacrimalis, atque immittantur ductui nasalí per aliquot septimanas *chordæ præparatæ*, vel tenuissimæ *candelulæ Gouardianæ*, vel *stili plumbei*. Aperto ductu nasalí consolidetur vultus externum.

4. Obstruēio a polypo nasalí curatur ablato polypo.

A N C H Y L O P S.

Est tumor in interno oculi cantho, qui sedem extra saccum lacrumalem habet.

SPECIES anchylopum sunt:

1. ANCHYLOPS INFLAMMATORIA, quæ rubore & calore canthi interni noscitur.

Curatio exigit fomentum ex aqua vegetominerali, & purgantia.

2. ANCHYLOPS SUPPURATORIA, quæ abscessum in cantho interno format. Oritur ex prægressa inflammatione, vel metastasi purulenta.

Curatio exigit, ut tumor emplastro diachylon & cataplasmate emolliente emolliatur, atque dein aperiatur.

3. *ANCHYLOPS SCIRRHOSA*, est tuberculum durum in interno oculi cantho, quod non raro in carcinoma abit.

Curatio exigit cicutam.

4. *ANCHYLOPS CYSTICA*, est atheroma in interno oculi cantho, seu tumor indolens, cuti concolor, glaber, mobilis.

Curatio exigit, ut spiritu saponato resolvatur, vel si resolutio impossibilis, ut cultro aufferratur.

5. *ANCHYLOPS SEROSA*, est tumor serum continens in interno oculi cantho. Si resolvi nequeat, incidatur.

6. *ANCHYLOPS TOPHOSA*, seu *EXOSTOTICA*, est tophus in interno oculi cantho, cuius causa fere semper venerea est.

Curatio. Interne detur mercurius cum decocto radicis mezerei, externe emplastrum vel unguentum mercuriale, vel solutio mercurialis applicetur.

7. *ANCHYLOPS LACRUMALIS* est intumescentia facci lacrumalis a lacruminis in eo retentis. V. *Hydrops lacrimalis*.

8. *ANCHYLOPS A FISTULA LACRUMALI*, est intumescentia facci lacrumalis a muco puriformi in eodem congesto. V. *Fistula lacrimalis*.

ÆGYLOPS.

Est ulcus in cantho interno oculi, quod sedem extra
faccum lacrumalem habet.

CAUSÆ ægylops sunt canthi interni contusio, vulnus,
inflammatio, depositio acrimonie, præsertim va-
riolæ, fistula lacrumalis.

SPECIES ægylopum sunt :

1. ÆGYLOPS SIMPLEX, est ulcus purum
in oculi cantho interno, faccum lacrumalem
non afficiens.

Curatur aqua vulneraria.

2. ÆGYLOPS CANCROSA, a prægressa an-
chylope scirrhosa oritur. *Tractari* debet ut
cancer.

3. ÆGYLOPS VENEREA, est ulcus vene-
reum in interno oculi cantho.

*Curatur externo usu balsami mercurialis, & in-
terne datis mercurialibus.*

4. ÆGYLOPS CARIOSA, est ulcus cariosum
in interno oculi cantho. Quandoque cum,
quandoque sine fistula lacrumali est.

Curatio exigit externa & interna anticariosa.

**5. ÆGYLOPS A FISTULA LACRUMA-
LI**, est ulcus in interno oculi cantho a ruptura
vel incisione facci lacrumalis ortum. *V. Fi-
stula lacrumalis.*

FISTULA LACRUMALIS.

Est effluxus humoris puriformis ex punctis lacrimalibus. *

NOSCITOR ex levi tumore canthi interni, qui pressus mucum puriformem, vel per puncta lacrimalia, vel per ductum nasalem, vel per vias utrasque evomit.

CAUSA PROXIMA est muci pariformis excretio ex glandulis facci lacrimalis sine ulceris in sacco praesentia. Adest rarissime ulcus, & si adest, tunc effectus & non causa hujus effluxus puriformis est. **

* *Ill. RICHTERI observationum chirurgicarum fasciculus III. p. 18.*

** Multoties observatur muci puriformis effluxus e variis partibus sine ulceris praesentia. In gonorrhæa & fluore albo, quandoque altero statim ab infectione die, mucus effluit puri similis, antequam inflammatio praesens ulcus facere potuisset. In corryza e naribus sine ulcere profluit saepe mucus puriformis. In hæmorrhoidum fluxu albo idem contingit. In calculosis ingens saepe puriformis muci copia cum urina egeritur. In phthyli spuria ingens muci puriformis copia quotidie ejiciebatur, cum tamen post mortem, nec in vesica calculosorum, nec in pulmonibus phthysii spuria mortuorum, ulcus fuerit inventum. V. POTT *Observations on the fistula lachrymalis. Lond. 1763. & POTTS Abhandlungen über verschiedene Gegenstände der Wundärzneykunst. Dresden 1771.*

CAUSÆ REMOTÆ sunt depositio acrimoniae qualiscunque in glandulas facci lacrimalis, ut in variolis, morbillosis, scrophulosis & venereis observatur, inflammatio saepius rediens hujus facci, stagnatio lacrimalium in sacco ob ductum nasalium obstructum, contusio facci lacrimalis.

Dividitur fistula lacrimalis in simplicem & complicatam.

SPECIES *fistularum lacrimalium* sunt :

I. *FISTULA LACRIMALIS SIMPLEX*, in qua obstructio ductus nasalis non adest, quod noscitur, si mucus puriformis tum per puncta lacrimalia, tum per ductum nasalem exprimi potest.

Curatio exigit *collyrium detergens*, cantho oculi interno aliquoties de die instillandum. Infusum veronicæ, solutio *lapidis divini*, boracis cum saccharo, *lapidis infernalis* solutio diluta, aqua vitriolata, camphorata, solutio *salis sedlizenis* in hunc scopum laudantur. Hi liquores per puncta lacrimalia absorbentur. *

* *Instillatio* sequenti methodo peragi debet. I. Æger locetur supinus, dein calami superius & inferius transversim abscissi apertura superior digito tegatur, inferior apertura inumergatur in collyrium, sic quædam gutrulæ cavum calami intrant. Jam hæc apertura oculi cantho applicetur, sic liquidum, digito a superiori apertura ablato per aerem in tubum irruentem extil-

2. Vel hi liquores ope *syphonis* ANELLIANI per punctum lacrumale inferius in saccum lacremalem *injici* possunt.

Injectio sequenti modo peragatur. *

1. Digito manus sinistræ palpebra inferior extorsum, & versus canthum externum trahitur.

2. *Syphonis* apex manu dextra in linea vix obliqua, seu fere perpendiculari orificio lacrimali inferiori immittatur, dein sine vi adhibita in linea obliqua sponte quasi sua imergatur ulterius canula syphonis in saccum lacremalem.

3. Tandem sypho comprimatur. Quantitas liquidii injecti non sit nimis magna, ne saccus lacrimalis nimium extendatur.

4. *Injectio* post aliquot horas iterum exprimatur & sic aliquoties de die repetatur.

At *injectio vix plus quam instillatio*, ut plures observavi, præstat, imo in fistula lacrimali inflammata irritando *injectio* nocet.

2. *FISTULA LACRUMALIS COMPLICATA CUM INFLAMMATIONE SACCI LACRUMALIS.* Noscitur ex effluxu

lat in oculum. Clausis palpebris liquidum in oculo digitis aliquantum agitetur, ut e lacu lacrimali in orificio punctorum lacrimalium absorbeatur.

* D. ANEL nouvelle méthode de guérir les fistules lacrimales. Turin. 1713.

muci puriformis & præsentia ruboris, caloris, atque doloris in cantho oculi interno & sacco lacrumali. Hæc inflammatio quandoque ter vel quarter in anno afficit, & facile antiphlogisticis remediis intra aliquot dies curatur. At quandoque malum hoc omni mense, imo qualibet septimana vias lacruales aggreditur & pertinacius remediis antiphlogisticis resistit.

Curatio ergo exigit:

1. Ut fomenta & collyria ex aqua vegetominali applicentur. *Injectio* in puncta lacrimalia durante stadio inflammatorio nimis irritat.
2. Fiat *venæsecțio*, dentur *purgantia*, & dein antiphlogistica,
3. Adhibeantur *revellentia*, ut setaceum, vel vesicatoria ad nucham, hyrudines ad tempora.
4. *Purificantia sanguinem.*

3. *FISTULA LACRUMALIS COMPLICATA CUM OBSTRUCTIONE DUCTUS NASALIS.* Hæc noscitur, quando mucus puriformis ex sacco non in nares exprimi potest.

Curatio exigit amotionem obstructionis. Si hæc solum *glutinosa* est, amovetur injectione detergente, si vero *obstructio solida* est, ut contratio chronica sphincteris vel ductus nasalis corrugatio tunc operatione sequenti opus est.

Operatio fistulæ lacrimalis.

INDICATIO. Fistulæ lacrimalis cum obstrukione ductus nasalis complicata curatio exigit.

1. *Incisionem* sacci lacrimalis.
2. *Dilatationem* ductus nasalis.
3. *Exsiccationem* ductus nasalis a dilatatione suppurantis.
4. *Sanationem* ulceris externi ab incisione remanentis.

TEMPUS URGENS. Quando saccus lacrimalis pure multum turget, & illo per expressionem liberari nequit, operatio est facienda, 1. ne saccus in alieno loco crepet, 2. ne pus saccum totum exulceret, destruat & cariem fossæ lacrimalis inducat.

PRÆPARATIO AEGRI. Purgans detur & in plethoricis venæsectio aliquot ante operationem diebus fiat, vietus sit antiplogisticus. Saccus lacrimalis per noctem valde intumescens mane non exprimatur, ut saccus tumidus locum pro incisione bene monstret.

INSTRUMENTA. *Cultellus* pro incisione sacci. Potest culter cataractarius adhiberi.

Specillum M E J A N I.

Stilus triquetus pro ductu nasalí.

Acus triquetra curvata pro perforando osse lacrimali.

Chordæ fidium præparatæ, sed crassitie diversæ. *

Cereoli vel stili ex plumbo.

PRO DELIGATIONE. *Torunda parva.*

Emplastrum anglicanum semilunatae figuræ.

SITUS PRO OPERATIONE: æger sedeat in sella versus lucem, caput ejus a ministro retro ægri sellam stante retineatur. Chirurgus ante ægrotum stet.

OPERATIO IPSA.

1. Chirurgus cultro *vulnus longitudinale seu perpendiculare* facit in sacci lacrimalis prominentis cavitatem usque, ad 3 vel 4 lineas.
2. Vulnus parva *turunda* ex linteo carpto modice impleatur, & emplastro semilunato tegatur. Hæc prima deligatio triduo sic relinquatur.
3. Quarto die vulnus aperiatur & *specillum* in apice triquetrum, vel *specillum MEJANI* per *ductum nasalem* obstructum sensim in cavum narium trudatur. Ex ægri sensatione specilli in cavo narium & ex exitu aliquot guttularum sanguinis e cavo narium, scimus *obstructionem canalis nasalis superatam esse.*

* Chordæ fidium diversæ crassitie humectentur, dein appendis ponderibus elongentur & exsiccentur, tandem in frusta, digitum longitudine æquantia, scindantur, ac in apicibus cultello aliquantum accuminentur.

4. Exemto specillo statim in canalem nasalem apertum intrudatur *chorda* fidium tenuissima, altero die *crassior*, tertio *crassissima*. Hæ chordæ in canali intumescent, & illum dilatant. Sic per chordam crassissimam sed quotidie cum recenti mutatam, dilatatio canalis nasalis per 3 vel 4 septimanas continuatur. *Extremitates chordarum e naribus & vulnere sacci prominentes inflectantur & emplastro conglutinentur*, ne *chorda excidat e ductu*.
5. Demum loco chordarum *cereoli parvi* cum extracto saturni parati per 15 dies ductui nasalii immittantur, tandem per 10 vel 15 dies stili plumbi loco cereolorum ductui nasalii imponantur; sed antea aliquoties guttulae quædam extracti saturni vel aquæ Thedianæ injiciantur. Sic canalis dilatatus sensim *excicatur*.
6. Tandem omittantur hi stili plumbi, & vulnus externum solo emplastro anglicano vel diapalmæ tegatur. Sic vulnus intra aliquot dies sua sponte sanatur. *

* ANELLI methodus, qui sine sacci lacrimalis incisione specillo tenui per punctum lacrumale immisso, & MEFANI methodus, qui simul introducto per vias lacrimales filo, obstructionem ductus nasalis expedire co[n] Natur, ut & methodus DE LA FORESTI, & CABANISII, qui specilia & setaceum per orificium na-

SYMPTOMATA, quæ operationi quandoque superveniunt.

1. **HÆMORRHAGIA** sub incisione facci lacrimalis. Hæc a læsione arteriæ angularis provenit. Sistitur facile linteo carpto, vel fungo agarico.

2. **EPIPHORA**, quæ quandoque post operationem remanet. Hæc vel a laxitate facci lacrimalis vel a punctis aut canalibus lacrumalibus concretis oritur. Ideo ante sanationem vulneris facci lacrimalis semper exploret chirurgus, vel per stilum vel per injectionem, an canales lacrtales sint aperti, nam si essent concreti stilo prius illos aperire deberet. Si ergo jam sanato vulnere facci lacrimalis hi ductus concreti inveniantur, nova incisio facci & perforatio ductuum lacrumalium fieri deberet. Epiphora autem a laxitate facci lacrimalis curatur, ut *hydrops facci lacrimalis*, quem *vide*.

3. **CALLOSITAS VULNERIS**, quæ sub dilatatione a torundis & a stilos plumbeis quandoque oritur. Hæc exigit, ut orificium callosum vel guttula butyri antimonii, aut soluti

sale ductus nasalis in saccum lacrumalem introducere suadent, rarissime peragi potest, & ut plurimum sine medela malum exasperat. V. M E Z G E R *curationum chirurgicarum*, quæ ad fistulam lacrimalent hucusque fuerunt adhibitæ, *historia critica* 1772.

lapidis

lapidis infernalis , aliquoties tangatur , vel cus-
spide cultelli , in vulnere circumvoluto , mar-
go callosus reddatur recens , vel apex parvæ
torundæ unguento cantharidum imbuta per ho-
ram ulceri imponatur . Sic ablato callo vulnus
ut recens sanetur .

4. *FISTULA LACRUMALIS COMPLI-
CATA CUM RUPTURA SACCI LA-
CRUMALIS.* Si mucus puriformis sua glu-
tinositate puncta lacrumalia & simul ductum
nasalem obstruit , ac tamen a glandulis in ca-
vo sacci lacrumalis continuo secerni pergit ,
tunc demum saccus lacrumalis cum superja-
cente cute rumpitur extorsum .

Hæc *ruptura* vel in *medietate* facci lacrumalis ,
vel in *loco alieno* , ut sub *inferiori* palpebra ,
contingit .

Ruptura in *loco legitimo* , seu *medietate* facci
lacrumalis orta , ut plurimum nimis exigua
est , hinc sufficienter dilatari debet , ut chordæ
in ductum nasalem applicari possint .

Ruptura in *loco illegitimo* orta exigit , ut ope-
ratio in *sacco lacrumali* instituatur , alias nec
illegitima *ruptura* , nec *fistula lacrumalis cu-*
rari potest .

5. *FISTULA LACRUMALIS CUM CA-
RIE FOSSÆ LACRUMALIS COMPLI-
CATA.* Hæc species raro observatur , & ex
neglecta incisione facci lacrumalis oritur . *Ca-*
ries ossis lacrimalis fœtorem fistulæ & narium ,

carnem fungosam in sacco & canali nasalí pro-
ducit. Hæc caries exigit, ut :

1. *Interne anticariosa* adhibeantur nempe cor-
tex peruvianus cum asa fœtida.
2. *Externe*, vel cultro vel causticis ut solutio-
ne saturata lapidis infernalis afferatur ca-
ro fungosa, dein essentia euphorbii, masti-
china, vel myrrhæ ad inhibendum cariei
progressum applicetur.
3. Tandem si ductus nasalis adeo obliteratus est,
ut stilo triquetro non aperiri & chordis
pervius reddi possit, tunc *nova apertura*
ope acus triquetrae crassioris per os lacru-
male, & internam narium membranam in
cavum narium fieri debet. Sanguis e nare
profluens, & aer e vulnere fistulae compres-
sis naribus prorumpens sunt signa perforati-
assis lacrimalis.
4. Hæc apertura statim torunda ex linteo car-
pto expleatur, & sic per triduum relin-
quatur.
5. Dein exempta torunda 3 chordæ fidium præ-
paratæ, & crassissimæ in factam aperturam
per 3 vel 4 septimanas immittantur, ut hæc
dilatata maneat.
6. Tandem loco chordarum vel cereoli saturni-
ni, vel stili plumbei, quæ crassitatem trium
chordarum habent, per 25 dies in apertu-
ram ponantur. Simul aqua frigida & liquo-

re adstringente apertura exsicetur, ac callosa reddatur.

7. Tandem omissis cereolis & stilis vulnus externum sacci consolidetur.

6. *FISTULA LACRUMALIS COMPLICATA CUM ACRIMONIA*, quæ nempe ex acrimonia venerea, scrophulosa, variolosa, tineosa, arthritica (quæ imprimis verno & autumnali tempore facile revertitur); aut alia oritur, præter curationem generalem simul *specifica* medicamenta exigit.

E N C A N T H I S.

Est excrescentia vel intumescentia carunculæ lacrimalis.

EFFECTUS encanthidis sunt deformitis, lacrumatio, quandoque ectropium.

SPECIES hujus mali sunt:

1. *ENCANTHIS BENIGNA*, seu excrescentia indolens, mollis, rubra, granulosa fructus mori adinstar.

Curatur 1. *Exsiccatione* cum extracto saturni,
2. *Ligatura* radicis. 3. *Excisione* portionis superfluæ. 4. *Caustico*.

2. *ENCANTHIS MALIGNA*, est excrescentia lancinans, plumbei coloris, dura, inæqualis. Hæc species in cancrum abit, hinc ut talis tractetur.

3. *ENCANTHIS INFLAMMATORIA*, seu
INFLAMMATIO carunculae lacrimalis.
 Noscitur ex intumescientia rubra, calente, do-
 lente subito nata, increscit hæc species quan-
 doque in ingentem magnitudinem, & incisa,
 vel sponte rupta pus fundit ac subito con-
 fidet.

Curatio exigit ab initio resolutionem cum aqua
 vegetominerali: si resolutio non succedit, ap-
 plicetur per aliquot dies cataplasma emolliens,
 & dein incidatur tumor.

R H Y A S.

Est carunculae lacrimalis decrementum vel defe-
 ctus.

CAUSA PROXIMA est defectus nativus, vel excisio, vel
 erosio a quacunque acrimonia.

Hoc malum est *incurabile*, ac epiphoram inducit in-
 sanabilem, cum lacus lacrimalis perpetuo hiet.

P E R I B R O S I S.

Est erosio seu ulceratio commissuratum palpebralium
 Frequentissime commissura palpebrarum interna ha-
 erosione afficitur.

SPECIES sunt:

1. *PERIBROSIS AB ACRIMONIA LA-
 CRUMARUM*, ut in epiphora acrimonio
 sa observatur. Exigit ablationem epiphoræ &
 dein solutionem lapidis divini.

2. *PERIBROYSIS AB AEGYLOPE*, quæ se quandoque in commissuram usque extendit.
Curatur evanescente seu sanato morbo primario.
 V. *aegylops.*

L E M O S I T A S.

Est sordities puriformis interno oculi cantho inhærens. *

CAUSA PROXIMA est sebi ocularis collectio in interno oculi cantho.

SPECIES sunt:

1. *LEMOSITAS VULGARIS*, quæ evigilantibus a somno, itinerantibus a pulverulentia aeris, & agrotis quibusdam a morbo contingit.

Curatur elutione oculorum.

2. *LEMOSITAS CONSTANS*, quæ diu permanet, & a lippitudine carunculæ lacrimalis originem habet.

Curatur ut lippitudo palpebrarum.

L A C R U M A T I O S A N G U I N E A.

Et sudatio sanguinis spontanea ex oculis.

CAUSA PROXIMA est extremitatum arteriosarum anastomosis seu dilatatio. Visæ fuerunt feminæ, quibus sanguis omni mense non ex utero, sed ex oculis profluebat. **

* Hæ sordes græcis dicuntur *lemia* vel *gramia*.

** DODON. *observat. cap. 15.*

*Curatio exigit venæsectionem & restitutionem
menstruorum.*

MORBI MEMBRANÆ CONJUNCTIVÆ.

O P H T H A L M I A.

Est membranæ conjunctivæ vel totius bulbi oculari inflammatio, quæ ex oculi rubore, calore, dolore & tensione noscitur.

CAUSA PROXIMA est vasorum ocularium in parte irflammata dilatatio & oscillatio a stimulo inflammatorio, qui oculum immediate vel consensualiter afficit.

CAUSA DISPONENS est oculi debilitas vel nimia sensitivitas.

Multiplex habetur ophthalmiarum divisio & denonratio, quæ ab inflammationis *sede*, *gradu*, *dratione*, *complicatione* & *causa* peti solent.

A sede dividitur ophthalmia.

1. In *externam*, quæ in conjunctiva & quandoq in ipsa cornea.

2. — *internam*, qnæ in iride, uvea, vel chordea sedem habet.

3. — *angularem*, quæ solum oculi canthum ternum vel internum occupat.

A gradu *vehementiae* dividitur :

1. In *levem*, quæ *taraxis*.
2. — *gravissimam*, quæ *chemosis* dicitur.

A duratione discernitur ophthalmia :

1. In *acutam*, quæ febrem habet comitem & non diu durat.
2. — *chronicam*, quæ sine febre est, atque plures menses, imo annos durare solet.
3. — *periodicam*, quæ determinato die aut tempore reddit.

A complicatione dividi potest :

1. In *complicatam*, quæ cum alio morbo oculari jungitur.
2. — *symptomaticam*, quæ alii morbo oculari supervenit.
3. — *humidam*, quæ vehementem humoris *ferosi* vel purulenti effluxum habet.
4. — *siccum*, quæ sine omni humoris effluxu est.

A causa tandem dividitur ophthalmia :

1. In *violentam*, quæ a causa externa.
2. — *consensualem*, cuius causa in abdomen vel alio loco est.
3. — *idiopathicam*, cuius causa in ipso oculo est.
4. — *acrimoniosam*, quæ a metastasi acrimoniæ oritur, ut catarrhalis, venerea, gonorrhœica,癌性 (cancroso), scrophulosa, variolosa, morbillosa, exanthematica, rheumatica, arthritica, febrilis.

Ex his ergo sequentes ophthalmiarum SPECIES consti-
tui possunt.

1. *TARAXIS.* Est levissima oculi inflammatio,
in qua rubedo albicans est, & dolor modicus.
Oritur a levi causa: ut vapore acri, dentitio-
ne, lectione immodica, solis ardore, illapsa
corpoere heterogeneo, tempestate humida, ven-
to sicco, vel frigido.

Curatio exigit collyrium repellens ex aqua ve-
getominerali, vel aquam frigidam. Venæse-
tione & purgatione opus est, si inflammatio
increscit.

2. *CHEMOYSIS.* Est vehementissima oculi inflam-
matio, in qua conjunctiva oculi tunica ut pan-
nus scarlatinus rubet & ita intumescit ac super
corneam adeo elevatur, ut hæc in fossa quasi
locari videatur. Ut plurimum palpebræ simul
inflammantur, cornea fit turbida & rubicun-
da, dolor adest atrocissimus præsertim in su-
perciliis, qui nocte cum febre & vigiliis, ac
sensatione pulsationis in capite & oculo, pri-
mis præsertim diebus, exacerbatur, visus pe-
nitus obfuscatur.

Exitus chemoseos rarius est in *resolutionem*,
frequentissime autem in *suppurationem*, qua
vel bulbus oculi rumpitur, vel alias atrox
morbus in oculo relinquitur, ut opacitas cor-
neæ, staphyloma, varices conjunctivæ, ulcera
corneæ, fistula lacrimalis, pterygium.

Curatio exigit, ut illico validissima revellentia & antiphlogistica adhibeantur. Hinc:

1. Fiant *venæsecções repetitæ* in brachio, pede, jugulo.
2. *Hirudines* 6 vel 8 ad canthos oculorum.
3. *Sedatio arteriæ temporalis.*
4. Detur *validum purgans, reliquis diebus eccoproticum.*
5. *Vesicatoria* ad nucham.
6. *Emulsio refrigerans* cum nitro & diacodii syrupo.
7. His remediis nil juvantibus fiat ope lanceolæ *scarificatio* tumidæ conjunctivæ. *Ophthalmoxysis Woolhousiana* evitetur. *
8. Externe applicetur fomentum ex aqua vegetominerali, aut cataplasma pomaceum; remittente inflammatione fiat fomentum ex solutione aluminis, aut sacchari saturni, aut vitrioli albi.
3. *PHLEGMONE OCULI, seu OPHTHALMIA INTERNA,* est inflammatio iridis, uveæ & choroideæ. Noscitur ex albugineæ modico rubore, at iris est rubra & pupilla adeo constricta ut æger prorsus videre nequeat. Summa adest lucis intollerantia, dolor & pul-

* **LANGE** *Commentatio de ophthalmia.* *Tirnav.* 1777.
p. 47. & **SCHMUCKER** *Chirurg. Wahrnehmungen.*
1. T. 382. S.

satio intollerabilis in oculi fundo & capite, bulbus nonnunquam e sua sede propellitur. Jungitur simul febris vehemens, adsunt vigilæ nocturnæ & delirium, præsertim in junioribus & sensilioribus.

Non raro chemosis in phlegmonem oculi & phlegmone in chemosim abit. Tunc omnium ophthalmiarum acutissima & periculosissima adest, quæ frequentissime hypopio finitur, quo oculus rumpitur & immedicabilis sequitur cæcitas.

Quandoque tamen interna oculi inflammatio synizesim, synechiam, cataractam, amaurosim, amblyopiam, iridis fissuram relinquit, licet discutiatur.

Curatio eadem adhibetur ac in chemosi.

4. *OPHTHALMIA ACUTA* est ophthalmia vulgaris cum febre stipata, at intra aliquot dies vel septimanas terminanda; taraxi aliquantum est vehementior, & præter phlogistica, nullam peculiarem sibi junctam habet acrimoniā.

Curatio generalis exigit venæsectiones, purgantia, antiphlogistica, & externe aquam vegetomineralem.

5. *OPHTHALMIA CHRONICA seu HABITUALIS*, est ophthalmia diu jam durans,

valde rubens at ut plurimum indolens, nascitur ex laxitate vasorum. *

Curatio exigit roborantia interne & externe adhibenda.

Externe, aqua frigida, aqua ophthalmica camphorata, saturnina, vitriolata, aluminosa, spirituosa, tinctura Thebaica ** aut unguentum ophthalmicum rubrum applicetur.

Interne detur cort. peruvianus, valeriana vinum.

6. *OPHTHALMIA SICCA*, *** est ophthalmia habitualis, in qua vix lacrumæ, nec tumor in palpebris, observantur; rubedo & pruritus in tarsis palpebrarum, quæ noctu cohærent, adest.

Causa est acrimonia humorum, hinc malum pertinax. Superveniens dysuria quandoque critice solvit.

Curatio exigit venæfæctionem, & purgantia sa-
pius repetita.

Juscula diuretica, sanguinem purificantia.

Serum lactis & aquas acidulas.

Balnea tepida.

* Huc etiam refero *ophthalmiam indolentem*, in qua oculus sine omni dolore valde rubet, ut aliquoties vidi. Idem confirmat *Cel. RICHTER, JANIN & GENDRON. V. Cel. Profess. RICHTER Chirurgische Bibliothek*, 1. B. 4. Stück. p. 124.

** *Sammlung zum Gebrauch prakt. Aerzte* 6. B. 2. St. p. 366. de hac tinctura & aliis remediis in ophthalmia chronica laudatis vide formulas calcis hujus libelli adnexas.

*** Græcis dicitur *Sclerophthalmia* & aliis *Xerophthalmia*.

Collyrium ex lacte crocato, cataplasmate pomaceo, laetio.

Collyrium obvolvens, ex amylo vel semine cydoniorum.

7. OPHTHALMIA HUMIDA est ophthalmia habitualis cum palpebrarum intumescens circa tarsos, ac copiosa lacrimatione aut lippitudine complicata.

Causa est acrimonia humorum, unde malum adeo est pertinax, oculos, palpebras & genas excorians.

Curatio exigit :

Venæfæctionem & hyrudines ad oculorum canthos.

Purgantia repetita.

Vesicatorium ad nucham vel inter scapulas.

Fonticulos aut *setaceum* in malo graviori.

Juscula sanguinem edulcorantia vel antacrimoniosa specifica.

Collyrium ab initio *obvolvens* ex amylo, vel semine cydoniorum, & ad finem collyrium *vitriolatum*, vel ex *saccharo saturni* aut *alumine*.

8. OPHTHALMIA VIOLENTA, quæ ab oculi percussione, arenula illapsa, involatu insecti vel vulneratione oritur, ut post cataractæ operationem observatur.

Curatur fomento ex vino herbis cephalicis infuso, vel cataplasmate pomaceo, & venæfæctione.

9. *OPHTHALMIA CONSENSUALIS*, quæ a faburra primarum viarum oritur, ex signis faburræ acidæ, putridæ, biliosæ vel vermino-
sæ, quæ infantibus est familiaris, noscitur.
Hæc species est sæpe indolens. ac febrem re-
mittentem gastricam habet quandoque comi-
tem. *

Curatur salibus digestivis, purgantibus & anthel-
minticis, si a vermibus est.

Ad ophthalmiam consensualem pertinet etiam il-
la, quæ a dentitione, dolore capitis, obstruc-
tione visceris, & aliis causis, ab oculo diffi-
cis, oritur.

Curatur ablato morbo primario.

10. *OPHTHALMIA ENCEPHALICA*, quæ a cerebro affecto oritur. *Noscitur* ex signis cerebri inflammati. Mali est ominis ophthal-
mia, quæ phrenitidi, febri acutæ, aut capiti contuso circa septimam diem supervenit, de-
signat enim cerebrum inflammatum, suppu-
ratum, vel gangrenosum esse, & mortem ini-
tare.

Curatio adhibetur phrenitidis.

11. *OPHTHALMIA PLETHORICA*, quæ a sanguinis congestione ad oculos oritur. *Signa* habet sanguinis ad caput congesti.

* SELLE *Rudimenta Pyretologiarum methodicæ* 1773. Be-
rolini p. 108.

Oritur a plethora, menstruis, hæmorrhoidibus suppressis, abusu spirituorum, conatu vomendi, tussiendi, alvum duram vel partum deponendi.

Curatur. Venæsectionibus, purgantibus, restitutis excretionibus suppressis. Externe aqua frigida conducit.

12. *OPHTHALMIA CATARRHALIS*, quæ a transpiratione præsertim matutina suppressa originem dicit, * ut catarrhus per aliquot dies durat, & facta coctione materiæ catarrhalis humor puriformis ex oculo profluit, atque ophthalmia evanescit.

Curatio ergo exigit curationem catarrhi. Externe lac crocatum prodest.

13. *OPHTHALMIA GONORRHOICA*, quæ a suppressa gonorrhœa venerea oritur, dum materies virulenta ad textum cellulosum membranæ conjunctivæ seu albugineæ per metastatism deponitur.

Diagnosis. Biduo vel triduo post suppressam gonorrhœam oritur uberrima lippitudo, seu fluxus ex oculo rubente humoris alboflavescens, puriformis, & materiæ gonorrhœicæ, antea ex pene stillanti, simillimi. Rubor oculo-

* HOFFMANN *Diff. de præcipuis oculorum morbis*, & BLOCH *medicinisehe Bemerkungen*. Mulier quotiescumque parieti humido accubuit, ophthalmia affiebatur.

rum citca auroram ut in ophthalmia venerea non remittit, & fere semper in pessimam *chemosim* abit, qua cornea obscuratur, & membrana conjunctiva adeo intumescit, ut corneam in foveam quasi depresso exhibeat.

Prognosis. Hæc ophthalmia difficulter resolvitur, ut plurimum terminatur in suppurationem oculi interni, opacitatem corneæ, & immedicabilem cæcitatem.

Curatio, huc usque consueta, nempe venæfiones, hirudines ad canthos oculorum, vesicatoria, fonticuli, purgantia per ostium data ex nitro & rheo, cataplasmata discutientia ad oculum & emollientia balnea ad membrum virile, vix quidquam juverunt, ego plurimos hac methodo obcæcatos vidi, hinc consuetis remediis hisce addidi:

1. Usum internum *mercurii gummosi* ad 30 grana pro die.
2. *Balneum oculi mercuriale*, quod ex uncia una mercurii gummosi, in libra ladi coquenda, componitur, & quo oculi, mediante parvo vasculo vitro, omni media hora tepide balneari debent.
3. Si nec mercurii usus malum fugaret, posset *inoculatio gonorrhœæ ope cereoli*, pure gonorrhœico maligno obliniti & urethræ immisi, fieri. * at :

* Cel. LANGE *Commentatio de ophthalmia*. p. 78.

Ophthalmoxysis aut conjunctivæ excisio nil profundit, imo nocent. *

14. *OPHTHALMIA VENEREA*, quæ ab acrimonia venerea per totum corpus diffusa originem dicit. Hæc a gonorrhœica ophthalmia differt, quod circa auroram remittat & *nunquam* in chemosim abeat.

Curatur usu interno mercurii gummosi, externe balneum oculi mercuriale, vel balsamum ophthalmicum mereuriale applicetur.

15. *OPHTHALMIA CANCROSA*, est rubor levis oculorum & marginum palpebralium, qui carcinomata exulcerata, quo cunque in loco corporis sita, comitatur.

Curatio a cancri curatione pendet. V. *Rubor marginum palpebralium.*

16. *OPHTHALMIA SCROPHULOSA*, quæ infantibus scrophulosis familiaris est. **

Noscitur ex signis acrimoniae scrophulosæ.

Curatur usu interno corticis peruviani, antimoniī, conservæ cicutæ, æthiopis mineralis, saponis Veneti, aquilæ albæ, gentianæ.

Externe decoctum corticis peruviani cum alumine pro collyrio adhibetur, demum vesicatorio vel setaceo excitetur ulcus artificiale. Venæfæctio & valida purgantia scrophulosis nocent.

* SCHMUCKER chirurg. *Wahrnehmungen* I. T. 482. S.

** BISSET. *Medical essays and observations.* p. 119.

17. OPHTHALMIA EXANTHEMATICA,
quæ a metastasi materiæ alicujus morbi exanthematici, ad oculum depositi, provenit. Noscitur ex præsenti vel prægresso morbo exanthematico: morbilis, scabie, herpete, tinea capitis.

Curatio exigit revocationem exanthematis, & derivationem humoris acris ab oculis. Hinc præter medicamenta specifica salus est in repellentibus, ut setaceis, fonticulis, vesicatoriis & externis repellentibus.

18. OPHTHALMIA VARIOLOSA oritur ut plurimum aliquot septimanas post exsiccatas variolas, præsertim si æger non bene purgatus fuerit, aut auræ frigidæ se nimis cito exponat, pertinax, humida & acris est, quandoque per annos affligit. Sæpe in maculas & staphylo mata corneæ abit.

Curatio exigit purgantia crebriora, antimonialia, mercurialia, ulcera artificialia & balnea.

19. OPHTHALMIA RHEUMATICA & ARTHRITICA, vix ruborem facit, at dolorem intensum, & lacrimationem acrem. V. *Ophthalmodinia rheumatica*.

20. OPHTHALMIA ONANISTICA, quæ pollutionibus frequentioribus inducitur.

Curatur aqua frigida vel vegetominerali, ad oculos applicato, & balneo frigido totius cor-

poris. *Interne* dentur roborantia, cortex peruvianus, valeriana, mars. *

21. *OPHTHALMIA COMPLICATA*, est oculi inflammatio, quæ ab alio morbo oculari excitatur, ut a *trichiasi*, *trachomate*, *ulcere*, vel *fistula cornæ*, *synechia*, *lagophthalmo*, *ectropio*, *carbunculo albugineæ*, *pustula cornæ*, *hordeolo palpebrarum*, *corpore alieno in oculum illapso*, vel *vulnere oculi*.

Curatio hujus ophthalmiæ exigit ablationem morbi primarii, qui ophthalmiam excitat. Hinc vide *morbos citatos*.

22. *OPHTHALMIA EPIDEMICA*. Ophthalmia *catarrhalis* a transpiratione suppressâ & ophthalmiæ *autumnales* a bile corrupta non raro epidemice observantur.

Curatio ergo vel ut in *catarrhali*, vel ut in *gastroca* instituatur. **

23. *OPHTHALMIA PERIODICA*, quæ certo tempore aggreditur ut febris intermittens, quandoque cum, quandoque sine rubore oculi est.

* BÖRNERS praktisches Werk von der Onanie. Leipzig 1776. p. 223.

** Ophthalmiam epidemicam adnotavit CEL. HUXHAM. *Opera medico-physica*, & HOFFMANN. l. c. Ophthalmias autumno epidemico-bilioas v. in *Historia morborum Vratislaviensium*. p. 237. & HIPPOCRATES *Aphor. Sed. 3. aphor. 2.*

Curatur digestivis, purgantibus, & dein dato cortice peruviano. *

OPHTHALMODINIA.

Est oculi vehemens dolor sine magno oculi rubore.

Hicce dolor *varius* est, pruriens, ardens, pressorius arenosus.

SPECIES sunt :

1. *O P H T H A L M O D I N I A R H E U M A T I C A*, est oculi dolor cum levissimo, vel nullo penitus oculi rubore. *Inflammatio enim rheumatica* est serosa & ruborem non producit.

Curatio exigit purgantia antiphlogistica, lenia diaphoretica atque vesicatoria. Collyria humida in rheumaticis & arthriticis oculus non fert.

2. *O P H T H A L M O D I N I A P E R I O D I C A* est oculi dolor sine rubidine, qui certis & statis temporibus reddit. Habet simul comitem pulsus celeriorem, sitim, lacrimationem, urinam intense rubram, quandoque lateritiam.

Curatur ut febris intermitens: nempe ab initio purgantibus, & dein dato cortice peruviano, aut infuso florum arnicæ.

* Ophthalmiam quotidiam observavit BUTER. V. ejus *treatise on the Kincough*. 1707. Lond. p. 27. & SAGAR *Systema morborum* p. 236. ophthalmiam tertianam vidit Illustr. ROSENSTEIN. V. *Kinderkrankheiten* pag. 415.

3. *O P H T H A L M O D I N I A S P A S M O D I C A*

est dolor pressorius in oculi bulbo, qui a spasmo muscularum bulbi in hysterics & hypochondriacis, atque etiam finito fletu observatur.

Curatur mora, nervinis, & antispasmodicis.

4. *O P H T H A L M O D I N I A A B I N T E R N A
O C U L I I N F L A M M A T I O N E.* Dolor & sensatio adest, ac si bulbus ex orbita exprimeretur. V. *Phlegmonem oculi.*

5. *O P H T H A L M O D I N I A H Y D R O P H T H A L-
M I C A*, post frontis dolorem visus obscuratur, pupilla, dilatatur, & oculi bulbus eminentior est. Videtur ergo hæc species ab incipiente hydrophthalmia humoris vitrei pendere.

*Curatur venæsecione, purgantibus, vesicatorio.
V. Hydrophthalmia.*

6. *O P H T H A L M O D I N I A A R E N O S A*, est dolor pruriens & simul sensatio ac si arenula oculo inspersa esset, qui incipientes ophthalmias, arenulas oculo illapsas, & nascentia hordeola comitatur.

Curatio exigit elutionem oculi cum aqua frigida vel aqua vegetominerali.

7. *O P H T H A L M O D I N I A S Y M P T O M A T I-
C A*, quæ alius morbi ocularis symptomata est, ut ophthalmiæ, hordeoli &c.

Curatio exigit ablationem morbi primarii.

8. *OPHTHALMODINIA CANCROSA*, quæ ab acrimonia cancerosa in oculum deposita originatur. V. *Carcinoma oculi*.

VARICOSITAS CONJUNCTIVÆ.

Est venarum in membrana conjunctiva dilatatio in varices. *

CAUSA PROXIMA est laxitas harum venarum.

PECIES sunt :

1. *VARICOSITAS SIMPLEX*, quæ post ophthalmias sæpe remanet.

Curatur aqua vitriolata.

2. *VARICOSITAS COMPLICATA CUM PTERYGO.*

Curatio exigit, ut varices, quæ ab oculi cantho ad radicem pterygii pergunt, lanceola vel acu oculari transversim discindantur, & solutio saturata vitrioli exsiccentur. De varicositate cancerosa. V. *Carcinoma bulbi*.

ECCHYMOSIS CONJUNCTIVÆ.

sanguinis effusio in cellulas membranæ conjunctivæ.

Quandoque solummodo macula livida vel rubra in albo oculi observatur, quandoque tota vel dimidia conjunctiva a sanguine effuso livet.

Cirsoptalmia dicitur græcis.

SPECIES sunt:

1. *ECCHYMOSIS VIOLENTA*, quæ a percussione oculi oritur. Hæc species plerumque cum inflammatione complicatur.
2. *ECCHYMOSIS SPONTANEA*, quæ sine prægressa oculi contusione a vomitu, tussi vel risu oritur. Hæc species ut plurimum per culo & inflammatione vacat.

Curatur utraque species fomento ex speciebus cephalicis vino infusis.

PUSTULA CONJUNCTIVÆ.

Est vesicula pure turgida, quæ in conjunctiva ad limbum corneæ ut plurimum invenitur, & ad qua fasciculus vasorum ribrorum excurrit.

SPECIES sunt:

1. *PUSTULA VULGARIS*, quæ ab ophthalmia angulari oritur.

Curatur sedata inflammatione, aqua camphora & dein solutione lapidis divini.

2. *PUSTULA ACRIMONIOSA*, quæ in venerali, variolosis, & ab aliis acrimoniis excitatur. Præter mox dicta remedia externa egit medicamenta interna specifica.

PHLYCTENA CONJUNCTIVÆ.

Est vesicula aqua plena, in membrana conjuncti oculi.

SPECIES sunt:

1. *PHLYCTENA INDOLENS*, quæ hydatidi est similis.

Curatio exigit incisionem, & exsiccationem cum aqua vitriolata.

2. *PHLYCTENA ARDENIS*, quæ in limbo rubet, & dolet: oritur a varia sanguinis acri-monia, & non raro in ulcera pessima conjunctivæ degenerat.

Curatio exigit ablationem inflammationis, collyria exsiccantia, & interna specifica.

PAPULA CONJUNCTIVÆ.

Est tuberculum durum, in conjunctiva oculi.

Quandoque una, quandoque permultæ tales papulae adsunt:

CAUSA videtur esse induratio alicujus glandulæ subcutaneæ in conjunctiva. *

Curatio exigit medicamenta resolventia *interne* & *externe* applicanda.

CARUNCULA.

Est papula mollis & rubicunda ex conjunctiva excre-scens carunculæ carneæ similis. **

CAUSA videtur esse transudatio humoris lymphatici in tuberculum concrecentis.

* JANIN l. c. p. 58.

** Græcis vocatur *epanastema*, & colore rubente differt a *pinguecula*, quæ flavescit. V. *Pterygium*.

SPECIES sunt:

1. *CARUNCULA SIMPLEX*, quæ sine alio morbo albugineæ est.

Curatur solutione vitriolata.

2. *CARUNCULÆ COMPLICATÆ*, quæ ulcera, & alios morbos conjunctivæ comitantur.

Curatur etiam solutione vitriolata, vel butyro antimonii.

CARBUNCULUS OCULI.

Est tuberculum in albuginea, vel in ipsa cornea, ab initio saturate rubens, & ardens, dein in crastam gangrenosam abiens.

CAUSA PROXIMA est miasma carbunculosum. Hic morbus ut plurimum oculi sphacelum, cæcitatem & non raro mortem infert.

Curatio. Externe applicetur oculo mucilago cydoniorum camphorata, & aqua vegetomineralis. Interne detur acetum cum camphora & cortice peruviano.

ULCUS CONJUNCTIVÆ.

Est solutio purulenta in conjunctiva.

SPECIES sunt:

1. *ULCUS SIMPLEX*, quod a causa externa vel prægressa inflammatione pura ortum est.

Curatur balsamo vulnerario ophthalmico, vel solutione lapidis divini.

2. *ULCUS VENEREUM*, quod a chemosi gonorrhœica, vel venereis pustulis conjunctivæ sœpe remanet.

Curatur solutione diluta sublimati corrosivi cum melle rosaceo.

3. *ULCUS SCROPHULOSUM*. Quod ex prægressa chemosi scrophulosa quandoque remanet.

Curatur interno usu cort. peruv. cum conserva cicutæ, & aliis antiscrophulosis. *Externe* decoctum eorticis cum alumine quandoque profest.

ALIENA OCULIS ILLAPSA.

Sunt corpora peregrina oculis illapsa, ut arenula, fœstuca, insectum, ramentum ferri.

Excitant hæc corpora assiduam nictitationem, lacrimationem, oculi inflammationem.

SPECIES sunt:

1. *CORPORA ALIENA INTER BULBUM ET PALPEBRAS LOCATA*. Hæc elui, aut ex oculi cantho interno digitis exprimi possunt. Aut *lingua* ab alio homine elambantur, vel *penicillo* abstergantur, aut *volsella*, vel *stilo* eximantur. Ramentum ferreum magnete applicato quandoque extrahi potest.

2. *CORPORA ALIENA CORNEÆ VEL CONJUNCTIVÆ INFIXA*. Hæc *volsella* eximi debent, vel si hoc fieri nequeat, acu-

dilatetur locus, cui corpus heterogeneum adhaeret.

M O R B I C O R N E Æ.

O B S C U R A T I O C O R N E Æ.

Est corneæ totius perfecta vel imperfecta impellucidas.

Noscitur ex corneæ colore naturali depravato, visu obscuro vel nullo.

CAUSA PROXIMA est vel *effusio* humoris inter lamellas corneæ, vel *stagnatio* humorum serosorum in vasibus pellucidis corneæ, vel *concretio* vasorum aut fibrarum, quæ corneam constituunt.

CAUSÆ REMOTÆ sunt *inflammatio* corneæ, *calor ignis*, *depositio* humoris variolosi, venerei, scrophulosis, *subfidentia* corneæ, inflata *coagulantia* ut vitriolum.

EFFECTUS sunt: amblyopia si obscura, cæcitas si penitus opaca, visus dimidiatus, si solummodo medietas corneæ opaca est.

Obscuratio corneæ dividitur generatim:

1. In *imperfectam* seu *nubofam*, quando tota cornea subpellucida, nubis vel fumi adinstar obscurata est, & ægrotus debilem adhuc habet visum. Hæc species curabilis est.

2. In *perfectam* seu *opacam*, quando tota cornea flava vel cretacea est, & ægrotus penitus nil

videt. Hæc species est *incurabilis* præsertim si malum jam antiquum est. Si vero opacitas hinc inde locum cærulecentem seu nubosum exhibeat, applicentur remedia huic loco, ut saltem ille reddatur pellucidus.

SPECIES obscurationum corneæ sunt:

1. OBSCURATIO AB INFLAMMATIONE CORNEÆ.

Curatur ut ophthalmia chronica venæctione, purgantibus, vescicatorio nuchæ applicato.

Externe collyrium vitriolatum, vel aqua vegetomineralis convenit.

2. OBSCURATIO VULGARIS, quæ sine causa specifica oritur.

Curatio exigit interna resolventia. *Extractum cicutæ, pulsatillæ nigricantis, * sal mirabile, sublimatus corrosivus, aquila alba, præprioris laudantur cum interpolatis purgantibus.*

Externe collyria abstergentia, aut caustica dilutissima convenient.

1. *Pulvis boracis, mercurii dulcis, aluminis usti, vitrioli albi, opii; ex his grana quædam cum saccharo canarino in pulverem rediguntur.*

2. *Solutio boracis, mercurii dulcis, aluminis usti, vitrioli albi, lapidis divini, salis tartari fixi, salis volatilis cornu cervi, fellis*

* *Illustr. Baron. de STÖRCK libellus de pulsatilla nigricante.*

lucii piscis, lapidis infernalis, butyri antimonii, tartari emetici, auripigmenti, aloës. Parantur hæ solutiones ex aliquot granis horum medicamentorum, in uncia una aquæ vel mellis, solutis.

3. *Linimentum* ex mercurio præcipitato rubro, camphora & tutia præparata, quæ cum axungia viperina, medulla ossium, butyro recenti, oleo mustellæ fluviatilis, aut alio oleo in formam linimenti reducuntur.
4. *Præparata* sunt aqua cærulea, balsamum ophthalmicum rubrum, balsamum ophthalmicum *Saint Yves*.

Omnia hæc medicamenta ope tenuis penicilli bene diductis palpebris corneæ opacæ aliquoties de die & per aliquot menses illini debent, atque dolore nimio excitato oculus lacte tepido illico eluatur. Solutionibüs autem oculus aliquoties de dīe balneari potest.

3. *OBSCURATIO VENEREA*, quæ a chemosi venerea quandoque supereft, quandoque sine hac prægressa a miasmate venereo, in corneam deposito, ut in infantibus a parentibus venereis progenitis aliquoties vidi, originem habet. *

* *Illustr. SAUVAGES* l. c. p. I. p. 729. has obscurationes infantum venereas dicit incurabiles. Ego plures tales infantes balneo oculari ex lacte mercuriali curavi.

Curatur usu interno mercurii gummosi, Externe unguentum ophthalmicum cum præcipitato rubro convenit, vel aqua vitriolata cum grano sublimati corrosivi, vel balneo mercurali.

4. *OBSCURATIO SCROPHULOSA*, quæ infantes scrophulosos aggreditur.

Curatur usu interno corticis peruviani, cicutæ, æthiopis mineralis. Externe decoctum corticis peruviani cum aqua ophthalmica cum sapone veneto applicetur.

5. *OBSCURATIO VARIOLOSA*, quæ aliquot post finitas variolas septimanas cum ophthalmia, vel sine hac, corneam afficere solet, & non raro in staphyloma corneæ degenerat.

Curatio exigit repetita pærgantia, & corticem peruvianum.

Externe ut in obscuratione vulgari tentetur butyrum antimonii.

6. *OBSCURATIO A CORNEÆ RHYTIDOSI* evanescit curata subsidentia corneæ. V. *Rhytidosis.*

7. *OBSCURATIO A STAPHYLOMATE* curatur quandoque butyro antimonii. V. *Staphyloma.*

8. *OBSCURATIO CORNEÆ COMPLICATA*, seu quæ chemosim, staphyloma, ulcera & alios morbos comitatur.

Curatio exigit ablationem morbi primarii, & dein specialem curationem obscurationis, ut hucusque diximus.

MACULÆ CORNÆ.

Sunt obscurations vel opacitates in quodam corneæ loco. *

CAUSÆ sunt eadem ac in obscuratione corneæ.

SPECIES macularum in cornea sunt 6 :

1. *MACULA SEMIPELLUCIDA* seu *NEPHELIUM*, est macula subpellucida, nubem, nebulam vel fumum in cornea referens. Oritur ab humore crasso in vasis pellucidis corneæ stagnantibus. **

Curatur ut *obscuratio vulgaris*.

2. *MACULA OPACA* seu *LEUCOMA* est macula penitus opaca, albi vel flavi coloris, dicitur etiam *albugo*. Oritur ab humore opaco inter lamellas corneæ effuso.

Curatur causticis dilutis, quæ in obscuratione perfecta laudavimus.

3. *MACULA MARGARITACEA* seu *PARALAMPSIS*, est macula opacissima, cretacei vel albo-cærulei coloris, in figuram margaritæ, tuberculi albi adinstar elevata, & indurata.

* *MAUCHART*, *dissert. de maculis corneæ in Collect. Halleriana.*

** Græcis dicitur etiam *achlys* vel *aegis*.

Vix unquam sanari potest. Interim pro tentamine laudantur sequentia remedia :

1. *Extima tuberculi superficies* tangatur lapide infernali, vel guttula butyri antimonii, aut solutione cantharidum vel auripigmenti.

2. *Extima tuberculi superficies* :

1. *Abradatur* xystro chalybeo, vel lima tenuissima vel vitro contuso.

2. *Abscindatur* cultello.

3. *Perforetur* acu plurimis puncturis, vel

4. *Scarificetur* parvis incisionibus & illico solutione acri in suppurationem redigatur.

4. *MACULA ARCUATA* seu *GERONTOXON*, est macula, quæ marginem corneæ totum vel pro parte arcus adinstar ambit. Medietas corneæ pellucida manet, hinc discus corneæ adeo exiguus appetit. Est vitium senibus familiare, hinc *arcus senilis* vocatur; videtur a vasis pellucidis in senio concrecentibus ori. Est vitium *incurabile*.

5. *CICATRIX* seu *OULE*, est macula oblonga, quæ vulneri aut ulceri corneæ ob vasam pellucida concreta, succedit. Vulnera acuto instrumento corneæ inficta cicatricem visibilem non relinquunt, ut post extractionem cataractæ videre est. Sola instrumenta obtusa & vulnera corneæ multum suppurantia cicatricem relinquunt visibilem, quæ raro iterum evanescit.

P T E R Y G I U M.

Est excrementia membranacea, quæ ut plurimum alæ expansæ ad instar per membranam albugineam & corneam versus pupillam sensim increscit.

C A U S A P R O X I M A videtur extensio seu prolongatio fibrarum & vasorum membranæ conjunctivæ esse. *

C A U S A E R E M O T A E sunt inflammations habituales membranæ conjunctivæ, relaxations, depositiones acrimoniæ præsertim variolosæ.

SPECIES pterygiorum sunt quatuor:

i. **P T E R Y G I U M T E N U E** seu **U N G U L A**, est pellicula pellucida, tenuis, cineritii coloris, indolens.

Curatur vel medicamentis vel abscissione.

Medicamenta sunt solutio saturata vitrioli, lapidis divini, lapidis infernalis, butyrum antimonii, alumem ustum cum saccharo, pulvis ophthalmicus *Cel. BALDINGERI.* **

Abscisso exigit, ut pterygium tenui vosella in plicam elevetur, ac dein ut cultro oculari

* *III. RICHTERI observationum chirurgicarum fascil. tertius. 1780. Göttingæ pag. 2.* Monstrat illustris vir pterygium non esse carunculæ lacrimalis aut membranæ semilunaris prolongationem sed degenerationem membranæ conjunctivæ, quæ corneam & album oculi obducit. Vide etiam *ACRELLS chirurg. Wahrnehmungen.*

** *Pharmacopoea edinburgensis additamentis aucta a Cel. BALDINGER. p. 274.*
sensim

sensim sedio circularis in margine corneæ in albugineam fiat. Sic pterygium sibi relictum post aliquot dies marcescit, & vel sponte cedit vel laxius adhærens facilius auferri potest. Pterygia, quæ filamentis solummodo adhærent, facile abscinduntur, difficillime autem, quæ ubique accreta sunt corneæ ac in plicam elevari non possunt.

2. *PTERYGIUM CRASSUM* seu *PANNUS*.

Differt ab ungula crassitie, colore rubro & congerie vasorum rubrorum supra album oculi, ipsamque corneam fasciculi adinstar exponit.

Curatur

1. *Abscissione*, quæ ut in priori specie tentetur, sic hoc quandoque contabescit.

2. *Medicamentis causticis* mox laudatis, raro aliquid efficitur.

3. *PTERYGIUM MALIGNUM*, est pannus diversicolor, dolens, varicosus, ab acrimonia cancrofa ortus.

Curatio exigit curam cancri, quæ raro succedit.

4. *PTERYGIUM PINGUE* seu *PINGUE-CULA* est molecula lardo vel pinguedini similis, mollis, indolens, flavescentis coloris, quæ ut plurimum in angulo oculi externo ex albuginea nascitur, & raro in corneam usque ascendit, sed per vitam læpe sic manet.

Curatio, si in corneam ascenderet, exigit excisionem.

S T A P H Y L O M A.

Est corneæ morbus, quo hæc membrana præternaturalē suæ substantiæ crassitatem & opacitatem subit. *

C A U S A P R O X I M A est humoris crassioris decubitus inter lamellas corneæ, adeo ut interna & externa corneæ superficies mirum in modum protuberet.

C A U S A E R E M O T A E sunt habitualis corneæ inflammatio, valida contusio, at frequentissime a depositione humoris variolosi post variolas oritur.

SPECIES sunt:

1. **S T A P H Y L O M A T O T A L E**, quod totam corneam occupat; hæc species frequentissima est. Protuberat cornea opacata, ac si conus ex bulbo oculi prominere, increscendo inferiorem palpebram propellit & adeo invertit, ut cornea elongata genæ incumbat, eam fricet & excoriet. Unde bulbus oculi aëris attactui expositus, sordibus inquinatus, & ciliis palpebræ inferioris irritatus sæpe acriter dolet, rubet & minimis papillis obsidetur.

* Veram hujus morbi notionem primus nobis dedit *Dottissimus Professor RICHTER. V. Cel. viri fascicul. II. observationum chirurgicarum. p. 104.*

Curatio. Incipiens staphyloma quandoque aqua frigida aut vitriolata resolvitur, ut nuper vidi; antiquum autem staphyloma solo butyro antimonii resolvi potest.

Palpebris bene diductis, ope penicilli parvi, cuius cuspis butyri antimonii guttula madeat, illinatur cornea opaca omni altero vel tertio die; quamprimum æger a defluente medicamento dolorem in oculo sentit, eluatur oculus lacte tepido. *

STAPHYLOMA RACEMOSUM, est staphyloma, quod tuberculis carneis, caput aciculæ plerumque æquantibus vel majoribus, obsitum est.

Curatur ut staphyloma simplex.

STAPHYLOMA PARTIALE, quod aliquam modo partem in cornea occupat. Exhibet ergo tumorem opacum e cornea prominentem, uvæ parvæ albicanti quodammodo similem.

Curatur ut staphyloma totale.

Hoc egregium remedium primus tentavit *celeberrimus* ophthalmiater gollicus J A N I N. V. librum citatum; hanc methodum esse efficacissimam & tutissimam observationibus illustravit *Cel. Profess. R I C H T E R* vid. c. p. 123. Etiam ego hanc methodum in tribus egrotis tentavi, cornea prominens & opaca integre in suum locum recessit, at opacitas corneæ inde emendata non fuit.

4. *STAPHYLOMA SCLEROTICÆ* est tumor cærulescens, uvæ parvæ cærulecenti similis, e quodam scleroticæ loco per albuginear eminens.

Curatur etiam butyro antimonii.

5. *STAPHYLOMA PELLUCIDUM*, in qua cornea non incrassata, admodum autem extensa at pellucida est. * Hicce morbus est incipiens hydrophthalmia, hinc ejus curatione exigit. V. *Hydrophthalmia*.

6. *STAPHYLOMA COMPLICATUM*, quod cum ophthalmia, vel exulceratione oculi cum synechia, ectropio, carunculis aut aliis morbo oculari complicatum est. Hi morbi evanescent curato staphylomate.

7. *STAPHYLOMA IRIDIS*. De hac specie V. *Ptosis iridis*.

O N Y X.

Est abscessus seu puris collectio inter corneæ lamellas. **

Signa sunt macula alba, eminens, fluctuans, molles. Hoc caractere a leucomate, quod durum ediffert.

* Dicitur a quibusdam *ceratocele*, seu *hernia corneæ*. BURGMANNI epistola de singulari tunicarum utriusque oculi expansione.

** Onyx a figura & colore, quem quandoque exhibet latini dieunt *unguis*. V. Clar. MAUCHART D. de *unngle oculi*.

SPECIES sunt:

1. *ABSCESSUS SUPERFICIALIS*, ab inflammatione natus, non est periculosus, & cum inflammatione evanescit applicatis collyriis antiphlogisticis.
2. *ABSCESSUS PROFUNDUS*, qui profunde inter lamellas corneæ hæret, quandoque introrsum rumpitur, & hypopyum facit, quandoque extrorsum aperitur & fistulam corneæ relinquit, quandoque pus exsiccatur & in leucoma abit.

Curatio exigit *resolutionem* abscessus, quod solutione boracis cum saccharo tentatur: si resolutio non succedit, abscessus cuspide cultelli vel acus pro cataracta aperiri, & apertus ut ulcus corneæ sanari debet.

H E L C O M A.

Est ulcus in extērna vel interna corneæ superficie.

CAUSÆ horum ulcerum sunt prægressa inflammatio, vulnus, contusio, depositio variolosa, venerea, scrophulosa, acrimonia lacrumarum, trichiasis, pterygium detractum, pustula vel phlyctæna corneæ.

VISCITUR visu superficie excavatæ & purulentæ in cornea. *

* Ophthalmiatri veteres ulcera corneæ variis induebant nominibus, quæ memoriam onerant, & omni utilitate destituuntur. *Helcydrion* est ulcus superficiale, *Coi-*

VARIETATES sunt:

1. *ULCUS SUPERFICIALE* seu levis exco
riatio, quæ totam corneam occupat, quando
que in margine cornea sedet, & albedinem
in cornea, rubedinem in conjunctiva causat.
Curatur solutione lapidis divini, vel vitrioli a
bi, * cum albumine ovi soluti, & ope pen
cilli cornea illiniti.
2. *ULCUS SORDIDUM*, quod crustosum v
lardaceum est. Si solutio boracis vel lapid
divini non juvat, purificetur diluta solutio
lapidis infernalis vel butyri antimonii, vel si
blimati corrosivi.
3. *ULCUS FUNGOSUM*, ex quo papilla ca
nea, capitulo aciculæ æqualis, excrescit. Pa
pilla fungosa abscindatur, vel lapide inferna
tangatur. Demum *Revellentia*, ut vesicatori
setacea, fonticuli, purgantia omni altero d
repetita, simul adhibeantur.
4. *ULCUS VENEREUM*, exigit mercurial
interna & externe solutionem dilutam sublimi
ti cum melle rosaceo.
5. *ULCUS SCROPHULOSUM*, quod scro
phulosos afficit, exigit antiscrophulosa inte
na, & externe decoctum corticis.

loma est ulcus excavatum, *Encauma* vel *epicauma* e
ulcus sordidum & ardens. *Botryon* est ulcus cum ca
runcula, *argema* est ulcus marginale. V. MAUCHAR
Diff. de ulceribus corneaæ.

* V. TRECOURT in *Journal de medecine*. T. XXXI.

FISTULA CORNEÆ.

Est ulcus sinuosum seu canalis purulentus in cornea. Hæ fistulæ vel *sursum* vel *deorsum*, vel *transversum* vel *recta introrsum* vel *tortuose* inter laminas corneæ pergunt. *

SPECIES sunt:

1. *FISTULA PENETRANS*, quæ utramque corneæ superficiem penetrat, noscitur visu foraminis corneam penetrantis, stylo, effluxu humoris aquei, obscuratione, corrugatione & subsidentia corneæ, atque oculi rubore perpetuo.

Diu durantes fistulæ penetrantes ob corneæ subsidentiam & irritationem iridis, myosim, inflammationem & concretionem iridis cum cornea faciunt.

Curatio. Primum tentetur purificatio & sanatio fistulæ cum solutione vitrioli, vel aloes, vel boracis cum saccharo.

2. Tangatur orificium cum solutione cantharidum, lapidis infernalis, vel butyro antimonii.

3. Cultello pro cataracta dilatetur vel discindatur fistula.

2. *FISTULA NON PENETRANS*, quæ corneæ internam superficiem non transit, noscitur visu albidi canaliculi, cornea obscurata at non collapsa.

* MAUCHART. *Diss. de fistulis corneæ.*

Curatur mox laudatis medicamentis & fistulæ dilatatione cum cultello.

Interne dentur specifica antacrimoniosa.

VULNUS CORNEÆ.

Est corneæ dissectio vel punctura.

In utraque specie humor aqueus effluit, & cornea collabitur.

VARIETATES constitui possunt:

1. *VULNUS SCISSUM*, seu instrumento acuto inflatum: facile & intra 48 horas consanatur sine remanente cicatrice visibili, si clausis palpebris oculus deligetur.
2. *VULNUS PUNCTUM*. Collabitur oculus at vulnus intra 24 horas ut plurimum sanatur, hinc hæ curationes sæpe habentur miraculosæ.
3. *VULNUS CONTUSUM*, in suppurationem abit, tardius sanatur, & cicatricem relinquit visibilem.
4. *VULNUS RUPTUM* seu *RHEXIS OCULI*, hæc ruptura a contusione externa, vel ab hypopyo aut hydrophthalmia oriri potest. Ut plurimum omnes efflunt humores & sequitur immedicabilis cæcitas. V. *Hypopium*.
5. *VULNUS COMPLICATUM CUM PROLAPSU IRIDIS* vel *HUMORIS VITREI*. Hæ res vulneris consolidationem impediunt. V. *Ptosis iridis & prolapsus humoris vitrei*.

R U T I D O S I S.

Est corrugatio & subsidentia cornea.

CAUSA PROXIMA est defectus humoris aquei.

SPECIES sunt:

1. *RUTIDOSIS A VULNERE vel PUNCTURA CORNEAM PENETRANTE.*

Curatur sanato vulnere intra 24 horas.

2. *RUTIDOSIS A FISTULA CORNEAM PENETRANTE.*

Curatio palliatiya exigit applicationem pelliculae ex ovæ gallinaceo ad fistulam, ne humor aqueus perpetuo exeat. At curatio radicalis exigit, ut fistula curetur.

3. *RUTIDOSIS A DEFICIENTE HUMORE AQUEO*, ut a senio, febre, magna evacuatione prægressa, & magna siccitate aeris observatur.

Curatur cardiacis nutrientibus, & externis humectantibus.

4. *RUTIDOSIS CADAVERUM*, cum humor aqueus exhalet per corneam & novus non secernatur, ideo cornea in cadaveribus obscura & collapsa invenitur. Hoc unum ex certissimis signis est mortis.

P U S T U L Æ C O R N E Æ.

Sunt vesiculæ pure plenæ in externa cornea superficie.

SPECIES sunt:

1. *PUSTULÆ AB INFLAMMATIONE CORNEÆ*, quæ quandoque in suppurationem abit, & pustulas in cornea relinquunt.

Curantur aqua vegetominerali vel vitriolata.

2. *PUSTULÆ A DEPOSITIONE ACРИMONIÆ IN CORNEAM*, ut in variolis quandoque observatur.

Curantur purgantibus repetitis & collyriis exsiccantibus. V. Ophthalmia variolosa.

PHLYCTENÆ CORNEÆ.

Sunt vesiculæ aqua plenæ in externa corneæ superficie.

SPECIES sunt:

1. *PHLYCTENÆ SIMPLICES*, quæ nec dolent nec in margine rubent, ac facile sine relicto ulcere evanescunt.

Curatio exigit incisionem vesiculæ, atque collyria exsiccantia.

2. *PHLYCTENÆ ACRIMONIOSÆ*, quæ dolent, ardent, & marginem inflammatum habent.

*Curatio exigit purgantia, & collyria exsiccantia. **

* Phlyctenæ simplices possunt etiam *hydatides corneæ*, atque phlyctenæ acrimoniosæ solent *psydracia corneæ* dici. V. MAUCLER C *nomenclatura critica morborum ocularium*. Lond. 1768. p. 19.

CARUNCULÆ CORNEÆ.

Sunt parvæ papillæ molles & rubentes, in externa corneæ superficie. *

CAUSA PROXIMA est humoris lymphatici transudantis concretio in papillas.

SPECIES sunt :

1. CARUNCULÆ SIMPLICES, quæ sine alio morbo oculari nascuntur.

Curantur solutione lapidis infernalis vel butyro antimonii.

2. CARUNCULÆ COMPLICATÆ, quæ staphylomatis, & ulcerum superficiem quandoque obsident.

MORBI BULBI OCULARIS.

ATROPHIA BULBI.

Est bulbi ocularis contabescentia seu diminutio voluminis.

CAUSA PROXIMA est humorum bulbum distendentium copia requisita deficiens.

* *Illusfr. RICHTER* tales carunculas dissecuit & illas solidas, verasque esse excrescentias vidit. Imo tale tuberculum ter resectum ter renascebatur. V. *observ. chirurg.* Fasc. 2. pag. 109. & 115. Veteres dixerunt has carunculas *epanastemata* seu *rebelliones*.

SPECIES sunt :

1. *ATROPHIA AB HUMORIS VITREI PARTE QUADAM EFFLUENTE*, ut in oculi vulneribus, & extractione cataractæ contingit. Hæc species tempore iterum emendatur.
2. *ATROPHIA PURULENTIA* seu *PHTHYSIS BULBI*, qua humor vitreus synchysè purulenta consummitur & absorbetur. Hæc species est incurabilis.
3. *ATROPHIA ACRIMONIOSA*; a capitis scabie exsiccata oriebatur oculi contabescientia, quæ fonticulo retro auriculas excitato curabatur.
4. *ATROPHIA PINGUEDINIS ORBITALIS*, in hac specie oculi in orbitam retrahuntur adeo ut orbitæ concavæ appareant.

Curatur quandoque irritatione & frictionibus bulbi.

5. *ATROPHIA AB EVACUATIONE HUMORUM OCULI*, si per oculum incisum aut sponte hypopyo ruptum, omnes ex bulbi cavo effluunt humores, tunc bulbus integer in parvam molem carneam contrahitur. Hoc vitium exigit *oculum artificiale*.

EXOPHTHALMIA.

Est bulbi ocularis tanta intumescentia ut palpebris tegi nequeat.

SPECIES sunt:

1. *EXOPHTHALMIA INFLAMMATORIA*,
quæ a validissima oculi inflammatione oritur.
V. *Chemosis.*

2. *EXOPHTHALMIA PURURENTIA*, quæ
a collectione puris intra oculi bulbum nasci-
tur. V. *Hypopium.*

3. *EXOPHTHALMIA SANGUINEA*, quæ
a congestione sanguinis ad oculum oritur, sic
in strangulatis, parturientibus, a cutusione
oculi, a suppressis menstruis, & quandoque
a nisu nimio rubent atque extra orbitam pro-
minent oculi.

Curatio exigit venæsectionem, purgantia, &
externe aquam frigidam, vel vegetominera-
lem.

4. *EXOPHTHALMIA METASTATICA*,
quæ ex decubitu materiæ morbosæ, ut febrilis,
lacteæ, venereæ, scrophulosæ * generatur.

Curatur ut *chemosis*, at simul dentur antacrimo-
niosa.

5. *EXOPHTHALMIA CANCROSA*, est ocu-
li degeneratio in fungum cancrosum, qui sa-

* Hujusmodi observationem habet GENDRON, qui in
puero bulbum oculi per oedema tunicæ conjunctivæ ex
cacochymia scrophulosa ortum, ad ovi gallinacei ma-
gnitudinem extensum vidit. V. GENDRON *Traité des
maladies des yeux.* A Paris, 1770. T. 2, p. 38.

pe ad pugni magnitudinem ex orbita prominet. V. *Carcinoma oculi.*

Curatur sola extirpatione bulbi.

6. *EXOPHTHALMIA HYDROPOICA*, quæ a nimia humoris aquei collectione nascitur. V. *Hydrophthalmia.*

7. *EXOPHTHALMIA STAPHYLOMATICA*, staphyloma subinde adeo prominet, ut palpebris tegi nequeat. V. *Staphyloma.*

OPHTHALMOPTOSIS.

Est bulbi ocularis prolapsus in genas, canthos, vel sursum, vix mutata bulbi magnitudine. *

SPECIES sunt:

1. *OPHTHALMOPTOSIS VIOLENTA*, quæ a contusione vel iatu valido oculi generatur. Subito prolabitur oculi bulbus in genam vel in canthum, & ob elongatum, extensumque nervum opticum subito adest cæcitas.

Curatio exigit, ut prolapsus oculi bulbus illico reponatur, & fomentis antiphlogisticis, simulque roborantibus aut aqua frigida foveatur. Sic ut plurimum quod mirum est, non solum oculi integritas, sed etiam visus restituitur. **

* Græcis vocatur hicce morbus *Ecpiesmus* aut *ptosis bulbi.*

** Observationes plures recenset *Cl. ACREL* v. ejus *Bemerkungen*, & *R. BROKELSBY* in *medic. observ.* T. II.

2. *OPHTHALMOPTOSIS A TUMORE INTRAORBITALI.* Sic exostosis, tophus, abscessus, lipoma, atheroma, hygroma, scirrhus intra orbitam natus vel induratio pinguedinis orbitalis sursum, deorsum vel ad canthos bulbum oculi exprimit.

Si medicamenta mercurialia vel alia resolventia hos tumores non auferant, tunc

Curatio exigit, ut tumor incidatur aut ex orbita excindatur.*

3. *OPHTHALMOPTOSIS PARALYTICA,* quæ a paralysi musculorum rectorum & hinc majori nato robore musculorum obliquorum bulbi oritur.

Curatur antiparaliticis: ut infuso florum arnicæ & aliis.

4. *OPHTHALMOPTOSIS STAPHYLOMATICA,* staphyloma quandoque deprimit palpebram inferiorem & genæ incubit.

Curatio exigit butyrum antimonii. V. *Staphyloma.*

CARCINOMA BULBI.

Est bulbi ocularis degeneratio in cancrum.

CAUSA PROXIMA est depositio virus cancrosi ad oculi tunicas.

SPECIES sunt:

1. *CARCINOMA VULGARE.* Oritur dolor in sanissimo oculo, dein *vasa* albugineæ varico-

* *Mémoires de l' Academie de Chirurgie.* T. 5.

sa, sanguine atro infarcta, carnea quasi redunduntur ac visus perit. Tandem dolor vehementissimus nascitur, totus bulbus scirrhosus, ac carni rubræ induratae similis evadit.

2. *CARCINOMA FUNGOSUM*, incipit hæc species cum tuberculo fungoso corneæ vel albugineæ, quod sensim totam oculi superficiem occupat, & bulbus in ingentem fungum dolentem degenerat.

Curatio. In incipiente oculi carcinomate tentari debent: 1. omnia remedia anticancrosa, quæ in cancro palpebrarum indicavimus: 2. carcinoma parvum quandoque ligatura afferri potest, his vero nil juvantibus fiat *extirpatione bulbi*.

Extirpatione oculi cancroſi.

INDICATIO. Carcinoma, quod magnam bulbi partem occupat, hanc operationem exigit. *

CONTRAINDICATIO. At si carcinoma jam inveteratum, aut a causa interna ortum est; aut si jam orbitæ ossa carie afficiuntur, tunc hæc operatio sine fructu instituitur.

INSTRUMENTA. *Culter rectus.*

Culter juxta superficiem parum curvatus.

* *Mémoires de l' Academie de Chirurgie.* T. V. HESTERI, atque BILGUERI *Bemerkungen.*

Forfex cum apicibus obtusis, & juxta superficiem aliquantum curvatus,
DAVIELLIANO similis.

Acus curva cum filis ceratis.

PRO DELIGATIONE. *Plumaceola* multa & variæ magnitudinis.

Splenia.

Fascia.

Fungus agaricus & *Alcohol vini.*

SITUS PRO OPERATIONE. Æger sedeat in sella altiori versus lucem, caput ejus ab adjutore retineatur, chirurgus stet ante ægrum.

OPERATIO ipsa :

1. Chirurgus cultro *recto* ad $\frac{1}{4}$ pollicis findat commissuram externam palpebrarum. Adjutor bene elevet dein palpebram superiorem.
2. Cultro juxta marginem superiorem orbitæ discindatur membrana conjunctiva, quæ bulbum ad palpebram superiorem needit.
3. Demum bene depressa palpebra inferiori etiam juxta inferiorem marginem orbitalem discindatur membrana conjunctiva, & separetur bulbus a palpebra inferiori.
4. Tandem ope *acus curvæ* filum ceratum per anteriorem bulbi partem traducatur, ut ansa fili bulbus ex orbita protrahi possit.
5. Jam ansa fili bulbo protracto pinguedo & musculi bulbi tum supra tum infra bulbum ab orbita vel cultro vel forfice curvato separantur.

6. Ubique demum separato bulbo nervus opticus vel cultro *curvo* vel forfice *curvato* abscindatur, & bulbus eximatur.
7. Digito exploret chirurgus an non amplius moleculas induratas in orbita inveniat, has, si adsint, excindat.
8. Dein plumaceolis bene expleat cavum orbitæ, atque applicet splenia & fasciam, quam tri-
duo relinquat.
9. Tandem balsamo arcæi suppuratio & incremen-
tum substantiæ carneæ, ex relicta pinguedine orbitali propullulantis, ad tantam molem pro-
moveatur, ut oculus artificialis commode ap-
plicari possit. V. *Hypopium & applicatio ocu-
li artificialis.*

TETANUS OCULI.

Est spasmodica & constans contractio musculorum, qui bulbum movent.

Noscitur ex bulbi immobilitate.

SPECIES sunt :

1. TETANUS A VULNERE OCULI.

Quamprimum sub operatione cataractæ acus vel culter oculo immersus est, immobilis stat bulbus oculi. Id a musculorum bulbi spasmo fieri videtur. Hic spasmus intra aliquot minuta sponte remittit.

2. *TETANUS SYMPTOMATICUS*, seu
OCULI FIXI, qui in quibusdam febribus
 & morbis spasmodicis observantur. *

*Curatur antispasmodicis & ablato morbo pri-
 mario.*

N Y S T A G M U S.

Est convulsio seu invita agitatio bulbi oocularis.
 Noscitur ex instabilitate seu involuntario ac constan-
 ti motu bulbi oocularis, ab uno in alterum can-
 thum, aut in aliam directionem. Quandoque si-
 mul hippus adeat.

SPECIES sunt:

1. *NYSTAGMUS A TIMORE*, hæc agitatio
 sub cataractæ operatione observatur, sopitur
 persuasione & mora.

2. *NYSTAGMUS AB ARENULA IN
 OCULUM ILLAPSA*, hæc species cura-
 tur exempta arenula.

3. *NYSTAGMUS CATARRHOSUS*, qui
 gravedinem comitatur:

Curatur ablata gravedine.

4. *NYSTAGMUS A SABURRA PRIMA-
 RUM VIARUM*, ut in infantibus vermi-
 nosis observatur, & ex signis saburræ cognos-
 citur.

Curatur purgantibus & anthelminticis.

* Cel. Prof. TRNKA comment. de tetano. p. 9.

5. *NYSTAGMUS SYMPTOMATICUS*,
qui in morbis convulsivis, hysterics, epilepticis & in gravidis quandoque observatur.
Curatur antispasmodicis & ablato morbo primario.

VULNUS SCLEROTICÆ.

Est incisio, vel punctura in albugineam & scleroticiam oculi.

SPECIES sunt:

1. *VULNUS SCISSIONIS*, illico humor vitreus exit, sed clausis palpebris & utroque oculo spleniis atque fascia ligatis intra paucos dies consolidatur vulnus.
2. *VULNUS PUNCTUM*, ut in depressione cataractæ sit. Raro exit humor vitreus, & facilis adhuc sanatur.
3. *VULNUS COMPLICATUM CUM PROLAPSU HUMORIS VITREI*, vulneris consolidatio tali prolapsu retardatur. V. *Prolapsus humoris vitrei.*

DEFECTUS OCULI.

Est oculi unius vel utriusque absentia in orbita.

SPECIES sunt:

1. *DEFECTUS NATIVUS*. In hoc casu, quantum ex relatione observatorum patet, plerumque ambo deficiunt oculi. *

* Ad. Er. Lips. anni 1726. Mens. Mart. & SCHENKII Lib. 1. observat. 278.

2. *DEFECTUS ADVENTITIUS*, qui post partum ab oculo exciso, sclopeto vel hypopyo destruto, oritur. In hoc casu homo quan- doque uno, interdum autem utroque oculo spoliatus est.

Hoc vitium *oculo artificiali* aliquantum celari potest. V. *Applicatio oculi artificialis.*

OCULUS SUPERNUMERARIUS.

Est numeri consueti excessus in oculis.

Nati fuere homines tribus quippe vel etiam quatuor oculis instruti.

Prodigiosa quoque oculi constitutio est, quando periori infixus, vel in ipsis humeris situs est oculus. *

MORBI IRIDI S.

MYDRIASIS.

Est nimia pupillæ dilatatio cum vel sine visus la- fione. **

Noscitur hic morbus, si pupilla etiam ad lucem, eandem semper latitudinem habere observatur.

* De utroque vitio SCHENCK l. c. observationes ha- bet.

** MAUCHART *Diss. de mydriasi.*

SPECIES mydriaseos sunt:

1. *MYDRIASIS AMAUROTIKA*, quæ ut plurimum at non semper amaurosim comitari solet. Rarissime sine amauroseos curatione curatur.
2. *MYDRIASIS HYDROCEPHALICA*, quæ ab hydrope cerebri originem habet, est ut morbus a quo oritur, utplurimum incurabilis.
3. *MYDRIASIS VERMINOSA*, quæ a saborra verminosa primarum viarum nascitur.
Curatur anthelminticis & purgantibus.
4. *MYDRIASIS A SYNECHIA*, seu a concretione uveæ cum capsula lentis. V. *Synechia.*
5. *MYDRIASIS PARALYTICA*, seu a paralyssi fibrarum orbicularium iridis, observatur in morbis paralyticis, & ab applicatis ad oculum narcoticis.
Curatur arnica, electricitate & aliis antiparalyticis.
6. *MYDRIASIS SPASMODICA*, seu a spasmo fibrarum rectarum iridis, ut in morbis spasmodicis, & hystericis quandoque observatur.
Curatio exigit nervina & antispasmodica.
7. *MYDRIASIS AB ATONIA IRIDIS*, frequentissima causa est *cataracta magna*, pu-

pillam sub transitu in cataractæ extractione
valde extendens. Evanescit aliquot post ope-
rationem dies. Pupilla demum *diu dilatata ex
confuetudine* dilatata manet.

*Curatur angustatione pupillæ, tractando corpo-
ra minuta & lucida, atque contemplatione at-
tenta corporum dissitorum.*

Curatio palliativa mydriaseos exigit, ut æger
de die aut in loco lucido ope nigræ chartulæ,
foramine satis magno instruto, videat.

8. *MYDRIASIS NATURALIS*, hæc in so-
mno, in loco obscuro & in contemplatione
objecti oculo vicini observatur.

M Y O S I S.

Est nimia pupillæ contracção seu angustia. *

NOSCITUR pupillæ diametro, quæ naturali minor,
etiam in loco obscuro manet.

Facit visum debilem, hemeralopiam & alios morbos.

SPECIES sunt :

1. *MYOSIS SPASMODICA*, quæ a spasmo
fibrarum orbicularium iridis in hystericis, hy-
pochondriacis & spasmodicis morbis quando-
que observatur.

Curatio exigit antispasmodica.

2. *MYOSIS PARALYTICA*, quæ a paralysi
fibrarum rectarum iridis in morbis paralyticis
quandoque contingere potest.

Curatur antiparalyticis.

* MAUCHART *Diff. de pupillæ phthisi & sinuzesi.*

3. *MYOSIS INFLAMMATORIA*, quæ ab inflammatione iridis vel uveæ oritur, ut in ophthalmia interna, hypopio, oculi vulnera videre est.

*Curatur antiphlogisticis, & venæsectione. V.
Ophthalmia interna.*

4. *MYOSIS A CONSUETUDINALI CONTRACTIONE PUPILLÆ*. Huc ergo pertinet *MYOSIS A LUCIS aut OBJECTORUM MINUTISSIMORUM aut VALDE DISSITORUM DIUTURNA CONTEMPLATIONE*; hæc species scribis, lectoribus, artificibus minuta tractantibus, microscopiis laborantibus, & aliis est familiaris. *

Curatur abstinentia longa a contemplatione objectorum, seu evitazione causæ, mora in loco obscuro, & intuitu parietis viridis.

5. *MYOSIS A DEFECTU HUMORIS AQUEI*, ut in rhytidosi observatur.

Curatur restituto humore aqueo. V. Rhytidosis.

6. *MYOSIS NATIVA*, quæ cum homine nascitur. *Exigit incisionem transversalem iridis. V. Synizesis.*

* Hinc patet cur lectura ad lampadem cum umbraculo, lucem colligente, & ad chartam repercutiente myosim cum tempore inducat. Umbraculum viride simplex, hinc lampadibus cum umbraculo clauso, ut in SEGNERIANO lampade est, præferri debet.

7. *MYOSIS NATURALIS*, est pupillæ coarctatio a lumine, ab intuitu objectorum diffitorum. Hæ pupillæ arctationes sunt temporariae & brevi iterum sponte evanescunt.

S Y N I Z E S I S.

Est plenaria pupillæ coarctatio vel concretio. *

Noscitur pupillæ absentia. Ejusmodi miseri nil, nisi lumen a tenebris, ut sani palpebris clausis, discernere possunt.

SPECIES sunt :

1. *SYNIZESIS NATIVA*, seu quæ connata est. In hoc casu per errorem primæ conformatioonis pupilla non perforata est. Rarissime membrana pupillaris non evanida hujus morbi causa invenitur. **

Curatio exigit, ut *artificialis* fiat *pupilla*. Hinc faciat chirurgus incisionem transversalem cornæ; demum pupillæ locus naturalis transversim, aliquanto plus versus nasum cultro LA FAYANO incidatur. ***

2. *SYNIZESIS ACCIDENTALIS*, seu pupillæ concretio quæ a prægressa inflammatio-

* WEISSENBORN *Dissert. de pupilla nimis coarctata vel clausa.* Erfordiæ 1773. & JANIN l. c. p. 169.

** Clar. WRISBERG *Dissert. de membrana pupillari foetus in nov. Comment. Goetting.* T. II. p. 169.

*** *Abhandlungen der schwedischen Akademie.* 34. Band, & RICHTERS *Chirurg. Biblioteck.* 4. Band 1. St. S. 192.

ne, vel exulceratione uveæ aut iridis, vel humoris aquei aut vitrei defectu oritur. Hæc species frequenter post cataractæ depressionem contingit, atque incisionem novæ pupillæ exigit, ut mox diximus.

3. *SYNIZESIS A SECESSU IRIDIS A CORNEA.* A quacunque causa secessus fiat, certus semper est effectus, ut pupillæ diameter se contrahat, fibræ enim longitudinales a cornea circulo separatae fibris orbicularibus resistere nequeunt, hinc hæ pupillam vel ex parte vel penitus contrahunt. *

Curatio. Si æger per pupillam præternaturalem videre potest, non est necessarium, ut nova incidatur pupilla.

4. *SYNIZESIS COMPLICATA*, seu quæ cum amaurosi, cataracta, synechia vel alio morbo oculari complicatur. Amaurosis noscitur, quando æger lucem a tenebris distingue-re nequit, hanc etiam non solum clausa pupilla, sed etiam clausis palpebris distinguere possumus. Cæteras complicationes noscimus visu.

Curatio synizeeos complicatæ exigit, ut prius morbus complicans curetur.

5. *SYNIZESIS SPURIA*, est pupillæ obtu-ratio a gleba mucosa, purulenta, vel grumo

* Cel. RICHTER Chirurg. Biblioteck. 2. B. 1. St. 132
S. & JANIN l. c. p. 249.

sanguinis. Si hæc corpora, pupillam obturantia, medicamentis resolvi non possint, exigit

Curatio, ut cornea incidatur, & ut cochleari DAVIELLIANO corpora hæc eximantur.

S Y N E C H I A.

Est iridis concretio cum cornea vel cum capsula lentis crystallinæ. *

C A U S A P R O X I M A est contactus & inflammatio harum partium.

C A U S A E R E M O T A E sunt collapsus corneæ, prolapsus iridis, intumescentia cataractæ, hypopyum, formatio nativa.

S P E C I E S sunt :

1. *S Y N E C H I A A N T E R I O R T O T A L I S* seu concretio iridis cum cornea. Hæc species visu noscitur. Pupilla in hac specie vel dilatata, vel coarctata, vel concreta invenitur. Inde variæ visus læsiones.

Curatio radicalis synechiæ totalis exigit, ut cultro & stylo separetur iris a cornea : at hæc separatio in concretione antiqua, ubi cornea cum iride jam unum constituit continuum seu individuum, temeraria & periculo plenissima esset. In malo vero recenti separatio sequenti modo tentari saltem posset. 1. Cauta fiat incisio in corneam, dein stilo cum latiusculo fine

* MAUCHART *Diff. de Synechia.*

intra corneam & itidem presso tentetur separatio. 2. Si hæc non facile fieri possit, illico ab operatione desinendum est.

2. *SYNECHIA ANTERIOR PARTIALIS*, quando solummodo pars quædam iridis corneæ accreta est. Hæc concretio in uno vel pluribus locis observatur. Hinc pupilla varie defigurata, & ejus motus inordinatus inveniatur. *

Curatio exigit, ut Chirurgus immergit in corneam, loco pro extractione consueto, parvum cultellum cataractarium, ** juxta punctum adhesionis iridis in cameram anteriorem oculi, dein obtuso cultelli dorso ab inferiori cohaesionis parte iridem adhaerentem sursum premat. Sic sape pars adhaerens separata resilit sua sponte versus pupillam.

3. *SYNECHIA ANTERIOR COMPOSITA*, quando non solum iris tota, sed simul prolapsa capsula lentis corneæ accrescit, adeo ut tota camera anterior & posterior desit. Temerarium esset hanc concretionem solvere velle.

4. *SYNECHIA POSTERIOR TOTALIS*, seu concretio totius uveæ cum processibus ciliaribus, & capsula lentis crystallinæ.

* JANIN l. c. p.

** Hujus maximæ latitudine lineam unam & medium habeat, & dorsum sit obtusum, atque totus cultellus cataractario cultro Cl. RICHTER sit simillimus.

5. *SYNECHIA POSTERIOR PARTIALIS*, quando solum pars quædam uveæ capsulae lentis accreta est. Quæ accretio simplex, duplex vel triplex, seu in pluribus locis esse potest.

Curatio exigit, ut incisa cornea ope stili in apice aliquantum inflexi detrudatur uvea a capsula lentis.

6. *SYNECHIA COMPLICATA* cum *AMAUROSI*, *CATARACTA*, *MYDRIASI*, *MYOSI*, *SYNIZESI*. Hæ complicaciones exigunt præter separationem iridis suas proprias medelas.

PTOSIS IRIDIS.

Est iridis prolapsus per vulnus vel ulcus corneæ. *

Noscitur ex tuberculo nigricante, quod ex cornea aliquantum collapsa sub varia figura prominet. **

* Authores omnes *Cel. RICHTERO* antiquiores solent iridis ptoses staphyloma vocare, hinc de his staphylomatibus. V. *GUNZ Diff. de staphylomate*, & *MAUCHART Diff. de staphylomate*.

** Ipse iridis prolapsus pro diversa magnitudine sua varia quoque nomina ab ophthalmiatriis græcis accepit.

Myocephalum, si prolapsa particula magnitudinem, colorrem & figuram capitis muscæ refert.

Staphyloma iridis, si prominentia paullulum major & uvæ acino quasi similis videatur.

SPECIES ptosis iridis sunt:

1. *PTOSIS RECENS A VULNERE LATO CORNEÆ*, ut sub vel post extractio-
nem cataractæ contingit.

Curatio exigit, ut iris cochleari parvo per vul-
nus, aut palpebris clavis digito confricta
reponatur, aut solutione aluminis tangatur.
Vulneris dilatatio sine iridis læsione fieri ne-
quit.

2. *PTOSIS INVETERATA*, in qua iris pro-
lapsa incarcerata & vulneri vel ulceri jam ac-
creta & per attachum aeris callosa indurata-
ve est. Hæc species nulla arte digitis reponi
potest.

Curatio exigit, ut tuberculum prominens buty-
ro antimonii semel omni altero vel tertio die
tangatur,

Abscissio & ligatura prolapsæ iridis ut plurimum
successu carent.

VULNUS IRIDIS.

Est iridis solutio ope instrumenti.

SPECIES sunt:

1. *VULNUS TRANSVERSALE*, ut sub
cataractæ operatione quandoque contingit, non

Melon, si ad tantam denique magnitudinem increvit,
ut extra palpebras promineat.

Hilon seu *clavus* si prominentia callosa & indurata est,
atque caput clavi refert.

consolidatur amplius, sed relinquit pupillam præternaturalem.

2. *VULNUS LONGITUDINALE.* Hoc arte, ut in operatione synizesios, vel casu factum, intra 14 dies iterum concrescit.

PUPILLÆ DEFORMITAS.

Et pupillæ diametri rotundæ mutatio in figuram aliam.

Uc ergo pertinet:

1. *PUPILLA OVALIS.* Hoc vitium semper nativum & incurabile est. Nil visui obest.
2. *PUPILLA INFERIUS AMPLIATA,* est frequens symptoma, quod extractionem cataractæ ob pupillæ violentiorem extensionem sequi solet, evanescit intra aliquot dies.
3. *PUPILLA RUPTA* vel *FISSA*, etiam hoc vitium cataractæ extractionem, iridis vulnera & inflammationes quandoque sequitur. Est vitium incurabile.

UPILLA PRÆTERNATURALIS.

Et foramen vel fissura præternaturalis in iride.

PECIES sunt:

1. *PUPILLA PRÆTERNATURALIS A VULNERE TRANSVERSALI IRIDIS,* ut mox de iridis vulneribus diximus.
2. *PUPILLA PRÆTERNATURALIS A SECESSU IRIDIS A CORNEA,* quandoque in uno, quandoque in pluribus locis

margo iridis a circulo corneaæ secedit. Hæ pupillæ marginales a lapsu in caput, ab oculi contusione, ab hypopyo & ab inflammatione iridis observatæ fuerunt.

Quandoque sine omni causa antecedente, nulloque symptomate subsequenti præter pupillæ synizesim vel saltem myosim iris corneam in uno vel pluribus locis, ægro inscio, relinquit. Hi pupillæ secessus sunt incurabiles.

H I P P U S.

Est pupillæ alterna & continuo repetita dilatatio & constrictio. *

CAUSA PROXIMA est alterna convulsio fibrarum orbicularium & radiatarum iridis.

Oritur ab iisdem causis, & curatur iisdem medicamentis ac bulbi convulsio, hinc vide *Nystagmus*.

IMMOBILITAS PUPILLÆ.

Est pupillæ morbus, quo hæc nec ad lucem contrahitur, nec ad tenebras dilatatur, sed semper eandem diametrum servat.

CAUSA PROXIMA para'y sis fibrarum orbicularium & radiatarum esse videtur.

SPECIES sunt:

1. **IMMOBILITAS AMAUROTICA**, quæ amaurosim comitatur. Quandoque sine amau-

* MAUCHART *Diff. de ulceribus corneaæ,*


roseos curatione usu arnicæ & aliorum reme-
diorum antiparalyticorum curatur.

2. *IMMOBILITAS A PUPILLÆ MORBO*,
ut synechia, myosi, synizesi.

Curatur ablato morbo, qui immobilitatis cau-
sa est.

3. *IMMOBILITAS IDIOPATHICA*, hu-
jus causæ utplurimum latent.

Curatio tentetur infuso arnicæ, electricitate, pur-
gantibus, extracto pulsatillæ nigricantis, li-
quore anodyno minerali, supercilio infricato.



MORBI HUMORIS AQUEI.

H Y D R O P H T H A L M I A.

Est bulbi oocularis intumescentia ob nimiam humoris
aquei vel vitrei collectionem. *

C A U S A P R O X I M A est humoris aquei nimium incremen-
tum vel in cameris oculi, vel in cellulis humo-
ris vitrei.

C A U S Æ R E M O T Æ utplurimum latent. *Exitus* mor-
bi utplurimum funestus est, cœcitatem relin-
quens.

SPECIES sunt:

1. *H Y D R O P H T H A L M I A A B I N C R E M E N-
T O H U M O R I S A Q U E I*. Signa sunt suc-

* MAUCHART *Diff. de hydrophthalmia, & Diff. de paracenthesi oculi.*

cessivum bulbi exorbitantis augmentum, cornea plus solito prominens, iris profundior, pupilla immobilis, visus ab initio debilior, sensim nullus, ophthalmodinia sensim austior, hemicrania & insomnium.

Curatio. Incipiens morbus exigit venæctionem, purgantia, vesicatoria, mercurialia, extractum pulsatillæ nigricantis, setaceum, fonticulos.

Externe fomentum discutiens applicetur, ut in hypopyo.

Si medicamenta nil juvent, fiat *incisio corneæ*, ut in extractione cataractæ.

2. **HYDROPHTHALMIA AB INCREMENTO HUMORIS VITREI.** Noscitur ex notabili bulbi exorbitantis augmento, & duritate, cornea vix magis prominente, iride convexa, ad corneam magis approximata, pupilla dilatata, ophthalmodinia obtusa, sensim vehementi, strabismo, visu abolito, & hemicrania.

Curatio eadem ac in priori specie adhibetur; si malum medicamentis non obtemperat, *incidatur cornea*, eximatur lens crystallina & portio humoris vitrei.

3. **HYDROPHTHALMIA COMPOSITA**, ubi humor aqueus, & vitreus simul increscunt.

Curatio est ut in specie secunda. Si malum huic methodo non cedit, fiat *oculi extirpation*, ne

malum ex morboſo in ſanum tranſeat oculum. *

H Y P O P Y U M.

puris collectio in humore aqueo oculi. **
DES puris vel in anteriori vel in posteriori vel in
utraque oculi camera eſt.

AUSA PROXIMA eſt prægressa inflammatio iridis, vel
uveæ, abſcessus vel ulcus corneæ, depositio
materiæ purulentæ, vel puriformis in oculi ca-
meras.

POSCITUR hypopyum inspectione oculi. Apparet li-
quidum album & mobile, medium vel integrum
oculi cameram implens, iridem totam vel me-
dium abſcondens, & viſum pro parte vel inte-
gre obſcurans.

ITUS. Pus effusum quandoque integre iterum ab-
ſorbetur & per corneæ poros transſudat. Quan-
doque adeo in oculi cameris coacervatur, ut
corneam rumpat & exedat cum humorum pro-
lapſu.

Quandoque pars tenacissima puris membranæ
crassæ adinſtar capsulæ crystallinæ accrescit &

* Journal de Médecine. T. 45. & CHESTON patholo-
gical inquiris and observations.

** MAUCHART Diff. de hypopyo & Diff. de empyesi
oculi. JANIN l. c. p. 355. & RICHTERS Ab-
handl. von der Ausziehung des grauen Staars. 1773.
in Capite de hypopyo. S. 172.

sic dictam cataractam purulentam format.
Quandoque conus purulentus pupillæ adhæret,
& visum tolit. V. *Synizesum spuriam.*

SPECIES hypopyi sunt :

1. *HYPOPYUM INFLAMMATORIUM*,
quod a prægressa inflammatione interna oculi
oritur. Est pessima species, quæ raro sine reli-
cto alio oculi morbo abit.

Curatio exigit, vel *dissipationem* puris, vel, si
hæc non succedit, *incisionem* corneæ, ut pus
exire possit.

Dissipatio tentatur venæsectione, purgantibus &
fomentis discutientibus, ut decocto malvæ
cum aliquot guttulis spiritus vini camphorati,
vel infuso herbarum cephalicarum, aut cata-
plasmate pomaceo.

Incisio corneæ fiat ut in extractione cataractæ.
Vulnus per aliquot dies apertum servetur, pus
enim non simul sed ob crassitatem sensim &
guttatim ex corneæ vulnere exit.

2. *HYPOPYUM METASTATICUM*, quod
subito & sine prægressa inflammatione oculi
oritur, at ruborem oculi & febrem inducit.
Hæc species multo facilius quam prior diuis
medicamentis dissipatur & per corneam trans-
fudat.

3. *HYPOPYUM PERIODICUM*, quod cer-
to tempore aliquoties recurrit.

Curatio exigit purgantia, revellentia & corticem peruvianum. *

4. *HYPOPYUM VENEREUM*, quod a gonorrhœa suppressa oritur.

Curatur ut chemosis gonorrhœica. V. *Ophthalmia gonorrhœica*.

5. *HYPOPYUM COMPLICATUM CUM DESTRUCTIONE* omnium humorum & membranarum internarum, qua omnes partes in pus convertuntur. Hoc malum *exigit*, ut cornea incidatur, humores evacuentur, & ut oculus artificialis applicetur.

Applicatio oculi artificialis.

laminæ vitreæ vel aureæ, quæ picturam oculi gerit, applicatio intra palpebras, ut deformitas oculi destructi occultetur. **

DICATIO.

1. Si oculi bulbus ob carcinoma excisus, vel globo sclopetario destrunctus est.
2. Si humores fere omnes per vulnus corneæ vel scleroticae effusi sunt.
3. Si cornea penitus opaca, & deformis est, ut in inveterato staphylomate.

JANIN l. c. p. 360.

* *Cel. MAUCHART Diff. de oculo artificiali.* Præter hanc omnes reliquæ *Cel. MAUCHARTI* dissertationes ophthalmicæ, in hoc opere citatæ, in collectione *diff. chirurgicar. Illustr. HALLERI* continentur.

4. Si bulbus ob hypopodium vel ob hydrophthamiam, aut synchysim evanescere debuit.

CONTRAINDICATIO. Præsente adhuc *inflammatione* & *exulceratione* oculi corrupti non tentetur iⁿpositio, sed soviatur *inflammatio* & curetur pri^ma exulceratio.

CONDITIO OCULI ARTIFICIALIS. *Materia* horum oculi^{rum} est vel ex vitro vel ex auro, uterque debet esse encausto (*emaille*) obductus & pictus.

Figura oculi artificialis respondeat magnitudini convexitati, & iridis colori naturali oculi alterius adhuc sani.

Oculi *vitrei* pro levi præcio sunt, at facili^m franguntur, non adeo nitide pingui, lima, si non quadrant, facile orbitæ adaptari possunt.

Oculi *aurei* pro magno habentur pretio, at facili^m franguntur, sunt nitidius pidi, possunt ma ad oculum facillime adaptari.

APPLICATIO.

1. Elevetur palpebra superior, & sub hanc oculi^{rum} artificialis, saliva humectatus, quantificari potest, introponatur.

2. Dein palpebra inferior aliquantum extrorsum trahatur, & oculus artificialis deorsum levatur sub palpebram inferiorem, & in uno situ firmetur.

Si vero remanens bulbi portio nimis est exigua, tunc cavum oculi artificialis cera liquida

cta adeo impleri debet, ut cum remanente bulbi portione firmum habeat situm; in hoc autem casu oculus artificialis immobilis est.

H Y P O Æ M A.

Est crux effusio in cameras oculi.

NOSCITUR inspectione oculi, in cuius cameris humor rubicundus apparet; si sanguis effusus valde opacus est, simul cæcitatem infert.

SPECIES sunt:

1. *HYPÆMA VIOLEN TUM*, quod ab oculi contusione, aut punctura iridis, ut in depressione cataractæ quandoque contingit, observatur.

Curatio exigit venæsectionem, revellentia, fomenta discutientia. Si vero trombus sanguineus pupillam obstruat, qui nullo modo resolvi possit, tunc fiat incisio corneæ, & eximatur trombus. V. *Synizesis spuria*.

2. *HYPÆMA SPONTANEUM*, quod a tussi vehementi, vomitu, aut nisu parturiendi oritur.

Curatur ut species prior.

H Y P O G A L A.

Est lacris vel aliis humoris albi collectio in cameris oculi.

NOSCITUR inspectione oculi, in cuius cameris liquidum album, mobile apparet.

SPECIES sunt:

1. *HYPOGALA A DEPOSITIONE LACTIS*,
ut in puerperis quandoque observatur.

Curatio exigit revellentia & fomentum discutiens.

2. *HYPOGALA A DEPRESSIONE CATA-
RACTÆ LACTÆ*. Incisa per acum catara-
ctæ capsula, ab effluente humore albo illico
albescit humor aqueus.

Curatio est eadem ut in priori specie, quando-
que sua sponte evanescit.

TURBIDITAS HUMORIS AQUEI.

Est impelluciditas humoris aquei in oculo, qui tur-
bidus appetet.

SPECIES sunt:

1. *TURBIDITAS MUCOSA*, quæ a mucosi-
tate humoris aquei nascitur.

Curatur fomentis discutientibus.

2. *TURBIDITAS A FISTULA CORNEÆ*,
seu ulcere in interna corneæ superficie, ex quo
una alterave guttula puris in humorem aqueum
effluit.

Curatur ablata fistula. V. *Fistula corneæ*.

3. *TURBIDITAS A LENTE CRYSTAL-
LINA IN HUMORE AQUEO DELI-
QUESCENTE*, ut sæpe aliquo post catara-
ctæ depressionem tempore aut quando catara-
ctæ caseosæ particula post extractionem rema-
net, observatur.

Curatur mora, revellentibus & fomentis discutientibus.

Si turbiditas medicamentis non cedit, emitatur turbidus humor aqueus per incisionem corneæ.

EFFLUVIA HUMORIS AQUEI.

Est humoris aquei profluviu[m] e vulnere vel fistula corneæ.

SPECIES sunt :

1. EFFLUVIA EX VULNERE CORNEÆ.

Hoc effluvium post cataractæ extractionem 2 vel 3 dies durat, post hos enim dies, ob vulnus corneæ consolidatum, cessat; si vero ultra tertium diem aquei humoris profluviu[m] durat, signum est, ob iridis vel humoris vitrei prolapsu[m] vulnus in cornea non esse consolidatum.

Curatio exigit sanationem vulneris, sic humor aqueus iterum restituitur. Si vero prolapsus sanationem vulneris impedit, tunc V. *Prolapsus iridis & prolapsus humoris vitrei.*

2. EFFLUVIA EX FISTULA CORNEÆ.

Impeditur effluxus palliative si pellicula ad fistulam agglutinetur, at cura radicalis exigit curationem fistulæ. V. *Fistula corneæ.*

MORBI LENTIS CRYSTAL LINÆ.

CATARACTA.

Est cœcitas, quæ ab opacitate lentis crystallinæ vel ejus capsulæ provenit. *

Multiplex habetur cataractæ *divisio respectu sedis, consistentiæ, coloris, magnitudinis, maturitatis, temporis, quo aggreditur, complicationis & ortus.*

Respectu sedis, quam opacitas tenet, dividitur cataractæ

1. In *crystallinam*, si ipsa lens crystallina est opaca. Est frequentissima cataractæ species.

2. In *capsularem*, quam alii *membranaceam* vocant, si capsulæ crystallinæ lamina *anterior vel posterior vel utraque* opaca redditur.

3. In *crystallino-capsularem*, si lens crystallina & ejus capsula simul opacantur.

* Veteribus latinis cataracta dicebatur *suffusio*, græcis autem *hypochyma*, & *hypochysis*. V. Cel. HENKEL *Diss. de cataracta crystallina vera*. GUNZII *Diss. de suffusionis natura & sede*, & ALBINI *Diss. de cataracta*.

Non datur ante operationem certum signum cataractæ crystallinæ, capsularis, & crystallino-capsularis.

4. In *partialem*, si capsulæ vel lentis non ambitus integer sed medietas, vel dimidium vel solus margo, vel punctum solummodo opacitate laborat, hinc non plenariam cœcitatem, sed varia alia visus vitia producit.

V. *Hemeralopia & nyctalopia.*

5. In *spuriam*, quæ pus est, quod membranæ adinstar, anteriori superficie lentis crystallinæ adhæret & ex prægresso hypopyo nascitur. V. *Hypopium.*

Respectu *consistentiæ* dividimus cataractam :

1. In *duram*, quando lens crystallina soliditatem habet, hæc naturali utplurimum minor est, raro major, rarissime *cornea* vel *lapidea* est.

Signa cataractæ duræ sunt pupilla coarctata vix mobilis, & cataracta multum ab uvea distans.

2. In *mollem*, quam alii *caseofam* dicunt, quando lens crystallina casei mollitiem habet & friabilis est.

3. In *fluidam*, seu *lacteam*, si lens crystallina in humorem album, cremori lactis vel puri similem, mutata invenitur.

Signa cataractæ mollis & fluidæ sunt 1. pupillæ amplitudo & tarda ad lucem admotam contractio, sed signa amauroseos abesse

debent. 2. Cataractæ tanta magnitudo ut margo lentis vix etiam dilatata pupilla videri possit. 3. Cataracta uveæ vicina apparet, at signa cataractæ cum uvea concretæ abesse debent.

4. In *Fluido-duram* quando ambitus lentis crystallinæ lacteus vel caseofus & medietas lentis dura est. Huc referri potest *cataracta ex humore MARGAGNIANO* apaco cum vel sine lente opaca.
5. In *cysticam*, quando tota capsula lentis sub extractione cataractæ fluido vacua, opaca vel pellucida, hydatidis adinstar sponte ex oculo elabitur.

Respectu *coloris* cataractæ divisionem habemus :

1. In *gryfam*, quæ margaritæ colorem refert.
2. — *albam*, quæ lacteum habet colorem; sæpe at non semper hæc cataracta mollis est. Quando albedo splendet, tunc cataracta *argyras* seu *argentea* dicitur.
3. — *glaucam*, glaucus color cataractæ est rassisimus.
4. — *flavam*, flavus cataractæ color non est frequens.
5. — *nigram*, quæ ferri nigri colorem refert. Distinguitur ab amaurosi 1. quod in cataracta nigra pupillæ nigredo sit turbida, albicans, non pura ut in amaurosi. 2. Pupilla seu imago intuentis in cataracta nigra non ut in amaurosi videri potest. 3. Amauro-

roticus lucem a tenebris distinguere non potest, quod vero in cataracta nigra, nisi cum amaurosi sit complicata, possibile est. *

6. — *variegatam*, quæ plures colores, &
 7. — *striatam*, quæ stellæ adinstar strias exhibet; hinc etiam quibusdam *stellata* audit.
- Color nil certi de duritie aut mollitie cataractæ docet. Imo cataracta extracta quandoque alium colorem habet, quam qualem in oculo ante operationem exhibebat.

Respectu *magnitudinis*, quam cataracta habet, dividitur:

1. In *magnam*, quæ naturalem lentis magnitudinem excedit, ut in cataractis mollibus.
2. — *parvam*, quæ naturali lentis magnitudine minor est, ut in cataractis duris ut plurimum at non semper observari solet.

Signa magnæ ac parvæ cataractæ sunt ut molles & duræ. **

Respectu *maturitatis* habetur cataractæ divisio:

1. In *maturam*, seu *perfectam*, in qua lens perfectly opaca est.

Noscitur, si æger adeo visu privatus est, ut nil præter lucem & tenebras distinguere possit.

* JANIN l. c. p. 243. duas de cataracta nigra observationes recenset.

** *Journal de Médecine*. T. 45. & *Illustr. RICHTERS Chir. Bibliothek*. 4. B. 2. St. 253. S.

2. In *immaturam* seu *imperfectam*, in qua lens nondum perfecte est opacata. Noscitur quod cataracta laborans aliquantum adhuc colores & objecta percipere possit. Dantur cataractæ, quæ nunquam maturæ fiunt, dantur, quæ intra aliquot septimanas jam maturescunt.

Respectu *temporis*, quo aggreditur cataracta dividi solet :

1. In *recentem*, quæ nondum diu duravit.
2. — *inveteratam*, quæ jam multos per annos durat.
3. — *secundariam*, quæ post cataractæ depressionem vel extractionem iterum in eodem oculo nascitur. Cataracta secundaria post depressionem a reascensu lentis crystallinæ, cataracta secundaria post extractionem nata, ab obscuratione laminæ posterioris capsulæ crystallinæ remanentis oritur. *

Respectu *complicationis* necessaria est cataractæ divisio :

1. In *simplicem*, quæ sine alio corporis aut oculari vitio adest.
2. — *complicatam cum amaurosi*. Signa sunt si cataracta laborans pupillam habeat dilatatam & immobilem atque lucem a tenebris distinguere nequeat. Si prægressus est visus frequens radiorum lucidorum, si si-

* Cel. RICHTER *Fasc. II. obs. chirurg. p. 88.*

gna cataractæ adhærentis vel nimis magnæ absint.

3. In complicatam cum dissolutione humoris vitrei, aut cum opacitate hujus humoris. Nec synchysis nec glaucoma ante operationem nosci possunt.

4. — complicatam cum pupilla coarctata. Hoc vitium oculi intuitu noscitur.

5. — complicatam cum adhæsione; cataracta dicitur adhærens, si lens crystallina vel cum uvea vel cum humore vitreo, vel cum propria capsula, concreta est.

Signa cataractæ adhærentis cum uvea sunt 1 si opacitas proxime pupillam est, 2 si æger nullum lucis sensum superstitem habet, 3 si pupilla obliqua vel tota immobilis vel inæquali modo parum mobilis est.

Signa cataractæ cum propria capsula cohærentis sunt, si discissa capsula & dilatata etiam pupilla, non tamen nec sponte, nec ad fortioriem oculi pressionem lens opaca exeat.

Signa lentis cum humore vitreo concretæ, sunt, si lens acu depresso perpetuo, acu elevata, iterum reascendat, hinc quibusdam cataracta elastica dicitur.

6. In complicatam cum mobilitate seu tremore lentis crystallinæ. Talis cataracta dicitur tremula, quia digitis fricto oculo titubare solet.

Respectu *ortus* habetur cataractæ divisio :

1. In *localem*, quæ a vitio solius lentis.
2. — *universalem*, quæ a vitio totius corporis oritur : nempe ab acrimonia scrophulosa, venera, ulcerosa, arthritica, podagrifica, scorbutica &c.
3. — *connatam*, quæ cum homine nascitur.
4. — *hereditariam*, quæ a dispositione hereditaria ortum habet.

Causa disponens ad cataractam est vel hereditaria vel peculiaris debilitas in vasculis lentis crystallinæ.

Causa proxima est obstruatio seu infarcitus vasculosorum, & cellularum, quæ lentem crystallinam ejusve capsulam formant, ab humore opaco, qui lentem raro indurat, frequentius autem in humorum caseosum emollit.

Causæ remotæ sunt :

1. *Inflammatio* capsulæ lentis vel ipsius lentis non resoluta.
2. *Depositio* materiæ arthriticæ, catarrhalis, podagrericæ, venereæ, scrophulosoæ, tineosoæ, scabiosæ, herpeticæ, febrilis, ulceris antiqui exsiccati.
3. *Abusus spiritus vini*. Potatores non raro cataractosi fiunt.
4. *Vapor aquæ fortis*, qui lympham lentis crystallinæ coagulat. *

* SZEN *Diss. de cataracta ab effluviis aquæ fortis orta*. Jenæ 1774.

5. *Commotio capitis* aut
6. *Vulnus oculi.*
7. *Oculi percussio*, qua vascula lentis crystallinæ distorqueri & debilitari videntur.
8. *Intuitus diuturnus corporum minutorum*, præcipue splendidorum, hinc scribis, calcographis cataracta familiaris.
9. *Splendor solis vel ignis* diu in oculum agens.
10. *Vitium hereditarium vel congenitum.*
11. *Ætas senilis.*
12. *Consensus unius oculi cum altero.* Oculus cataracta laborans ut plurimum post aliquot annos etiam alterum oculum cataracta afficit; hinc tot homines in utroque oculo cataracta labo-rant.
13. *Ambustio oculi.* Calor oculi lente[m] opacat, ut in coctis piscium oculis videre est.

DIAGNOSIS. Cataracta *incipiens* noscitur, si ægroti visus nebulosus aut fumosus evadat, atque naturalis pupillæ nigredo splendens aliquantum albescat; perfecta demum ingruens cæcitas cum pupillæ colore opaco & albo vel gryseo *confirmata[m]* docet adesse cataractam.

PROGNOSIS. Cataracta est malum chronicum, ægrotum deformem & præstantissimo sensu orbum reddens, atque per vitam durans, ni operatione auferatur. Cataracta unius oculi facillime intra aliquot annos alterum oculum afficit, ni tempestiva cataractæ primæ extractio fiat; hac au-

tem non raro alterius oculi cataracta *præcaveri*
potest.

Curatio cataractæ triplici modo tentatur.

1. Per *medicamenta*.
2. — *depressionem*.
3. — *extractionem*.

MEDICAMENTA rariissime opacitatem resolvere valent.

Interne in cataracta incipiente laudantur extractum aconiti, pulsatillæ nigricantis, hyoscyami albi, cum mercurio dulci combinatum & millepedum succus, Tinctura antimonii Thediana. *

Externe. *Fonticuli*, *setacea*, *vesicatoria* nuchæ imponenda sunt. Demum vapor *spiritus salis ammoniaci* per breve tempus oculo adhibetur.

Plus præstare videntur medicamenta in cataractis ab acrimonia specifica ortis, sic in cataracta *venerea* tentetur mercurius, in *scrophulosa* cortex peruvianus cum cicuta, in *arthritica* aconiti extractum cum antimonio.

Rara sunt exempla cataractarum sponte evanescentium, saepius tamen adhuc id in cataractis secundariis observatur.

* Homini, cui jam a tribus mensibus cataracta in sinistro oculo erat, viij guttas hujus tincturæ mane, & vesperi porrigebam tanto cum effectu ut quarto die objecta majora iterum discernere patuerit.

DEPRESSIO cataractæ tutius & facilius quam extractio ejus instituitur, at non raro reascensum lentis opacæ admittit.

EXTRACTIO certius a cataracta liberat, at operationi supervenientia mala non raro visum iterum tollunt.

Depressio cataractæ.

Est cataractæ ope acus depressio cum vel sine sua capsula e suo situ ad bulbi partem inferiorem. *

HISTORIA OPERATIONIS. Est antiquissima operatio, GALENO jam nota & ad annum 1745 consueta, ab hoc autem tempore, quo Cel. DAVIEL chirurgus gallus extractionem cataractæ invenit, neglecta fuit. Hodie autem a Cel. POTT iterum in usum revocatur. **

INDICATIO & CONTRAINDICATIO. Omnis cataracta deprimi potest, at si *amaurosis* vel *glaucoma*, vel *synchisis* adest, tunc depressio ac extractio frustra instituuntur. ***

* V. Cel. SAINT-YVES *nouveau traité des maladies des yeux.* 1736; Cel. ACREL *chirurgische Krankengeschichte.* & Cel. HENCKEL *Abhandl. der chirurg. Operationen* 1. St.

** Cel. POTT *chirurgische Beobachtungen.* & CL. RICHTERS *chirurgische Bibliothek.* 3. St. 4. Band 564. S.

*** Generalis quorundam ophthalmiorum regula, quæ operationem declarat inutilem, si ægrotus lucem a tenebris distinguere non valeat, exceptionem patitur. Non enim solummodo ob amaurosim, sed etiam

TEMPUS PRO OPERATIONE. Omni anni tempore de-
pressio fieri potest.

CUBICULUM PRO OPERATIONE sit sat lucidum, præ-
ter unam, omnes fenestræ cubiculi obvelentur.

PRÆPARATIO ÆGROTI. Die ante operationem fiat ve-
næfæctio, aliquot ante operationem dies primæ
viæ sale amaro purgentur, ab hoc tempore vi-
etus ægri sit antiphlogisticus.

PRÆPARATIO INSTRUMENTORUM. *Acus cataractaria*
Cel. MOHRENHEIM est omnium acuum optima. *

PRO DELIGATIONE parentur *splenia* quædam & *fascia*
ocularis.

SITUS ÆGROTI. Æger in sede humiliori ita versus fe-
nestram sedeat, ut lumen a latere incidat in
oculum.

SITUS CHIRURGI. Chirurgus in sede altiori quam æger
sedeat, adeo ut hujus caput pectori chirurgi
obversum sit, & ad illud, quantum fieri potest,
appropinquet.

si cataracta admodum magna est, atque si cataracta
cum uvea concreta est, ægrotus lucem a tenebris di-
stinguere nequit. In his duobus ultimis casibus ope-
ratio tamen non raro cum successu instituitur. Hinc
signa harum trium conditionum bene distinguantur.

* *Cel. MOHRENHEIMS Beobachtungen verschiedener chirurg. Vorfälle.* 1. B. 1780. Tab. I. Fig. I. Atque
Clariss. Professoris STOLI rat. med. I. p. 445. Acus
ex argento sed cupro largius admixto paretur, ut api-
ci conoideo & subtiliori quædam firmitas concilietur.

SITUS ADJUTORIS. Hicce retro ægroti sedem stet, atque una manu fronti, altera mento ægroti supposita, caput illius reclinet, ac pectori suo firmiter apprimat.

OPERATIO IPSA. Si oculus, exempli gratia, sinister cataractam habet:

1. Oculus sanus seu dexter *splenio & fascia* firmiter obtegatur.
2. Chirurgus sinistræ manus pollice atque indice bene palpebras diducat, atque ita simul oculi bulbum immobilem teneat.
3. Imperandum jam ægroto est, ut oculum versus nasum vertat, sic externus oculi angulus amplam albugineæ partem operatori exhibit.
4. Tum chirurgus dextra manu acum, ab adstante ministro exhibitam, calami scriptorii adinstrar, pollice, indice & digito medio prehendat, & binos reliquos digitos super genas adeo imponat, ne manus facile contremiscat.
5. Denique acum cataractariam albo oculi ad duarum linearum a cornea distantiam recta per oculi tunicas e regione medietatis pupillæ immittat, acus duobus digitis comprehensa, lente gyrando ita intra oculum immittatur, ut nulla adhibita vi, sed solo ferme pondere proprio adigatur.
6. Quamprimum chirurgus ex cessante partium renitentia animadvertis, acum tunicas bulbi penetrasse, inclinanda statim est acus supra

cataractam, eaque mox cum sua capsula a parte superiori infra pupillæ regionem inferiorem, & paululum retrorsum ad fundum humoris vitrei premenda & aliquamdiu ibi retinenda est, ut cataracta inferiori parti insidieat.

7. Si acum in pupillam elevatam cataracta deppressa non sequatur, bene est facta operatio, adeoque tum acus iterum ex oculo redi educi debet. Si vero cataracta elevationem acus sequeretur, tunc deppressio aliquoties & fortius repeti deberet.

8. Noxium est, statim post operationem ægroti visum variis objectis demonstratis exercere. Sic enim facile reascendit cataracta, & inflammationi occasio datur.

DELIGATIO PRIMA. Statim a peracta operatione splenium collyrio ex aqua vegetominerali, vel vino tepido imbutum aut cataplasma pomaceum super oculum, sed sine oculi pressione, applicari & fascia firmari debet.

Oportet vero *utrumque oculum* per injectam fasciam devincire, nam aperto oculo agitato, movetur & alter sub fascia.

REGIMENTUM ÆGROTI.

1. Facta prima deligatione æger super lectum adeo locetur, ut caput ejus aliquibus pulvinaribus suffultum, erectum aliquantum servetur, quotidie enema emolliens applicetur.

2. Caveat ægrotus a tussi, vomitu, risu, sternutatione, sermone intensiori, nisu ad alvum; ac præsertim ab inclinatione capitis ad anteriora vel quod adhuc deterius ad inferiora, sic enim facile reascendit cataracta.
3. Elapsis aliquot ab operatione horis instituatur *venæfæctio*.
4. Sub vesperam primæ diei exhibeatur *emulsio* cum nitro & syrupo diacodii, & injiciatur *enema emolliens*.
5. Oculus bis de die per 8 vel 10 dies cataplasmate pomaceo vel aqua saturnina, aut vitriolata vel aqua vegetominerali deligetur. Sub omni deligatione obscurentur fenestræ, ne lux vividior oculum feriat.
6. *Victus* per octiduum sit antiphlogisticus.
7. Post decimum diem, si singula bene se habent, oculus non amplius deligetur, at maneat æger in cubiculo obscurato; demum post aliquot dies lumen admittatur, at oculi peplo sericeo viridi, e fronte propendente, sint muniti, oportet.

Paullatim demum ægrotus in cubiculo lucido obambulare & ad victum consuetum redire potest.

OPERATIONES CATARACTARUM SPECIALIUM :

1. *CATARACTA LACTEA*. Quamprimum sub depressione, ope acus capsula lentis inciditur, illico humor lacteus cararactæ effluit in humorem aqueum, qui subito adeo turbidus & al-

bicans evadit, ut chirurgus nec pupillam nec cuspidem acus amplius videre queat.

Hæc turbiditas post aliquot septimanas sponte evanescit. Si id non contingat, vulnere apertatur cornea & emittatur humor turbidus.

2. *CATARACTA CASEOSA.* Quandoque sub depressione fragmenta quædam remanent vel in cameram anteriorem elabuntur. Particulæ elevata acu remanentes etiam deprimantur; elapsæ autem cum tempore in humore aqueo resolvuntur.

3. *CATARACTA CUM UVEA CONCRETA.* Noscitur quod sub cataractæ depressione simul iris inferius rugetur, superius deprimi videatur. Chirurgus in tali casu dorso acus uveam a cataracta antrorsum premere & separare debet. Si hoc non possibile est, desinat ab operatione, alias iridem a limbo corneæ penitus separat.

4. *CATARACTA CUM PROPRIA CAPSULA CONCRETA.* Talis cataracta cum ipsa capsula deprimitur.

5. *CATARACTA ELASTICA* seu quando postica capsulæ lentis superficies cum membrana hyaloidea concreta est. Si cataracta depressa, illico iterum elevata acu reascendat, tentetur ter, vel sexies depresso fortior. Si nondum deprimi potest, introducat chirurgus *acum acutam* intra cataractam & humorem vitreum, separet lentem & dein deprimat illam.

6. *CATARACTA CAPSULARIS ANTERIOR.* Licet ut plurimum capsula in anterio-
ri vel posteriori membrana obscurata, simul
cum lente deprimatur, fieri tamen potest, ut
incisa vel rupta capsula deprimatur lens sola
sine capsula. Noscitur, depressa cataracta, la-
minam capsulæ anteriorem obscuratam reman-
sisse, tātu, visu mutati coloris opaci in pu-
pilla & inconspicuitate acus retro pupillam.

Curatio exigit, ut membrana opaca acū perfo-
diatur, hinc inde dilaceretur ac deprimatur.

7. *CATARACTA CAPSULARIS POSTE-
RIOR.* Acū depressa cataracta, acum in pu-
pilla videmus, at retro acum & pupillam la-
mina opaca appet.

Curatio exigit, ut acū laminam opacam ab hu-
more vitreo separemus & separatam deprimam-
us.

8. *CATARACTA NATIVA.* Qui a nativita-
te cataractosi sunt, hi etiam depressa cataracta
non apte vident, donec videre discant.

9. *CATARACTA COMPLICATA CUM
CORPORIS VITIO UNIVERSALI,* ut acrimonia scrophulosa vel alia. His ægris
deposita cataracta fonticuli vel alia ulcera ar-
tificialia fieri debent, & remedia antacrimo-
niosa diu adhuc præberi, alias brevi iterum
cataracta afficiuntur.

10. *CATARACTA SECUNDARIA.* Hæc
quandoque post unam alteramve horam, vel

diem, vel mensem vel unum pluresve annos iterum a reascensu lentis opacæ contingere, ac novam cœcitatem inferre solet, at non semper, nam quandoque iterum sponte descendit. Interim reascendens cataracta si non sponte iterum descendat novam exigit depressionem, aut quod tunc tutius est extractionem cataractæ.

SYMPTOMATA depressioni quandoque *supervenientia* sunt:

1. *ECCHYMOSIS ALBUGINEÆ*, quæ in loco, cui acus immisla fuit, quandoque observatur. Hoc malum est nullius momenti, ac collyrio facile discutitur.
2. *HYPOTHEMA* seu cruoris effusio in oculi cameras, qua humor aqueus totus rubicundus appetet. Hoc malum jam gravius est, at non raro venæsectioni, ac fomento ex vino & speciebus cephalicis cedit.
3. *INFLAMMATIO OCULI*. Hæc minus quam in extractione timenda est, & raro adeo valida fit.
Curatur venæsectionibus, sale amaro, spec. cephalicis vino infusis, aqua vegetominerali aut cataplasmate pomaceo & vesicatorio.
4. *EFFLUXUS HUMORIS AQUEI*, a quo tunica cornea concidit. Hoc symptoma non multum timendum est. Paucos enim intra dies humor aqueus & oculi pristina forma redit.

5. *VOMITUS*, haud raro post unam alteramve horam vel etiam prima nocte sequitur, qui vero sponte brevi plerumque iterum cessat. Mali vero indicii symptoma est, nam vomendi impetu cataracta depressa utplurimum reascendit. Hinc statim post operationem antemeticum seu laudanum liquidum cum oleo amygdalarum dari debet.
6. *PROLAPSUS CATARACTÆ* per iridem in anticam oculi cameram; hæc postulat incisionem corneæ atque extractionem lentis opacæ.
7. *MYOSIS & SYNIZESIS*. Hæc vitia uveæ inflamatæ vel iridis lœsæ sunt sequelæ. V.
Myosis & synizesis.
8. *IRIDIS LÆSIO*. Iridis vulnera longitudinalia, non adeo sunt periculosa, si inflammatio arceatur.
9. *HYPOPYUM*. Hoc plerumque inflamatæ uveæ, vel iridis sequela est, hinc mali omnis; nam plerumque sequitur pupillæ angustatio, & cœcitas.
10. *MYOPIA & AMBLYOPIA*, quibus cataracta, vel deprimitur, vel extrahitur, his utplurimum visus debilior ob lentis defectum. Hinc Perspicilla biconvexa, quorum focus 5 vel 6 pollicum est, adhibeantur.

Extractio cataractæ.

Est cataractæ exemptio ex oculo ope incisionis in corneam. *

INDICATIO. Omnis cataracta extrahi potest.

CONTRAINDICATIO. Si *amaurosis*, vel *glaucoma* vel *synchisis* simul cum contracta adest, tunc operatio frustra instituitur.

Ut plurimum *infelix* est operationis exitus, ubi rheumaticus vel arthriticus dolor alicubi ægrum vexat, aut cephalæa aut hemicrania, aut temporum dolor, aut frequens ophthalmia, aut erysipelas sæpius recurrens; aut tussis longa, aut facies pustulosa fuit, aut dentium & gingivarum conditio prava est, neque ubi alterutra cornea opacari incœpit, aut oculus vasis sanguineis amplioribus aut varicosis perreptatur, si temperies humorum acris & habitus corporis nimis irritabilis est; si cataracta cum uvea vel cum humore vitreo concreta est.

DEPRESSIO est extractioni *præferenda*.

1. Si ægrotus nictitatione palpebrarum vel bulbi convulsione laborat.
2. Si oculus nimis profunde in orbita locatur.
3. Si cornea nimis plana ut in brespytis est.

* *Cel. P. RICHTER von der Ausziehung des grauen Staars. & Cel. HELLMANN vom grauen Staar und dessen Herausnehmung.*

4. In infantibus, qui nec oculum nec caput in requisita pro operatione quiete & situ servare possunt.

TEMPOUS PRO OPERATIONE. Omni anni tempore extractio fieri potest. Hyeme cubiculum agroti modice sit calefactum, aestate modice refrigeretur. Ver & autumnus ob consuetam morborum epidemicorum frequentiam pro hominibus ad epidemicam dispositis, equivocum exhibent tempus.

ACUS PRO OPERATIONE & PRÆPARATIO AGROTI eadem requiritur ac pro depressione.

PRÆPARATIO INSTRUMENTORUM.

1. *Digitale cum hastâ Cel. RUMPELT.*
2. *Cultellus cataractarius Cel. Prof. RICHTER.*
3. *Cystitomus aliquantum curvatus Cel. LA FAYE.*
4. *Acus cataractaria hastata pro extorsione capsulae crystallinæ cum lente D. MORRHENHEIM.* *
5. *Cochleare ophthalmicum Cel. LA FAYE.*
6. *Forfices ophthalmicæ Cel. DAVIEL, pro dilatando corneæ vulnere, si necessarium foret.*
7. *Instrumentum pro separatione cataractæ cum iride concretæ.*

PRÆPARATIO PRO DELIGATIONE. *Splenia quædam & fascia ocularis.*

SITUS AEGROTI. Aeger in sede humiliori ita sedeat versus fenestram, ut lumen a latere nasi in oculum incidat.

SITUS CHIRURGI. Chirurgus in sede altiori quam aeger sedeat, adeo ut hujus caput pectori chirurgi obversum & approximatum sit. Nam neque elevatis, neque extensis brachiis tuto secat chirurgus.

SITUS ADJUTORUM. Unus operatori præbet instrumenta. Alter retro ægroti sedem stet, atque una manu ægri superiorem palpebram elevet, altera manu ægroti mento supposita caput illius reclinet ac pectori suo firmiter apprimat.

OPERATIO IPSA. Si in sinistro ægri oculo operatio peragenda esset, tunc:

1. Dexter ægri oculus *fascia* & *splenio* fortiter obtegatur.
2. Chirurgus digito indice sinistræ manus deprimat palpebram inferiorem & oculi bulbum inferius in interno angulo simul paululum, caute tamen, comprimat.
3. Jam dextra manu cultellum instar calami scriptorii prehendat, armatamque manum ad exterum oculi angulum applicet, & ut firma sit, genæ temporique ægroti adprimat.
4. Oportet jam, ut chirurgus in hoc situ paululum exspectet, donec oculus, qui tunc temporis valde plerumque agitatur, in oportuno ad operationem situ, nempe elevatus, &

- ad externum orbitæ angulum versus, per momentum quiescat.
5. Hoc ipso momento cultelli cuspidem, subito, caute tamen, tunicæ corneæ in angulo externo, ad lineæ dimidiæ a sclerotica distantiam, loco, qui pupillæ centro altitudine respondet, perpendiculari ad corneam directione impingat, ut cameram oculi anteriorem intret.
 6. Dein cultellus, aversa ab iride illius cuspide & retrorsum moto illius manubrio, ut lamina illius parallelam cum iride directionem servet, anteriorem transeat oculi cameram, atque in opposito latere e cornea, loco, quo ingressus est, simili exeat.
 7. Jam ulterius propellat cultellum ad angulum oculi internum, donec cuspis illius ad sex circiter linearum longitudinem e cornea exierit, & dimidium inferius corneæ solutum sit. Hoc tempore demum prorumpit humor aqueus.
 8. Jam cystitomus per vulnus corneæ & per pupillam ad capsulam lentis crystallinæ admovatur, ac expressa cuspide iteratis ictibus pertundatur, & dein hoc instrumentum remissa cuspide ex oculo afferatur.
 9. Nunc lens crystallina sponte plerumque vel ad levem oculi compressionem exit.
 10. Vel incisa cornea, capsula lentis non aperiatur, sed immittatur *acus hamata*, & infigatur mediæ lenti. Ope hujus *acus* lens cum capsu-

la elevetur, deprimatur dextrorsum & sinistrorsum iterum iterumque, caute tamen agitetur; acum dein inter digitos rotando, a lente, in quam defixa est, expediās. Quo facto ad levem bulbi compressionem lens cum capsula vel sponte prodit, vel parvo DAVIELIS cochleari curvato expediri penitus potest. *

- ii. Elapsa lente demum purificetur oculus cochleari DAVIELIS a fragmentis.

DELIGATIO PRIMA & RELIQUUM REGIMEN ÆGROTI post extractionem, ut post depressionem eadem sunt observanda.

OPERATIONES CATARACTARUM SPECIALIUM :

1. *CATARACTA LACTEA.* Hæc cataracta cum integra capsula eximi non potest, hinc post humoris lactei effluxum, cava lentis capsula cuspide acus vel cystitomi discindatur.
2. *CATARACTA CASEOSA.* Fragmentis cataractæ exemptis idem cum capsula ac in priori specie tentetur.
3. *CATARACTA CUM UVEA CONCRETA.* Stilus cum apice inflexo introducatnr inter uveam & lentem atque tentetur separatio.

* Hæc methodus a *Cel. Prof. RICHTER* nuper proposita ægrotum a cataracta secundaria, a capsulæ obscuratione oriunda, tutum reddit. V. *Observ. chirurgicarum Fasc. II. p. 88.*

4. *CATARACTA CUM PROPRIA CAPSULA CONCRETA.* Talis cataracta cum ipsa capsula acu Richteriana solvitur & exprimitur.
5. *CATARACTA ELASTICA* seu cum *HUMORE VITREO CONCRETA.* Tentetur separatio capsulæ ab humore acu Richteriana. Si vero separatio non succedit, incidatur capsula, & exprimatur lens sola.
6. *CATARACTA CAPSULARIS ANTERIOR*, vel *POSTERIOR.* Hæc species cataractæ præsentim capsulæ separationem ab humore vitreo exigit, si hæc impossibilis esset, discindatur remanens capsula opaca dissecionibus.
7. *CATARACTA SECUNDARIA* extractioni jam die altero post operationem superveniens ab inflammatione remanentis capsulæ est. Hæc quandoque applicatis antiphlogisticis fomentis intra aliquot dies cessat, at si hæc inflammatio his remediis primis diebus non cedit, violentiora adhibenda sunt; ut venæsectio aqua vegetomineralis, vesicatorium ad nucham & ad tempora, purgantia ex sale amaro.
Si vero inflammatio in obscurationem chronicam remanentis capsulæ abeat, tunc adhibeantur resolventia fortiora, quæ in curatione cataractæ laudavimus, his nil proficientibus, fiat nova operatio & destructio lamellæ opacæ.

8. CATARACTA CUM PUPILLA COARCTATA. Si pupilla jam ante operationem perpetuo coarctata & immobilis est, atque incisa cornea & bene obscurato cubiculo se non dilatat, tunc operator aliquod tempus exspectet, si nondum se dilatat, audacter est pupilla incidenda.

Infortunia sub extractione cataractæ.

1. INCISIO INTER LAMELLAS CORNEÆ.

Si culter oblique immergatur corneæ, tunc intra lamellas decurrit. Hinc retrahatur culter & applicetur magis perpendiculariter.

2. VULNUS CORNEÆ NIMIS ANGUSTUM.

Si non dimidium corneæ aperiatur, lens crystallina in vulnere manet incarcerata. In tali casu mediante forfice recta, dilatentur anguli vulneris. Forfice recta facilius quam curva hæc dilatatio fieri potest; præjudicium est forficem acutam contusum facere vulnus & malam relinquerre cicatricem.

3. CORNEÆ COLLAPSUS SUB INCISIONE.

Hoc contingit, si humor aqueus jam sub incisione corneæ præmature effluat, vel ob malam cultri figuram, quo omnes, præter *Richterianum*, vitio laborant cultri; vel ob retractionem cultri ex vulnere, si ægrotus oculum movet, aut ministro delabatur palpebra superior, vel deinde si oculi bulbus sub incisione corneæ multum premitur.

In tali casu facillime lœditur iris, hinc ab operatione penitus abstineat chirurgus & consolidato vulnere post aliquot dies iterum operationem repeat. Vel forcice recta & obtuso apice vulnus cornea sufficenter dilatet.

4. *IRIDIS LÆSIO.* Hæc visu & sanguinis effluvio noscitur.
5. *IRIDIS PROLAPSUS,* qui sub operatione contingit, a pressione externa vel tetano bulbi oritur. Reponi debet Iris. V. *Ptoſis iridis.*
6. *PROLAPSUS HUMORIS VITREI.* Hic vel a pressione externa oculi, vel ex tetano muscularum bulbi originem habet. Mediocris portio elabens nil visui obest, imo clarius vident, quibus humor vitreus prolabitur. V. *Prolapsus humoris vitrei.* *
7. *PRÆMATUS LENTIS CRYSTALLINÆ ELAPSUS.* Quandoque vix aperta cornea & nondum incisa capsula crystallina jam cum violentia profilit lens crystallina vel ob oculi pressionem vel ob spasimum muscularum bulbi. Hinc timendum est, ne simul fiat iridis atque vitrei humoris prolapsus.
8. *STERNUTATIO AGROTTI.* Hæc pessime jam incisa cornea operationi supervenit, nam inde sanguis, iris & totus humor vitreus ex oculi

* Obtegatur oculus & committatur prolapsus naturæ. Cl. RICHTER *Abhandl. von der Auszieh. des grauen Staars.* S. 113.

bulbo excuti solet. Hinc illico oculus linteo & manu continendus.

9. *COMPLICATIO CUM AMAUROSI.* Si chirurgus extracta lente pupillam nigram & puram observet, æger autem nil tamen videre possit, amaurosis adest. Hinc operatio est sine fructu.

10. *COMPLICATIO CUM SYNCHYSI* seu dissolutione humoris vitrei. Exempta lente crystallina illico effluit tenuis humor vitreus, & æger manet cæcus.

11. *COMPLICATIO CUM GLAUCOMATE* seu opacitate humoris vitrei. Exempta lente crystallina prominet humor vitreus opacus, hinc æger manet cæcus.

12. *COMPLICATIO CUM PUPILLA COARCTATA.* Si facta incisione corneæ pupilla ante operationem dilatata se valide contrahit, impossibilis est capsulae incisio & lentis expressio. Hinc cubiculum est obscurandum & expectandum donec pupilla se dilatet.

Symptomata post operationem quandoque sequentia.

1. *VULNUS CORNEÆ NON CONCRESCENS.* Communiter tertio post operationem die vulnus corneæ esse solet concretum. Si ergo quarto aut quinto adhuc die vulnus nondum concretum invenitur, id vel ob malos ægri humo-

res vel iridis aut humoris vitrei prolapsum contingit.

2. *CICATRIX VISIBILIS.* Vulnus corneæ, quod mirum est, cultello acuto inflatum nullam relinquit cicatricem, nisi vulnus in suppurationem magnam abeat.
3. *OPHTHALMIA.* Quandoque septimo primum die post cataractæ operationem succedit inflammatio oculi & febris. * Hæc non raro venæseptione, sale amaro, vesicatoriis nuchæ & temporibus applicatis iterum discutitur. Quandoque vero *acuta ophthalmia* in *chronicam* degenerat, quæ menses & annum durare solet. V. *Ophthalmia chronica*.
4. *EFFLUVIUM HUMORIS AQUEI POST TERTIUM DIEM*, quo cessare deberet, est signum iridem vel humorem vitreum in vulnera esse incarcерatum.
5. *PROLAPSUS HUMORIS VITREI*, qui aliquot horas post operationem a spasmo muscularum bulbi oritur, exigit opiate. V. *Prolapsus humoris vitrei*.
6. *PROLAPSUS IRIDIS*, aliquot post operationem horas vel altero die etiam a tetano bulbi oritur. Reponatur iris & applicetur solutio alumina. V. *Ptoſis iridis*.
7. *PUPILLA DEFORMIS.* Est frequens catarractæ extractionem sequens symptoma.

* LANGE l. c. p. 5.

8. *PUPILLA FISSA*, a læsione transversali iridis sub operatione oritur. Non amplius curatur.
9. *MYOSIS, SINIZESIS & SYNECHIA*, ab inflammatione iridis & uveæ oriuntur. V. *Hos morbos sub suis titulis.*
10. *OBSCURATIO CORNEÆ* a corneæ inflammatione oritur & hac sanata evanescit.
11. *TURBIDITAS HUMORIS VITREI*, quandoque a remanente particula cataractæ caseosæ, in humore aqueo soluta, originem habet & evanescit post aliquot septimanas.
12. *HYPOPYUM* est inflammationis internæ effusus. V. *Hypopyum.*
13. *BLEPHAROPHTHALMIA*; hæc effectus est palpebræ a ministro contusæ vel cataplasmate relaxatæ. Facile curatur.
14. *MUSCULORUM BULBI CONVULSIO*. Hæc ab animi pathemate, aut nimis cito admissa luce excitari potest: exprimit sæpe iridem aut humorum vitreum per vulnus corneæ. Exigit fermentum pomaceum cum croco & camphora. *Interne* detur opium.
15. *AMBLYOPIA*, hæc a lentis defectu originem habet, exigit perspicilla utrinque convexa.
16. *TABES OCULI*. Hæc quandoque ab humorum effluxu oritur. V. *Tabes bulbi.*
17. *TRICHIASIS*, quandoque sub curatione cilia quædam introvertuntur & bulbum inflammant. Cilia introversa evellantur, si everti nequeunt.

PROLAPSUS LENTIS CRYSTAL. LINÆ.

Est lentis prolapsus ex sua capsula in anteriorem oculi cameram.

SPECIES sunt :

I. PROLAPSUS LENTIS SINE VULNERA CORNEÆ.

CAUSA PROXIMA est capsulæ crystallinæ ruptura. Hæc sæpe contingit sub depressione cataractæ, a lapsu in caput, a saltu e loco alto, a percussione oculi, a pressione bulbi.

DIAGNOSIS. Lens prolapsa noscitur inspectione oculi, & visu lentis crystallinæ pellucidæ vel opacæ.

EFFECTUS. Lens crystallina in anteriori oculi camera quandoque dolorem, oculi inflammationem, pupillæ contractionem procreat, atque visum perturbat, quandoque præter visus perturbationem nullum excitat symptoma.

Curatio exigit incisionem corneæ adeo magnam, ut in extractione cataractæ requiritur.

2. PROLAPSUS LENTIS CUM VULNERA CORNEÆ, qui facta corneæ incisione voluntaria ut in extractione cataractæ, aut in involuntaria corneæ vulneratione contingit, præsertim si oculus digitis vel instrumentis vel spasmo muscularum bulbi multum premitur.

MORBI HUMORIS VITREI.

G L A U C O M A.

Est opacitas humoris vitrei. *

NO SCITUR ex cæcitate ægroti & visu circuli opaci, vel saltem obscurioris, qui retro lentem crystallinam observatur.

CAUSA PROXIMA est depositio humoris opaci in celulas humoris vitrei.

Est morbus rarissimus, cognitu difficillimus ac semper incurabilis.

SPECIES sunt:

1. **G L A U C O M A O P A C U M**, in quo humor vitreus, ut in cataracta molli, impellucidus est. In morbo incipiente posset externe vapor spiritus salis ammoniaci tentari. *Interne* tintura antimonii *Thediana*, extractum pulsatillæ nigricantis, cicutæ, hyosciami albi, aconiti cum millepedibus, cum mercurio dulci, & infuso arnicæ exhiberi posset. Morbus adultus est *incurabilis*.

2. **G L A U C O M A T E R R E U M**, in quo humor vitreus in concrementum terreum, ut authores referunt, degenerat.

* HEISTERI *Traðatio de cataracta, glaucomate & emaurosi*. Altorfii. 1720.

3. *GLAUCOMA PURULENTUM*, est humoris vitrei mutatio in humorem purulentum vel puri analogum. Est *incurabilis* & si oculus extirpetur, in alterum transit.

S Y N C H Y S I S.

Est humoris vitrei solutio in tenuitatem aqueam.

C A U S A ut plurimum latet. * Hic morbus est fere semper cum amaurosi ** quandoque simul cum cataracta complicatus.

Noscitur ex perfecta cæcitate, in qua pupillæ nigredo adeo est pallida, ut per illam tota interna retinæ superficies, & ejus vascula rubra videri possint.

Curatio est impossibilis. Quæ enim medicamenta humoris vitreo dissoluto naturalem restituant densitatem?

P R O L A P S U S H U M O R I S V I T R E I .

Est humoris vitrei prolapsus e vulnere corneæ vel scleroticæ.

E F F E C T U S, modicus prolapsus nil obest, & intra aliquot septimanas iterum restituitur, si vero magna hujus humoris pars effluat, tunc bulbus collabi-

* Ab applicatione spiritus volatilis cornu cervi hæc dissolution inducta fuisse vtdetur. V. Cl. RICHTER vom grauen Staar. S. 102.

** Cel. RICHTER *Fascicul. observ. chir. II.* p. 67.

tur, pupilla se claudit, & immedicabilem cæcitatem infert.

SPECIES sunt:

1. *PROLAPSUS A PRESSIONE OCULI.*

Est symptoma in cataractæ extractione frequens, quando adjutor vel operator sub incisione corneæ bulbum digitis ruditer premit.

2. *PROLAPSUS A SPASMO MUSCULORUM BULBI.* Hicce spasmus quandoque statim a facta incisione corneæ aut sub extractione lentis oritur, quandoque vero altero vel aliquot post operationem dies primum contingit. De causis hujus spasmi V. *Tetanus bulbi.* Nec situs ægroti supinus hunc prolapsum præcavet.

Curatio exigit, ut illico opium cum oleo interne detur. *Externe* oculus deligetur per 9 dies, & prolapsus relinquatur in vulnere, nec reprimatur, nec absindatur. Nam vulnus sensim consolidans partem prolapsam sua sponte separat. *

* V. Cel. RICHTER von der Ausziehung des grauen Staars in capitulo de prolapsu humoris vitrei. p. 99.



MORBI RETINÆ seu VISU S.

P H O T O P H O B I A .

Est tanta lucis intolerantia, ut oculus vel modicam ejus quantitatem ægre ferat.

Tales ægroti connivendo solent se a nimia luce tueri.

CAUSA PROXIMA est nimia retinæ sensilitas.

SPECIES sunt :

1. *PHOTOPHOBIA INFLAMMATORIA*, quæ ophthalmiæ præsertim internæ est symptomæ.

Curatur ablata inflammatione.

2. *PHOTOPHOBIA A MYDRIASI*, pupilla enim dilatata nimiam radiorum copiam admittit, hinc lucis intolerantia.

Curatio palliativa exigit obvelationem oculorum tela sericea viridi.

Curatio radicalis exigit ablationem mydriaseos.
V. *Mydriasis.*

3. *PHOTOPHOBIA A DESUETUDINE LUCIS.* Qui diu carceribus inclusi, ex illis educiti lucem diu non ferre possunt, et si pupilla contrahatur. Quibus cataracta deprimitur aut extrahitur, his primus lucis introitus igneus ut fulgur, oculo non ferendus videtur. Utantur peplo viridi & sensim assuefaciant oculos luci.

4. *PHOTOPHOBIA NERVEA*, quæ ab aucta nervorum sensitivitate nascitur. Est symptomà hydrophobiæ & multorum morborum tum acutorum tum systematis nervei.

Curatur roborantibus & nervinis.

5. *PHOTOPHOBIA A NIMIA LUCE* ut ab inspectione solis, qui oculo intolerabilis est.

6. *PHOTOPHOBIA AB HYDROCEPHALO INTERNO* est symptomà hujus morbi & ut ille incurabilis. *

A M A U R O S I S.

Est cæcitas cum pupilla utplurimum nigra, dilatata, & immobili. **

Dantur vero etiam amauroses cum pupilla coarctata, mobili, pallida vel usque ad retinam pellucida. ***

Raro unus utplurimum uterque oculus hoc morbo afficitur.

CAUSA PROXIMA est deficiens influxus liquidi nervei in nervum opticum & in retinam.

Rarissime nascitur hic morbus sine omni *prædispositione*.

* WILT von der Hirnwässersucht.

** Dicitur etiam gutta serena. V. OEHMEN *Diss. de amaurosi*, & NOOTNAGELL *Dissert. de amaurosi*. Erlangæ, 1776. & CL. TRNKA *Historia amauroseos*. 1781. Vindobonæ.

*** CEL. RICHTER *Fasc. II. observ. chirurg.* p. 62.

DIAGNOSIS. Amaurosis ut plurimum sensim, rarius subito ingruit. Signa amaurosis incipientis sunt visus paullatim debilitatus, nebulosus, araneosus, reticulosus, coloratus, lucidus. Tandem imperfecta, ac ultimo perfecta supervenit cæcitas, licet pupilla appareat nigra.

PECIES amaurosis, respectu causarum, sequentes constitui possunt.

I. AMAUROSIS A CONGESTIONE SANGUINEA, seu quæ a sanguinis copia in vasis, quæ cerebrum, nervum opticum, ac retinam perreptant, congesta oritur.

Causæ congestionis sunt *nixus* a ponderis gestatione, præsertim corpore valde antrorsum curvato, nifus a partu. *Plethora* ab æstu aeris, vel insolatione capitis commota. *Suppressa menstrua* vel *lochia* vel *hæmorrhoidum* fluxio, aut consueta *venæsecchio* omissa, abusus *spirituorum*. *Vomitus*, *tussis*, *risus*, *clamor*, *inflatus tubarum*, quo sanguis in capite retinetur, abusus mercurialium, * aut martzialium. Demum *ophthalmia membranæ choroidæ*, *apoplexia sanguinea*, *febris calida*, & *graviditas* huc referuntur.

Noscitur amaurosis sanguinea ex signis sanguinis ad encephalon & oculos congesti. Homines juvenes & sanguineos aggreditur.

* *Cel. THEDEN Unterricht für die Wundärzte bey Armeen.* 1774. S. 199.

Curatio amauroseos sanguineæ exigit repellentia & evacuantia. Hinc fiat:

1. Larga *venæsecchio* in pede & brachio aliquoties instituenda.
2. *Scarificatio.*
3. *Hirudinum applicatio* ad tempora & oculorum canthos.
4. *Secchio arteriæ temporalis.* Simul adhibeantur
5. *Purgantia fortia & enemata acria*, sæpius repetenda.
6. *Semicupia vel balnea tepida.*
7. Externe *aqua frigidissima* ad oculum, & *fomentatio frigida* fronti & temporibus, omni horæ quadrante renovanda, applicetur.

His remediis incassum adhibitis signum est vasa sanguine turgida jam *atonia* laborare; hæc remediis externis & internis, speciatim in amaurosi laudatis curari debet.

REMEDIA INTERNA, quæ in amaurosi laudantur, sunt:

1. *Cicutæ extractum.* *
2. *Aconiti extractum.* **

* Cicutæ usu plures homines visum recuperarunt. *Illustr. Bar. de STÖRCK. Tr. de cicuta p. 168 & 169.*

** V. *Lib. cit. Illustr. de STÖRCK p. 120. & p. 268.* Extracto aconiti cum mercurio dulci simulque adhibito vesicatorio ad caput, puerum e retrogressa capitis scabie intra 14 dies sanavi.

3. *Infusum florum arnicæ.* *
 4. *Balsamus vitæ.*
 5. *Sulphur auratum antimonii tertiae præcipitationis.* **
 6. *Oleum animale DIPPELII.*
 7. *Moschus.* ***
 8. *Decoctum ligni quajaci.* ****
 9. *Mercurius dulcis seu Calomel.* *****
 10. *Belladona.* *****
 11. *Decoctum saturatum corticis peruviani ac radicis Valerianæ cum sale volatili cornu cervi nuptum.* *****
-

* Cel. COLIN passim in *ann. med.* & *observat.*

** Balsami vitæ guttulas aliquot, saccharo exceptas, nec non sulphur auratum antimonii tertiae præcipitationis laudat Fr. HOFFMANN. *syst. med. rat.* T. IV. p. 4. §. 6. p. 119. & 120. §. 5.

*** Oleum animale DIPPELII ac moschum laudat CL. WARNER *on the humane eye.* & Cel. LIEVTAUD *Synops. univers. praxeos med.* 1765. *Amst.* P. I. L. 2. S. 2. p. 351.

**** Tentari saltem debet ob eximios in paralysi tollenda effectus. V. *Illustr. WINTRINGHAM Annotationes in MEADII monita & præcepta.*

***** Mercurio dulci felicissime guttam serenam curarunt. ROWLEY *A treatise on the diseases of eyes* p. 150. & *Abhandl. der Schwedischen Akademie.* 30. B. 703. S.

***** V. *Hannöverisches Magazin,* 1774. St. 27.

***** NOOTNAGELL l. c. p. 14. & DRESKY *Diff. de Valeriana officinali Linnei.* Erlangæ. 1776.

12. *Vomitoria.* *

13. *Radix hermodactyli.* **

14. *Tinctura cantharidum.* ***

Medicamenta *martialia* interne adhibita amauroticis
nocent, cum congestionem sanguinis versus ca-
put & oculos augeant.

REMEDIA EXTERNAE adhibenda, sunt:

1. *Balnea frigida.* ****

2. *Capitis, capillis abrasio, frictio,* cum pannis
laneis, succini fumo imbutis, nec non cum
spiritu vini camphorato, colli vertebris si-
mul infricando. *****

3. *Oleum animale Dippelii* oculo instilla-
tum. *****

4. *Balsamus vitæ HOFFMANNI* fronti ac tempo-
ribus applicatus. *****

5. *Sternutatoria.* *****

* *Cel. SCHMUCKER* l. c. Th. I. p. 481. & *Cel. THE-
DEN Bemerkungen.* & *Cel. RICHTER* l. c. p. 80.

** *Illustr. a LINNE materia medica.* p. 45.

*** *Cf. BRISBANE Select. cas. in the practice of me-
decine.*

**** *WARNER* l. c. p. 32.

***** *GENDRON Traité des maladies des yeux.* T.
II. p. 235.

***** *Acta Acad. Elect. Moguntinæ.* T. I. p. 536.

***** *Syst. M. Rat.* T. IV. p. 120.

***** *Cel. RICHTER* l. c. p. 57.

6. *Aquæ calidæ cum fabis coffeeæ tostæ aut cum speciebus cephalicis infusæ vapor.* *
 7. *Halitus volatilis spiritus salis ammoniaci.* **
 8. *Frigio bulbi ocularis. & regionis supraorbitalis.*
 9. *Vis electrica.* ***
 10. *Vis magnetica.* ****
- 2. AMAUROSIS A CONGESTIONE SEROSA,** quæ ab humore seroso vel pituitoso in cerebri cortice, ventriculis, in basi cranii aut circa nervos opticos effuso vel congesto originem habet. Hinc catarrhum male curatum, transpirationem suppressam, depositiōnem pituitosam, apoplexiā serosam, hydrocephalum pro causa habet.

Aggreditur pituitosos, senes & infantes.

Curatio exigit diaphoretica ut decoctum lignorum, antimonium cum roob sambuci. Vinum antimonii HUXHAMI, purgantia, diuretica, vo-

* Conf. HEISTERI, HOFFMANN, LIEVTAUD
libros citatos.

** Cel. SCHMUCKER l. c. B. 2. S. 473.

*** *Medical observations and inquiris.* Vol. V. 1776.
& Cel. RICHTER chirurg. Bibliothek. 4. B. 1.
St. 54.

**** Cel. NOOTNAGEL in *Diff.* citata. p. 23. &
Cel. WEBER von der Wirkung des künstlichen Magnets in einem seltenen Augenfehler an die königliche Societät der Wissenschaften nach Göttingen gesendet.
1767. Hannover.

mitoria, vesicatoria, fonticulos, setacea. His nil proficientibus adhibeantur mox dicta *antamaurotica* interna & externa.

3. AMAUROYSIS AB IMBECILLITATE RETINÆ. Retinæ imbecillitas seu *atonia* inducit cerebri commotione, nimiis studiis ac lucubrationibus, nimio coitu aut manustupratiōne, diuturno microscopiorum usu, subito magnoque splendore in oculum illapso, ac diuturno rei admodum splendidæ aut albæ ut nivis intuitu. Demum oritur a narcoticis aut vapore latinarum oculis diu applicato.

Curatio exigit roborantia. *Externe* balneum oculi frigidum, & vinum ophthalmicum JANINI aut aqua liliorum cum spiritu lavendulæ conductus. *Interne* cortex peruv. cum valeriana detur.

4. AMAUROYSIS EXHAUSTORUM. Sequitur omnem evacuationem, & debilitatem totius corporis, præsertim diarrhæam nimiam, vomitum cruentum, salivationem nimiam, venæfessionem nimis largam præcipue in gravidis.

Curatio exigit cardiaca roborantia, diætam laetam cum cortice peruviano & cascarillæ extracto.

5. AMAUROYSIS AB ENCEPHALO. Sic hydrops cerebri, sanguis in cranio effusus, cerebri induratio, aut aliud vitium circa tha-

lamos nervorum opticorum, amaurosim *incurabilem* facit.

6. *AMAUROSIS A NERVI OPTICI MORBO PECULIARI.* Serum circa thalamos nervorum, aut ipsos opticos nervos aut retinam congestum, mora temporis degenerat in crustas mucosas, terreas, hydatides, steatomata, hygromata. Quandoque nervi optici marcescunt. Omnes hæ causæ ante cadaveris sectionem ignorantur & *amauroses incurabiles* constituunt.

7. *AMAUROSIS PERIODICA*, quæ omni altero vel tertio die ingruit. Hujus causa plurimum in primis viis est, hinc ut febris intermittens purgantibus, salibus digestivis, cortice peruviano & arnica curatur. *

8. *AMAUROSIS FEBRISEQUA*, est illa, quæ febres tum intermittentes tum acutas sequi solet.

Curatur setaceo nuchæ inciso. **

9. *AMAUROSIS A VULNERE SUPERCILI*. Sub curatione vulneris primum oritur. Videtur a crispatura nervi superciliaris ori.

* *Illustr. de STÖRCK ann. med. prim: pag. 76. Cel. PEYE. medical. observ. and. inquiris at Lond. V. I. pag. 3. & Cel. MEDICUS Geschichte Periodisch. Krankheiten I. B. p. 75 - 82.*

** *Abhandlung der königl. schwedis. Akademie. Elfter Band.*

Curatio exigit frictionem loci lœsi frequentiorem
cum vel sine liquore anodyno minerali, aut
spiritu formicarum. *

10. *AMAUROSIS A MORBO SINUS
FRONTALIS.* Noscitur dolore in sinu frontali hærente, aut alio sinus vitio.

Curatio exigit amotionem causæ a sinu frontali. **

11. *AMAUROSIS A CONSENSU OCULORUM.* Quæ ex unius oculi vitio in altero oritur. Sic ab unius oculi amaurosi sensim etiam alter oculus occæcatur. Fonticulus id quandoque præcavet.

12. *AMAUROSIS CONGENITA.* Nascentur quandoque infantes amaurotici, cum autem in his pupilla licet immobilis at non dilatata deprehendatur, hinc cæcitas utplurimum ætate procedente primum animadvertitur.

Curatur aqua ophthalmica ex vitriolo & sapone veneto cum spiritu vini, quo retinæ torpor aufertur.

13. *AMAUROSIS HEREDITARIA.* Seu quæ plures ex eadem familia aggreditur. Hæc species fere semper est *incurabilis*.

* Cel. PLATNER progr. de vulneribus superciliis illotis & Illustr. MORGAGNI epistol. anat. 1764. Epist. 18. p. 356.

** Cel. RICHTER I. c. 54.

14. *AMAUROSIS VENEREA*, quam depositio acrimoniæ venereæ aut tophus orbitæ craniive, nervum opticum premendo, producit.

Curatio exigit antivenerea cum antamauroticis combinata.

15. *AMAUROSIS SCROPHULOSA*, quæ in infantibus scrophulosis a depositione succi scrophulosi ad nervi optici decursum provenit.

Curatio exigit antiscrophulosa & antamaurotica.

16. *AMAUROSIS EXANTHEMATICA*, quæ a morbis cutaneis suppressis oritur. A scabie capitis, achoribus, herpete, varis faciei, & miliaribus retropulsis, amaurosis observata fuit. Huc etiam ulcus subito exsiccatum pertinet.

Curatio exigit expulsionem exanthematis retrogressi, quod vesicatoriis, setaceis, fonticulis, scarificatione, sudoriferis, diureticis, purgantibus, vomitoriis aut insitione vel infectione obtinetur. Dein antamaurotica adhibeantur. Amaurosis ab ulcere exsiccato exigit, ut ulcus renovetur.

17. *AMAUROSIS ABDOMINALIS*, quam causa in abdome latens producit, ut faburra acida, biliosa, pituitosa, verminosa, plumbea. Hæc species familiaris est feminis acido laborantibus, hypochondriacis, colica satur-

nina affectis, iracundia subito commotis, & infantibus verminosis.

Curatio exigit eliminationem saburræ. Hinc ex signis saburræ mobilis vel immobilis, sursum vel deorsum turgentis varia medela indicatur.

Saburra *immobilis* pituitosa tartaro tartarisato & radice ari vel exigua tartari emetici portione mobilis reddatur.

— *sursum turgens* vomitorio.

— *deorsum turgens* purgante eliminari debet.

— *acida* absorbentibus & alcalinis, *bilioſa* cremore tartari & pulpa tamarindorum, *verminosa* anthelminthicis præsertim valeariana curatur, amaurosis *saturnina* emeticis & purgantibus excutitur.

18. *AMAUROYSIS SPASMODICA*, ea est quam spasmus vel dolor oculum idiopathice vel consensualiter afficiens, procreat. Hæc amaurosis oritur a magno *terrore*, a *dolor* vehementi capitis, renum, vel alias partis, vulnera supercilii aut musculi temporalis, dum a morbo *convulsivo*, ut epilepsia, tetano, passione hysterica.

Noscitur ex causis prægressis. Amaurosis *hysterica* ut plurimum temporaria solummodo est.

Curatio exigit opiate, nervina, roborantia, præsertim moschum & valerianam.

19. *AMAUROSIS PARTIALIS*, quando solummodo dimidia retina est amaurotica, facit visum dimidiatum.

Curatur ut amaurosis integra.

20. *AMAUROSIS COMPLICATA*, est ea, quæ cataractæ, myosi, finizeti, synchyti vel aliis morbis ocularibus jungitur. *Noscitur impossibilitate lucem a tenebris distinguendi. Hi morbi sunt incurabiles, si amaurosis non ante aetatem curetur.*

A M B L Y O P I A.

Est visus debilitas sine admodum visibili oculi vitio. *
MYOPES & PRESBYTÆ in certa objecti distantia solummodo confuse vident: *Nyctalopes & hemeralopes* certo diei tempore tantum male vident, at *amblyopes* in quavis distantia & quovis diei tempore objecta debiliter discernunt.

CAUSA PROXIMA amblyopiæ *idiopathicæ* est retinæ minor sensitivitas, amblyopiæ autem *symptomatice* sedes est, vel in *cornea*, vel in *humore aquo*, vel in *pupilla*, vel in *lente crystallina*, vel in *humore vitreo*.

Hinc sequentes SPECIES amblyopiæ constitui possunt:

I. *AMBLYOPIA A CORNEÆ NUBE*, qua tota cornea vel solummodo pars quædam obscuratur. Puncta opaca plurimis radiis tran-

* Dicitur etiam *visus hebetudo*.

situm denegant, hinc radii nimis pauci ad retinam pervenient.

Curatio exigit ablationem nubis. V. *Maculae corneæ & obscuratio corneæ.*

2. *AMBLYOPIA A CORNEÆ HUMIDITATE*, ut in epiphora contingit. Aqua corneæ adhærens radios confuse refringit.

Curatur ablata humiditate. V. *Epiphora.*

3. *AMBLYOPIA A CORNEÆ SICCITATE.* Sicca enim cornea pulverulenta & turbida evadit.

Curatur hæc species humectatione corneæ. V. *Scheroma.*

4. *AMBLYOPIA A TURBIDITATE HUMORIS AQUEI.* Hic enim ut turbida cornea nimis paucos radios transmittit.

Curatur restituta humoris aquei pelluciditate. V. *Turbiditas humoris aquei.*

5. *AMBLYOPIA AB HUMORIS AQUEI IMMINUTA QUANTITATE.* Sic enim cornea aliquantum contrahitur & pelluciditatem amittit.

Curatur restituto humore aqueo. V. *Atrophia oculi & rhytidosis corneæ.*

6. *AMBLYOPIA AB ABUNDANTIA HUMORIS AQUEI*, ut in incipiente hydrophthalmia observatur. Sic enim focus radiatorum jam ante retinam formatur. De cura-
tione hujus vitii V. *Hydrophthalmiam.*

7. *AMBLYOPIA A MYOSI PUPILLÆ,*
hæc enim nimis coarctata nimis paucos trans-
mittit radios. De curatione V. *myosim.*
8. *AMBLYOPIA AB INCIPIENTE CA-*
TARACTA, opacari incipiens lens vel ejus
caspula non sufficientes radios transmittit. V.
Cataracta.
9. *AMBLYOPIA AB INCIPIENTE GLAU-*
COMATE. Idem hic fit ac in cataracta. V.
Glaucoma.
10. *AMBLYOPIA AB INCIPIENTE A-*
MAUROSI, in hoc enim morbo retina in-
sensibilis fieri incipit. De curatione V. *amau-*
rosim.
11. *AMBLYOPIA A TOPICA RETINÆ*
ATONIA. Causæ quæ hanc retinæ debilita-
tem generant, sunt, malum *hæreditarium.*
Solis, lunæ, ut astronomi solent, vel ignis
longus *intuitus.* Visus nimium *intensus* ut ac-
cidit, qui objecta minuta diu tractant, noctu
multum scribunt, aut ad lumen perpetuo le-
gunt, & *veneris abusus,* qui oculos & ventri-
culum præprimis debilitat.

Hæc amblyopia species non raro transit in amau-
rosim.

Curatio exigit, 1 ut causæ morbi evitentur 2 ut
lumen validum arceatur, ut oculus externis
& internis medicamentis roboretur.

Retina robatur :

1. *Abstinentia a luce*, hinc illi qui diu carceribus obscuris includuntur, legere & scribe-re in tenebris discunt.
2. *Tubis nigris*, qui lucem superfluam ar- cent. *
3. *Per spicillis planis viridibus*, hæc lumen mo- derantur.
4. *Mora in cubili*, quod ab una solum fene- stra lumen habet, & viridibus ornatum est parietibus. Color enim viridis oculum ro- borat.
5. Flamma lampadis vel luminis *umbraculo vi- ridi* tegatur. Umbracula, quæ nimiam lu- cem reflectunt, ut *Segnerianum*, eviten- tur.
6. Pro labore & lectione *vitrum viride* magnum adhibetur, saepius æger a lectione abstineat & parietem viridem inspiciat. **
7. *Externe applicetur vinum ophthalmicum JA- NINI **** vel aqua stillatitia salviæ, men- thæ aut fœniculi ad uncias aliquot cum toti-

* BOERHAAVE *trad. de morbis oculorum.* Goet. 1750.
pag. 175.

** Experientia docet colorem viridem oculo magis pro- desse quam nigrum, color enim viridis sensim vide- tur tensionem retinæ minuere, niger autem color il- lam subito & penitus relaxat.

*** *Cel. JANIN l. c. p. 395.*

dem drachmis spiritus anthos, vel spiritus vini camphorati, & aliquoties balneum frigidum oculi adhibeatur.

8. *Interne detur cortex peruvianus cum radice valerianæ sylvestris.*

Curatio palliativa obtinetur usu *perspicillorum utrinque conyexorum*, seu *biconvexorum*: horum enim ope radii collecti fortius retinam afficiunt.

12. *AMBLYOPIA A DEBILITATE TOTIUS SYSTEMATIS NERVEI*, ut post magnas evacuationes & in convalescentibus a morbis acutis, observatur.

Curatio exigit cardiaca nutrientia & roborantia.

13. *AMBLYOPIA SENILIS*. Multiplex est hujus amblyopiæ causa. Retina insensilior, lens flavescentia, cornea turbidior.

Pro *curatione palliativa*, aqua liliarum cum spiritu anthos commendatur.

Curatio radicalis est impossibilis.

O X Y O P I A.

Est visus consueta videndi facultate acrior.

Visi fuere homines, qui de die stellas in cœlo videre poterant.

CAUSA PROXIMA est præternaturalis retinæ sensitivitas.

SPECIES sunt:

1. *OXYOPIA INCARCERATORUM*, qui diu in carceribus obsecuris detinentur, scribere & legere in tenebris discunt.
2. *OXYOPIA AB INCIPIENTE AMAUROSI*. Hæc species quandoque amauroseos prodromus est. *

Curatio exigit antamaurotica. V. *Amaurosis*.

3. *OXYOPIA PLURIUM OBJECTORUM*.
Est visus vitium, quo ægrotus simul duo vel tria objecta diversa clarissime videt. Ratio phænomeni vel in abolitione poli visorii retinæ est, vel plura loca retinæ adeo sensilia, ut populous visorius retinæ evadunt.

Hinc differt hæc oxyopiæ species a diplopia: in hac enim æger unum objectum bis vel ter videt. V. *Diplopia*.

Curatio radicalis non patet, *palliativa* autem exigit tubum, qui objecta lateralia arcet: visio enim plurium objectorum viuum reddit confusum.

NYCTALOPIA seu CÆCITAS DIURNA.

Est visus vitium, quo ægroti de die parum vel nihil, ve peri autem ac nocte sat bene vident. **

* Cel. NOOTNAGELL l. c. p. 3.

** *Illustr. HALLERI Elem. physiol.* T. V. p. 490. & *Cl. ROHDE Diff. de nyctalopia, visu simplici & duplici.* Jenæ 1774.

CAUSA PROXIMA est varia.

SPECIES sunt:

1. *NYCTALOPIA AB AMAUROSI PERIODICA*, si paroxysmus mane incipit & circa vesperas definit.

Curatio exigit vomitoria, purgantia, vesicatoria & ultimo corticem peruvianum cum valeriana.

2. *NYCTALOPIA A NIMIA RETINÆ SENSITIVITATE*, quæ lucem meridianum non fert. V. *Photophobia*. *

3. *NYCTALOPIA A MACULA OPACA IN MEDIETATE LENTIS CRYSTALLINÆ*. Cum lux meridiana pupillam coarctat, adeſt cœcitas; cum autem circa vesperas aut in loco obscurato pupilla dilatetur, hinc radii per limbum adhuc pellucidum lentis crystallinæ tranſeunt.

Curatio exigit depressionem vel extractionem lentis crystallinæ.

4. *NYCTALOPIA A DESUETUDINE LUCIS*. Sic qui ex obscuris carceribus educuntur, statim in luce meridiano nil vident, at sensim iterum luci affuescant.

* Non repugnat, quod hi homines ad lumen candelæ aut lunæ videant. Solis enim vis ad lumen candelæ est ut 11664. ad 1. & ad lumen lunæ in plenilunio ut 374000. ad 1.

5. *NYCTALOPIA A MYDRIASI IMMOBILI.* Hic enim pupilla nimiam lucis quantitatem admittit, quam immobilis moderari nequit, hinc ægri a nimia luce nil vident.

Curatio palliativa exigit perspicilla viridia. De curatione radicali. V. *Mydriasis*.

6. *NYCTALOPIA A NIMIA PUPILLÆ COARCTATIONE.* Hæc non sufficientem radiorum copiam admittit, cum circa vesperas autem hæc coarctatio remittat, hinc eo tempore melius vident. Hæc coarctatio quandoque inflammatoria, quandoque spastica est.

Curatio exigit vel antiphlogistica, vel antispa-
smmodica. V. *Myosis*. Fomentum ex radice altheæ, aut floribus malvæ & hyosciami laudatur.

7. *NYCTALOPIA ENDEMICA*, integræ gentes nyctalopes sunt, ut leucæthiopes, Afri- cani, Americani & Asiatici, toto enim die oculi eorum lacrumentur, noctu primum re- ðe vident. *

8. *NYCTALOPIA AB OCULI COMMO-
TIONE.* Inde homo de nocte omnia objecta distincte videre potuit. **

* *Illustr. HALLER* l. c. T. V. pag. 490. & *ROHDE Diff. citata*.

** *Miscellanea A. N. C. Dec. I. Ann. I.* Homo chor-
dam fidium tensurus, rupta chorda sibi oculum vehe-
menter contundebat, oculus inflammabatur, æger de-

HEMERALOPIA seu CÆCITAS CREPUSCULARIS.

Est visus vitium, quo ægroti de die bene, ad lucem autem crepuscularem ut mane & ad vesperam, jam parum vel nil vident.

SPECIES sunt:

1. *HEMERALOPIA AB AMAURSI INCIPIENTE*, in qua æger lucem meridianam adhuc, crepuscularem autem vel lumen candelæ non amplius sentit. Imo omnis *amblyopia*, si vehemens, est hemeralopiam simul causat.

Curatur ut amaurosis.

2. *HEMERALOPIA AB AMAUROSI PERIODICA*, cuius paroxysmus circa vesperas incipit & adulta jam die desinit.

Curatur purgantibus & dein dato cortice pertv. cum valeriana.

3. *HEMERALOPIA A TRANSPIRATIONE SUPPRESSA OCULI*. Forsan retina humore transpirabili inundatur magis circa vesperas, quia aer frigidior quam de die.

nocte minimas lineas imaginum & litteras libror. distinguebat, clauso oculo ægroti autem nil videbat, nec diei, nec candelæ lucem de nocte ferre potuit, hicce morbus post aliquot dies evanuit.

Curatio exigit evacuantia ac præsertim diaphoretica antimonialia. *

4. *HEMERALOPIA ENDEMICÀ.* In China & Barbados, tum in Maldiviensibus, & Moluccis insulis, in Mosambica, Brasilia, ac in Polonia frequens est malum.

M Y O P I A.

Est difficultas objecta paullulum dissita distincte vivendi. *

Myops nempe censetur qui ultra 20 pollices non distincte videt. Datur myopia 3 — 6 — 9 — pollicum.

CAUSA PROXIMA est adunatio radiorum in focum jam ante retinam.

SPECIES sunt:

I. *MYOPIA A CORNEÆ NIMIA CONVEXITATE.* Causa hujus convexitatis est vel a nativitate, vel a majori aquei humoris secretione, hinc uno die major quam altero myopia esse potest, hinc incipiens hydrophthalmia origo myopia.

Curatio ab ætate & evacuantibus speratur.

* RICHARD DE HAUTESIERCK *Recueil d' observations de Médecine des Hôpitaux I. 2. &c Cel. WEIZ neue Auszüge aus Dissertationen für Wundärzte. 6. B. 50. S.*

** Illustr. HALLERI *Element. physiol.* T. V. p. 496. & *Hamburg. Magazin* T. 23. p. 279.

2. MYOPIA A NIMIA LONGITUDINE

BULBI. Hæc longitudo vel *nativa* est vel *aquisita* ob humorum congestionem in oculos, inde artifices in minutis operibus occupati, ut sigillorum sculptores, & homines multum legentes, frequenter post adolescenciam iterum myopes fiunt. Hi *curantur abstinentia* ab artificiis cominus laboriosis.

3. MYOPIA A NIMIA CONVEXITATE

ANTERIORIS SUPERFICIEI IN LENTE CRYSTALLINA. Etiam hoc vitium a nativitate est.

Radii paralleli, qui incidunt in corneam, eo obliquius incident, quo cornea vel lens, vel humor vitreus in anteriori superficie est convexior. Sed angulus refractionis est angulo incidentiæ æqualis, ergo angulus refractionis eo citius in focum formabitur, quo convexior est cornea, vel lens.

4. MYOPIA A DENSITATE MAJORI

CORNEÆ ET OCULI HUMORUM.

Experimenta optica docent, eo citius radios in focum cogi, quo corpus diaphanum est densius.

5. MYOPIA A MYDRIASI. Nam quo latior

apertura diaphragmatis in optico instrumento est, eo propior est focus.

6. MYOPIA INFANTILIS. Infantes ob

corneam convexiorem sunt myopes, sed paulatim, dum adolescent, remotiora etiam vident.

Curatio myopiæ radicalis ab ætate ut in infantibus speratur.

Curatio myopiæ palliativa obtinetur inspiciendo per *tubos denigratos* absque vitris ullis, aut per *exiguum foramen chartæ* & per *per-spicilla concava*.

P R E S B Y O P I A.

Est visus vitium, quo objecta proxima confuse, remota vero distinctius videntur. *

Uti *myopia* infantibus sic *presbyopia* senibus commune est vitium.

CAUSA PROXIMA est senior radiorum adunatio in focum, ut hic ultra retinam cadat.

SPECIES sunt:

1. *PRESBYOPIA A CORNEÆ PLANITIE.* Quo planior est cornea eo minus & tardius refringit radios in focum. Hoc vitium oritur 1 a *penuria humoris aquei & vitrei*, quæ senio vel alio morbo inducitur, 2 a *cicatrice*, quæ cornea convexitatem minuit, 3 a *nativa conformatio-ne corneæ*.

2. *PRESBYOPIA A LENTE CRYSTAL-LINA NIMIS PLANA.* Etiam hoc vitium a senio, mala conformatio-ne, vel tabe lentis crystallinæ oritur.

* *Illust. HALLERI Elem. physiol.* T. V. p. 501.

3. *PRESBYOPIA A NIMIA BULBI BREVITATE.* Sic enim distantia inter corneam & retinam redditur brevior, quam focus est.
4. *PRESBYOPIA A MINORI DENSITATE CORNEÆ vel HUMORUM OCULI;* quo enim hæ partes sunt rariores, eo minus refringunt radios. Qui ex hac causa sunt presbyopes, hi senili ætate curantur, senium enim majorem inducit densitatem cornea, & ipsius lentis. Ex ejusmodi emendatione factum esse videtur, ut subinde presbyopes sponte convaluerint, & vitra convexa abjecerint, quibus juniores egebant.
5. *PRESBYOPIA A CONSUETUDINE OBJECTA REMOTA CONTINUO INSPICIENDI.* Inde artifices, qui in remotis objectis occupantur, id vitium sibi contradere dicuntur; ratio phænomeni latet.
6. *PRESBYOPIA SENILIS.* Ex multiplici causa senes fiunt *presbyopes*, ob humorum in senio penuriam cornea atque lens crystallina fit planior & bulbus brevior. Cum autem in senio ex ipsa senili siccitate bulbus oculi brevior & cornea planior fiat, hinc qui antea myopes fuerunt, nunc in senio recte vident & vitris concavis non amplius indigent.
7. *PRESBYOPIA A NIMIA OBJECTORUM PROXIMITATE,* objectorum disitorum focus est brevior, propinquorum autem est longior.

8. *PRESBYOPIA A PUPILLA COARCTATA*, quo angustior est apertura dia phragmatis in tubo optico, eo remotior est focus.

Curatio radicalis est impossibilis, nisi ætate cu retur. Curatio autem palliativa perspicillis convexis, obtinetur. Hæc enim radios ita refringunt, ac si ex punto longinquo venirent.

9. *PRESBYOPIA MERCURIALIS*, quæ ab usu mercurialiū præparatorum oritur, ægrotus sentit dolorem pressorum in oculo, qui ab attractu augetur, bulbus oculi rigidus quasi est, & difficulter ad latus moveri potest. Objecta vicina æger penitus non videt, dissipata autem confuse.

Multi hunc morbum pro amaurosi imperfecta habent.

Curatio exigit fomenta ex foliis malvæ & vapo rem aquæ, venæctionem in pede, & pul pam cassiæ cum sero lactis. Quando dolor in oculo cessat, temporibus emplastrum de tamahaka applicetur, & per aliquot septima nas mane & vesperi aliquoties scintillæ electriæ ex oculo extrahantur. Visu penitus redeunte aqua frigida oculi roborentur. *

* MARAT. on a singular. disease of the eyes. Lond. 1776. & RICHTERS chirurg. Bibliothek 4. Band. I. Stück.

HEMIOPSIA seu VISUS DIMIDIATUS.

*Et oculi vitium, quo ægrotus objecti partem medium
seu non integrum videt.*

*P*E^CI^ES hujus mali sunt:

1. *HEMIOPSIA A MACULA DIMIDIÆ CORNEÆ, vel DIMIDIÆ LENTIS.*
Radiorum enim pars media in loco opaco suffocatur.

Curatio exigit, ut corneæ opacitas afferatur,
vel ut lens opaca extrahatur. V. *Maculas
corneæ.*

2. *HEMIOPSIA AB AMAUROSI DIMIDIÆ RETINÆ.* Si nempe focus partim
retinæ paralyticæ partim sanæ illabitur.

Curatio exigit amotionem causæ, quæ amaurosim facit. V. *Amaurosis.*

3. *HEMIOPSIA NERVEA,* quæ in nervo
optico sedem habere videtur.

Curatur medicamentis nervinis, & purgantibus
interpolatis. *

* *Cel. ABRAH. VATER in Diff. de duobus visus vitiis,
altero duplicato, altero dimidiato. 1713. Wittembergæ.* Tres casus morbi memorat. Religiosus cum tenuissimo vicin tempus quadragesimale celebraret, subito vehementer capit is dolore obrutus, brevi post oculorum acie hebetata, tandem visu a latere ita amiso, ut nomen, ex pluribus syllabis combinatum, non nisi capite & oculis, quamlibet syllabam seorsim se-

MYODESOPSIA seu VISUS MU- SCARUM.

Est oculi vitium, quo agrotus *punctum nigrum*, quod muscae, araneae vel floccis nigris simile censet, ante oculum videt. *

Hoc punctum nigrum volitare videtur, quando agrotus oculum movet, & fixum manet, si oculus figitur. Homines, qui visum acriorem habent, & in luce serena constituuntur, praesertim his myodibus seu floccis nigris affici solent.

CAUSA PROXIMA est punctum opacum in quodam retinæ loco; seu ab humore opaco in vase quodam retinæ hærente, aut in retinæ ipsius superficie effuso vel a vase varicoso retinam premente.

SPECIES sunt :

1. *MYODESOPSIA A PUNCTO OPACO RETINÆ.* Quæ species amaurosis partialis est, ac non raro in amaurosim totalem transit.

Caratur ut amaurosis.

quentibus, legere potuerit. Pariter inter duos vel plures ambulantes, junctim sociatos, unum solum e directo stbi obvium vedit. Speculum inspiciens dimidium saltem oculi & pupillæ representari semper observavit V. *Miscellaneæ N. C. anni V. VI. obs. 107.*

* Derivatur a μύω & οψίᾳ visio.

2. *MYODESOPSIS SANGUINEA*, quæ a congestione sanguinis in vascula quædam retinæ oritur. Hæc species in phrenitide, in plethoricis, a solis æstu, a menstruis vel hæmorrhoidibus suppressis, & a capite diu antrorsum inclinato, observatur.

Curatio exigit venæsectionem, revellentia & externe repellentia, ut aquam frigidam oculo applicatam. *Myodes* phreniticorum larga narium hæmorrhagia optime solvuntur.

3. *MYODESOPSIS AB ATONIA RETINÆ*, quæ a lectione nimia, a lucubratione, telescopiorum vel microscopiorum frequenteri usu, aut a vehementi foco radiorum in retinam illapso, oritur.

Curatio exigit remotionem causæ, applicacionem fomenti ex aqua frigida, & interna roborantia ut corticem peruvian. cum valeriana. Supercilio infricetur liquor anod. m.

4. *MYODESOPSIS AB OCULI CONTUSIONE*, qua forsan guttula alicujus humoris in retina effunditur.

Curatur venæsectione & fomentis discutientibus. *

* Sunt authores, qui purant, myodes in oculo excitari a puncto opaco crystallinæ lentis, vel a macula in cornæ, vel a corpusculo in humore aqueo volitante; at optices regulas qui attentius considerat, facile comperiet, imagines rerum, in oculo ante retinam

VISUS RETICULARIS.

Est oculi vitium, quo ægrotus umbras ramosas reticulo tenui, aut telæ aranearum similes, videt.

CAUSA PROXIMA est turgescientia vasculorum retinam perreptantium, & illam prementium.

SPECIES sunt:

1. *VISUS RETICULARIS A CONGESTIONE SANGUINIS IN RETINAM.*

Sic cohibita inspiratione, aut capite diu antrosum inclinato, pro libitu possumus nobis procurare visum reticulatum. Hæc species fugax est & evanescit remota causa.

2. *VISUS RETICULARIS PERMANENS,* qui constanter adest. In hac specie videntur vasa retinæ ob retinæ atoniam constanter turgere.

Curatio exigit fomenta roborantia vel aquam frigidam externe oculo applicatam: *interne* cortex peruv. cum valeriana detur.

sitarum, prorsus extra oculum projici, nunquam in oculo depingi. Corporis enim radiantis & a crystallino humore, tres semidiametros hujus lentis cum semisse distantis, nulla pingitur in retina imago, cum igitur cornea in nullo oculo distet a lente crystallina tribus ejusdem semidiametris cum semisse, hinc nulla supra corneam cicatrix, aut corpus in humore aqueo volitans, neque macula in lente crystallina percipitur a retina. Hæ causæ visum debiliorem seu amblyopiam, non autem myodesopsiam causare valent.

VISUS NEBULOSUS.

Est oculi vitium, quo ægrotus per nebulam vel linteum vel tenebras quasi se objecta videre opinatur.

CAUSA PROXIMA est vel denegatus transitus sufficiens quantitatis radiorum, vel insufficiens sensilitas retinæ.

SPECIES sunt :

1. *VISUS NEBULOSUS AB INCIPIENTE CATARACTA*, quæ jam paucissimos radios ad retinam transmittit. Exigit curationem cataractæ.

2. *VISUS NEBULOSUS AB INCIPIENTE AMAUROSI*, quando retina jam fere insensibilis, vix radiis lucis amplius afficitur.

Curatio exigit curam amauroseos.

3. *VISUS NEBULOSUS A LEUCOMATE CORNEÆ*; per loca opaca non requisita radiorum copia, quæ visui claro sufficeret, transit. De curatione V. maculas & obscurationem corneæ.

4. *VISUS NEBULOSUS A TURBIDO HUMORE AQUEO*. Sic pauci radii hunc liquorem transfere possunt.

Curatio exigit, ut humor hicce clarus reddatur vel emittatur. V. Turbiditas.

5. *VISUS NEBULOSUS AB INCIPIENTE GLAUCOMATE.* Idem contingit, si humor vitreus opacus fieri incipit.

Curatio est raro possibilis. V. *Glaucoma*.

6. *VISUS NEBULOSUS AB INCIPIENTE ANIMI DELIQUIO.* Quibus animi deliquum imminet, his visus non solum nebulosus, sed tandem *tenebricosus* evadit, ob cef-
santem liquidi nervae motum in retina.

Curatur evanido animi deliquio.

7. *VISUS NEBULOSUS AB ATONIA RETINÆ*, quæ insensilis aliquantum evadit: de causis & curatione hujus speciei, V. *Amblyopia* a debilitate retinæ.

8. *VISUS TENEBRICOSUS AB INGESTIS VENENIS*, quæ per consensum e ventriculo in retinam agunt.

Curatio exigit emetica.

METAMORPHOPSIA seu VISUS DE- FIGURATUS.

Est vitium oculi, quo ægrotus figuras objectorum mutatas videt. *

SPECIES sunt:

1. *METAMORPHOPSIA AUCTA*, quando ægroto objecta majora, quam revera sunt,

* *Metamorphosis* est figuræ mutatio, *figura* est limes extensi. Hinc species hujus morbi a figuræ magnitudine & circumscriptione mutata constituo.

apparent. Id a myopia, a saburra primarum viarum, a morbo nervorum originem habere potest.

2. *METAMORPHOPSIA DIMINUTA*, quando objecta minora quam revera sunt, videntur. Etiam hæc species a saburra primarum viarum oriri visa est. *

Curabatur vomitorio & purgante.

3. *METAMORPHOPSIA NUTANS*. Vertiginosis, ebriis, & morbo nerveo affectis objecta titubare videntur. Quandoque saburra primarum viarum aut transpiratio suppressa origo mali est. Hinc *curatio* juxta causas instituatur.

4. *METAMORPHOPSIA TORTUOSA* seu *FLEXUOSA*, quandoque omnes res apparent flexuosa seu tortuosa. Causa hujus mali vel in nervis vel in primis viis est. Hinc pro curatione vel evacuantia vel antispasmodica adhibe. **

* LENTIN *Observat. fascicul. II.*

** Illustr. Medico Narbonensi octogenario per aliquot dies omnia objecta inflexa seu flexuosa vel in alterutrum latus nutantia apparebant, ita ut homines obvii viderentur ipsi trunco, cruribusque tortuosi, simulque in alterutrum latus declinantes & ad lapsum proni, quos ideo prima vice monebat, aut sustentare conabantur; evanuit hic affectus, remansit vero visus solito obscurior. V. Illustr. SAUVAGES *Nosol. method. T. II. p. 190.*

5. *METAMORPHOPSIA INVERSA*, quando ægroti omnia objecta, inversa apparent. *
6. *METAMORPHOPSIA IMAGINARIA*, est rei non præsentis visio ut in delirantibus, maniacis, & visionariis quandoque observatur.
Curatio exigit ablationem morbi, a quo visio imaginaria oritur. **
7. *METAMORPHOPSIA AB IMPRESSIONE REMANENTE*. Sic qui attente præfertim in magna luce objectum intuetur, diu adhuc objectum sibi præsens videt.

CHRUPSIA seu VISUS COLORATUS.

Est oculi vitium, quo ægrotus objecta alieno colore tintâ, vel colores varios iridi vel pavonis caudæ similes videt. ***

* Exemplum, ubi omnia morbose inversa apparuerunt, habet *Illustr. SENNERTUS Praxe med. L. I. c. 3. S. II.* Archiater Dresdensis cum in bibliotheca scalam ascendendo, oculos nimis sursum converteret, subito animadvertisit, omnia se se plane inversa videare. Duravit hæcce miranda oculorum affectio per anni quadrantem, donec eodem casu, quo venerat, rursus evanesceret, cum iterum nimirum casu aliquando oculos valde attolleret.

** Cel. DELII *Diff. phantasmatæ ante oculos voluntaria.* Observavit V ALSALVA hominem, qui continuo præ oculis palatia pulchre decorata & colorata sibi adversari videbat.

*** χρυσία derivatur a χρυσα color & φύα visio.

CAUSA PROXIMA est color alienus in retina, vel pressio retinæ, quæ irritationi similis est, quam focus coloris in retina excitat.

SPECIES sunt:

1. *CHRUPSI A ICTERICORUM*, quibusdam ictericis omnia objecta apparent flava. *
Curatio exigit sanationem icteri.
2. *CHRUPSI A SANGUINE EFFUSO*.
Sic crux in oculi cameris & circa retinam effusus objecta rubro colore tingit.
Curatio exigit venæsectionem purgantia & fermentum discutiens.
3. *CHRUPSI A FRICTIONE VEHEMENTI OCULI, PRÆSERTIM IN TENEBRIS*. Notum est inde pavonios excitari colores, qui sensim evanescunt.
4. *CHRUPSI A FEBRILIS*. Ægroti, qui febre pestilentiali decumbebant, irides videbant. **

* Dico ictericis *quibusdam*, non enim omnes objecta vident flava. *Cel.* DURAZZINI oculos icterici, cui objecta videbantur flava, dissecuit, huic retina, omnes oculi membranæ, atque lens crystallina humore flavo erant tincta. In aliis icterici cadavere, cui objecta non flava apparebant, præter capsulam lentis nil flavescerbat in oculo. V. TORGIONI *raccolta di opusculi medico-practici*. T. I.

** *Cel.* BOYLE *de coloribus* p. 18. & *Illustr. HALLERI Elementa physiolog.* T. V. p. 528.

3. *CHRUSIA AB INSPECTIONE SOLIS.*

Imago prima est lucidissima, sed hæc inde in rubram, flavam, cæruleam & nigram degenerat ac evanescit.

6. *CHRUPSIAS AB IMPRESSIONE PERMANENTE.* Sic qui diu pannum ruberrimum intuetur, & oculum subito avertit, diu adhuc rubedinem percipit.7. *CHRUPSIAS NERVEA.* Ex terrore quandoque omnia viridescunt, vel cærulescunt. Quandoque delirium, quandoque saburra ventriculi causa hujus mali est.

Curatio exigit amotionem harum causarum.

8. *CHRUPSIAS A MISCELA RADIORUM COLORATORUM EXTRA OCULUM.*
Si quis perspicillum, cuius unum vitrum cæruleum, alterum rubrum est, naso apponit, & lumen aspicit, tunc videt flammatum violaceam. * Sic ab incenso in tenebris sulphure omnes adstantes viride pallescere videntur.**PHOTOPSIA seu VISUS LUCIDUS.**

Est oculi vitium, quo ægrotus radios, vel lineolas igneas, vel scintillas, aut corruscationes vident. **

* JANIN *Beobachtungen über das Auge.* S. 88.

** HIPPOCRATI dicitur marmaryge.

CAUSA PROXIMA harum visionum lucidarum esse videtur pressio retinæ, adeo valida, ut similis sit pressioni, quam focus lucis naturalis in retina excitat, id docent causæ lucem imaginariam excitantes.

SPECIES sunt :

1. *PHOTOPSIS A PERCUSSIONE OCULI.*

Id vulgatissimo experimento notum est, dicunt percussi ignem ex oculo exsilire.

2. *PHOTOPSIS AB AFFECTIONE NERVÆA.*

Fulgura ante tetanum, ante epilepsiam, aut alias morbos spasmodicos, huc refero.

Curatio exigit ablationem morbi spasmodici.

3. *PHOTOPSIS A CONGESTIONE SANGUINIS IN RETINAM vel NERVUM OPTICUM.*

Hinc a tussi, vomitu, sternutatione, vertigine, ante amaurosim & apoplexiā observata fuit; hinc a menstruis vel hæmorrhoidibus suppressis oritur.

Curatio exigit venæsectionem, purgantia, revellentia.

Externe aquam frigidam.

4. *PHOTOPSIS A LABORE IN CORPORIBUS MINUTIS.*

Id de sutricibus phrygiis atque de lucubratione nimia affirmatur. Et hæc species a sanguinis congestione oriri videtur. Labor enim talis oculum irritat & irritatio attrahit.

Curatio hinc eadem, ut in specie priori.

5. *PHOTOPSIS AB EVIGILATIONE NOCTURNA.* Quibusdam has scintillas imaginarias adeo fuisse vividas referunt scriptores, ut etiam noctu aliquot secunda durarent, & ad videnda objecta sufficerent. *

6. *PHOTOPSIS A LACRUMATIONE.* Quorum oculi lacrumis madent, hi lucidos vident radios, quia radii lucis in lacrumis prius flectuntur antequam corneam transeunt. Hæc species abstensis lacrumis evanescit.

S T R A B I S M U S.

Est oculi vitium, quo ægrotus objecta, oculum unum vel utrumque ab axi visus distorquendo, intuetur. **

Hæc oculi distorsio vel *sursum* vel *deorsum* vel *extrorsum* vel *introrsum*, in uno vel utroque oculo observatur, vel distorsio oculorum est *inæqualis*, adeo ut oculorum unus terram, alter cœlum aspiciat.

EFFECTUS strabismi sunt non solum deformitas oculorum sed etiam visus debilior in dijudicandis corporibus dissitis & diplopia, præsertim morbo incipiente.

* Si hæc pars historiæ vera est, dicit *Illustr. HALLE-RUS Elem. physiol.* T. V. p. 527.

** *Cel. BUFFON sur la cause du strabisme ou des yeux louches.* in *Mem. de l' Acad. des sciences.* 1743.

SPECIES strabismi sunt :

1. *STRABISMUS NE UNATORUM.* Omnes infantes neunati oculos distorquent, ast successu temporis observant, objecta distinctius videri ambobus oculis, ad ea directis, quæ directio illis sensim naturalis evadit. *
2. *STRABISMUS A PRAVA CONSUE-TUDINE INFANTUM DUO OB-JE-CTA SIMUL INTUENDI.* Sic infans in cunis inter duo objecta, quæ valde amat, locatus, si ex uno latere speculum v. g. vel fenestram & ex altero latere nutricem perpetuo aspicit, facile strabismo afficitur.
3. *STRABISMUS EX DISTORSIONE UNIUS MUSCULI BULBI.* Infantes, qui in naso verrucam, vel aliud vitium habent, vi oculum perpetuo distorquent, ut hoc

* Cel. PETIT *Diff. sur la vue des enfans. Mémoires de l' Acad. de Paris. 1727.*

vitium aspicere possint, unde sensim strabones evadunt.

Curatio exigit roborantia externa ut fomentum ex vino & spiritus camphorati aliquot guttulis.

4. *STRABISMUS AB AMBLYOPIA* vel *MYOPIA UNIUS OCULI*. Sic si sinistralis oculus non videt ultra semipedem & dexter ultra pedem, tunc objecta unico dextro oculo aspicere asuescimus & debilem oculum negligimus, Idem observatur in hominibus, qui unius oculi cæcitatem laborant; *Cæcus* enim oculus a sano divergit. In ambobus oculis cæci in utroque oculo strabones sunt.

5. *STRABISMUS A SPASMO UNIUS MUSCULI BULBI*. Tunc bulbus versus musculum spasmo affectum trahitur, & immobilis manet. *Causa* hujus spasmī esse potest a sanguine primarum viarum, a malo hysterico vel hypochondriaco, a terrore, ab oculi punctura.

Curatio hinc exigit ablationem causæ.

6. *STRABISMUS RHEUMATICUS*, qui a rheumatismo musculi unius bulbi oritur; noscitur dolore rheumatico sub bulbi motu.

Curatur purgantibus & antirheumaticis.

7. *STRABISMUS A PARALYSI UNIUS MUSCULI BULBI*. Sic musculus antagonista fortior factus se ex opposito latere contrahit. Si vero omnes bulbi musculi paralysi

afficiuntur, tunc bulbus immobilis manet & cum motu oculi sani non correspondet.

Causæ hujus paralysis sunt capitis vel oculi confusio, incipiens apoplexia, prægressa epilepsia, quæ quandoque paralysim relinquit, vulneris nervi ocularis.

Curatio exigit antiparalitica, ut arnicam, eletricum ignem, nervina externe & interne applicata.

8. *STRABISMUS A BULBI UNIUS IMMOBILITATE.* Sic enim bulbus immobilis motui bulbi mobilis respondere nequit.

Causæ, quæ bulbum reddunt immobilem, sunt bulbi concretio cum orbita ob pinguedinem orbitalem suppuratione consumptam, vel tumor ossenus, aut cysticus, qui bulbum ad latum premit. Longa muscularum quies, quæ contractilitatem muscularum causat, ut si oculus longo tempore firmiter deligatur.

Curatio exigit amotionem causæ; si hæc amoviri nequit strabismus est incurabilis.

9. *STRABISMUS ENDEMIUS.* Omnes ferre incolæ Asiae æquinoctialis strabones & nyctalopes sunt, hi interdiu album oculi tantum ostendunt, pupillam autem sub palpebris recordunt, ne a radiis solis, quos arenosum solum reflectit, lœdantur.

10. *STRABISMUS SYMPTOMATICUS*, ut qui symptoma est hydrocephali interni,

epilepsia, tetani, & morientium. Omnes hi strabismi sunt lethales.

LUSCITAS seu VISUS OBLIQUUS.

Est oculi vitium quo ægrotus objecta non directe sed oblique solummodo videre potest.

Diffrerit luscus a strabone, luscus enim oculum non distorquet.

SPECIES luscitatis sunt:

1. *LUSCITAS A LEUCOMATE IN MEDIE TATE CORNEÆ.* Cum ægrotus radios objecti, qui ad medietatem corneæ per- gunt, videre non possit, hinc cogitur ut ob- jectum oblique aspiciat.

Curatio exigit curationem leucomatis. V. Ma- culas corneæ.

2. *LUSCITAS A LENTIS CRYSTALLINÆ SITU OBLIQUE.* In hoc casu radii a lente crystallina oblique franguntur, hinc non in medietatem retinæ, sed ad latus inci- dunt, ideo ægrotus luscitare cogitur.

Causæ, quæ lentis situm mutant, sunt mala conformatio, vulnus capsulæ crystallinæ, vel processuum ciliarium, commotio capitis vel oculi.

Signum diagnosticum hujus vitii est, quod pu- pula seu imago insipientis in oculum, non in medietate sed lateraliter seu oblique appa- reat in oculo ægroti.

Curatio est impossibilis, incertum enim est, an lente extracta visus non maneat incommodus.

3. *LUSCITAS A LATERALI PUPILLÆ SITU.* Tunc faciem & oculum vertimus adeo oblique ut radii per obliquam vel lateralem pupillam incidere possit.

Curatio est impossibilis.

4. *LUSCITAS AB INSENSILITATE PUNCTI VISORII IN RETINA.*

Quando retinæ medietas non bene sentit, tunc recte conspecta objecta obscure vel penitus non videntur, oblique vero posita objecta distincte cernuntur.

Curatio vel est impossibilis, vel exigit curam amauroseos partialis.

5. *LUSCITAS AB OBLIQUITATE CORNEÆ.* Hæc enim focum oblique ad lentem dirigit. Sed an non lens focum iterum in restitudinem reducit? Hinc hæc causa luscitatis dubia est. *

DIPLOPIA seu VISUS DUPLEX.

Est oculi vitium, quo ægrotus idem objectum bis aut pluries videt. **

* Vedit *Cel. Professor RICHTER* corneam in quodam loco tuberosam & ægrotus tamen non luscitabat. V. von der *Auszierung des grauen Staars.* S. 180.

** *Cel. KLINCKE* *Diss. de diplopia.* Götter. 1774.

CAUSA PROXIMA est *dislocatio axium visus vel geminata aut multiplicata imago in retina unius oculi.*

SPECIES hujus morbi sunt :

1. **DIPLOPIA A STRABISMO.** Si imago unius objecti in eundem utriusque retinæ locum incidit, tunc hoc objectum semel videamus, quia in oculo utroque eandem ideam excitat, si vero ob strabismum unus oculus ab axi visus distorquetur, tunc objecti imago in oculo sano in medietatem retinæ, in oculo distorto autem ad latus medietatis retinæ incidit, hinc ab inæquali sensatione duæ ideæ imaginis excitantur, unde objectum bis videmus.

Cum autem strabones ut plurimum oculum unum altero debiliorem habeant, hinc solo oculo sano videre solent, distortum seu debilem negligunt, ideo sensatio imaginis distinctioris in oculo sano imaginem debiliorem in oculo debili adeo obscurat, ut strabones sensim diplopia non amplius afficiantur.

Curatio hujus diplopiæ exigit curationem strabismi. V. *Strabismus*.

2. **DIPLOPIA A PRESSIONE OCULI.**
Notissimum est experimentum, quod geminum videamus objectum, si digito oculum e latere premimus. Idem observatur si oculus exostosi vel alio tumore intraorbitali ad latus premi-

tur. Ratio est quod pressus oculus in alio loco , quam sanus objecti imaginem percipiat.

Curatio exigit ablationem tumoris prementis. V.

Exophthalmia.

3. *DIPLOPIA AB ANCHYLOBLEPHARO.* Si chartam lusoriam acicula bis perforemus , ita ut foraminula non magis distent a se quam pupillæ diametro , atque si charta oculo uni admota , altero clauso flammam candellæ in certa distantia intueamur , illico flamma gemina , imo si tria sunt foraminula , triplicata apparebit. Si itaque palpebris conniventibus ciliorum interstitia , totidem foraminula , luci pervia , relinquant , nil mirum est , si tales ægroti objectum ter , quater vel pluries repetitum videant.

Curatio exigit divisionem palpebrarum. V. *Anchyloblepharon.*

3. *DIPLOPIA A LACRUMIS.* Si cilia lacrums madent , in illis efformantur totidem lentes aqueæ , hinc per totidem lentes objecta multiplicantur.

Curatio exigit abstersionem lacrumarum.

4. *DIPLOPIA A LENTE CRYSTALLINA POLIEDRICA.* Sic duo formantur foci , qui duplēm in retina imaginem faciunt , ut in vitro polygono videre solemus.

Curatio exigit, ut lens crystallina extrahatur.

An cornea polyedrica diplopiam pariat, dubium est. Hoc corneæ vitium est incurabile.

5. **DIPLOPIA A PUPILLA DUPLICI IN UNO OCULO.** Sic enim duplex per pupillas transit focus ad retinam. Est malum incurabile. *

6. **DIPLOPIA A PUPILLÆ SITU PRÆ-TER NATURALI.** In hoc casu radiorum imago in diversis utriusque retinæ locis pingitur, unde diplopia. Est etiam malum incurabile.

7. **DIPLOPIA A LENTE E SITU MOTÆ.** Etiam in hoc casu alias est focus in oculo ægroto.

Curatio exigit extractionem lentis, hæc enim luxata alioquin brevi in cataractam abit.

8. **DIPLOPIA A CATARACTA PARTIALE.** Ubi lens in uno solum loco opacatur. Videtur focus in lente ab opacitate dividi.

Curatio exigit extractionem lentis.

9. **DIPLOPIA MYOPUM.** Ratio haud in promtu est, nisi assumamus myopiæ simul junciam esse quandoque lentem polyedricam.

* Cel. REGHELLINI lettera chirurgica sopra l' offsa della vista in una donna, consistente nel radoppiamento degli oggetti, sequita dopo la depressione della cataratta. VENEZ. 1749. Dantur tamen casus, in quibus a pluribus pupillis diplopia non observabatur. V. Cel. JANIN & Cel. KLINCKE opus citatum.

10. *DIPLOPIA NERVEA*, quæ a peculiari affectione nervi optici, idiophatice, vel consensualiter affecti, oritur. Ut a terrore, faburra ventriculi, assumpto veneno, ebriate, contusione capitis, superciliorum vel oculi, ab apoplexia vel morte instanti, a malo hysterico vel hypochondriaco.

Curatio exigit, ut causæ amoveantur. *Externe* liquor anodynus mineralis vel alia nervina nervo frontali e supercilio exeunti, inficari possunt.





FORMULÆ IN MORBIS OCULORUM.

AQUA OPHTHALMICA VITRIO-LATA.

℞. *Vitrioli albi depurati* gr. xij

Aquæ rosar. ℥bʒ

m. f. collyrium oculo sæpius de die instillandum.

Usus in ophthalmia, fistula lacrumali, ulceribus & opacitatibus corneæ, hypopyo.

AQUA VEGETO-MINERALIS.

℞. *Aquæ stellatitiæ* ℥bj.

Extract saturni gr. xxx.

Spirit. vini. ʒʒ

m. f. collyrium, quo oculus aliquoties de die eluat-

tur.

Usus in ophthalmia.

AQUA OPHTHALMICA SATUR-NINA.

℞. *Sacchari saturni* gr. xvi.

Aquæ rosar ℥bʒ

Solve & per chartam cola. Detur pro collyrio oculo
sæpius de die instillandum.

Usus in ophthalmia.

AQUA OPHTHALMICA SATURNI- NO - AMMONIACALIS.

R. Sacchari saturni.

Salis ammoniaci depur. aa gr. iv.

Aquæ rosarum ʒvj

m. f. collyrium S. aliquoties de die oculo aliquid instilletur.

Usus in ophthalmia pituitosa & aliis morbis pituitosis oculorum eximiæ est virtutis.

AQUA OPHTHALMICA ALUMI- NOSA.

R. Aluminis pulverisati ʒj conteratur cum

Vitelli ovorum n. 1. admisce sensim

Aquæ rosarum ʒvijj

m. S. oculus aliquoties de die eluendus.

Usus. In ophthalmia chronica & acuta laudatur.

AQUA OPHTHALMICA SAPPHI- RINA.

R. Aquæ calcis ℔j.

Salis ammoniaci depurati ʒj.

Infundantur vasi cupreo per 24 horas, colatura detur usui.

m. f. collyr. S. aliquoties de die aliquot guttæ oculo instillentur.

Usus in ophthalmia & maculis & ulceribus oculorum.

AQUA OPHTHALMICA SPIRITUOSA.

v. *Aquæ rosarum* 3x.

Spirit vini. 3j.

m. f. collyr. de quo aliquotites de die aliquot guttæ oculo instillentur.

Usus in ophthalmia chronica.

AQUA OPHTHALMICA MERCURIALIS.

v. *Sublimati corrosivi.* gr. j

Gummi arabici 3j conterendo subigantur cum
Aquæ stillatitiæ 3iv.

m. pro collyrio, oculo sèpius instillando.

Usus in ophthalmia, hypopyo & ulceribus venereis
oculi.

AQUA OPHTHALMICA SULPHUREA.

v. *Væ rosarum* 3iv.

Flor. sulphur 3ij

m. pone in arenam vel cinerem calidum per 12 horas digerenda in phiala bene obturata, eam aliquoties agitando, postea filtretur liquor & palpebra illo sèpius per diem laretur, atque aliquot guttulæ in oculum perinde immittantur.

Usus in ophthalmia scabiosa aut herpetica. *Cel. JANIN L. c. p. 308. & p. 406. n. 31.*

AQUA OPHTHALMICA E FLORI- BUS ZINCI.

R. *Florum zinci 3j*

Aquæ rosarum. 3vj.

m. f. collyrium oculo sæpius instillandum.

Usus. Commendatur in ophthalmia.

AQUA OPHTHALMICA E TUTIA.

R. *Aquæ stillatitiæ. 3vj*

Tutitæ pptæ subtilissime pulv. 3j.

m. f. collyrium oculo sæpius de die instillandum.

Usus in ophthalmia & excoriationibus cornæ, albu-
gineæ atque palpebrarum.

AQUA OPHTHALMICA E LAPIDE DIVINO.

R. *Aquæ stillatitiæ 3vj.*

Lapidis divini. 3j

m. f. collyrium oculo sæpius de die instillandum.

Usus in ophthalmia & ulceribus albugineæ.

AQUA OPHTHALMICA E LAPIDE CALAMINARI.

R. *Aquæ stillatitiæ 3vj.*

Lapidis calaminaris præparati. 3j.

m. f. collyrium oculo sæpius de die instillandum.

Usus in ophthalmia.

AQUA OPHTHALMICA GRÜLINGII.

℞. *Aqua rosarum.* ʒiiij
Tutiæ pptæ ʒβ
Lapid. calaminaris.
Sacch. saturni aa ʒj.

m. f. collyrium oculo saepius de die instillandum.
 Usus. Valde laudatur a Cel. GRÜLINGIO *obſerv. med.*
 anni I. p. 45 & a Cel. VICAT *delect. obſerv.*
 p. 256.

AQUA OPHTHALMICA QUERCENTANI.

℞. *Croci metallorum* ʒj.
Aqua rosarum ʒvj.

m. f. collyrium S. guttæ aliquot aliquoties de die
 immittantur oculis.

Usus. Miræ virtutis dicitur esse in amblyopia, amau-
 roſi & cataracta.

AQUA OPHTHALMICA RULANDI.

℞. *Væ ſillatitiae.* ffj

Croci metallorum ʒβ ebulliant simul per $\frac{1}{4}$ horæ
 ad lentum ignem, si ʒij hujus ſolutionis ʒβ
 olei saturni rubri addatur, tanto efficacius eſt
 remedium. Forma collyrii vel fomenti ter de
 die applicetur.

Usus. Ad ophthalmiam & plurima corneæ vitia lau-
 datur.

TINCTURA THEBAICA.

R. *Opii colati* ʒij.

Cinamomi.

Caryophyllorum aromat. aa ʒj.

Vini hispanici albi. ℥bj.

Macera per septimanam sine calore deinde per chartam cola. S. bis terve de die guttæ ij vel iij oculo instillentur.

Usus. In ophthalmia chronica saltim non adeo recenti efficacissimum est remedium, et si solum opium aut solum vinum oculo instillatum, ut experientia docuit, ophthalmiam non discutiat. Immisso hujus tincturæ dolorem ac ruborem, quidem ad aliquot minuta auget, postea vero brevem malum minuitur ac sensim evanescit, ut *Cel. WARE* observavit. *Auserles. Samml. zum Ge- brauch præd. Aerzte.* 6. B. 2. St. p. 366.

DECOCTUM MALVÆ.

R. *Flor. malyæ* p. j. coquatur per 5 minuta in
Aquaæ ℥b. Colaturæ per linteum factæ addas
Spiritus vini camphorati. gt. vj.

S. sèpius per diem in forma balnei vel fomenti applicetur. Quotiescumque illo utendum est, re- cens semper paretur.

Usus in hypopyo resolvendo & ophthalmia discutien- da a *Cel. JANINO* laudatur. l. c. p. 356.

**SPIRITUS OPHTHALMICUS
SCHMUCKERI.**

R. Spiritus liliorum convall.

— *lavendulæ.*

— *anthos.*

— *salis ammoniaci aa 3j.*

Bals. vitæ Hoffm. 3g.

*m. S. manibus affusis oculis aliquoties per diem, ci-
tra eorumdem contactum, admoveatur.*

*Usus. In amblyopia & amaurosi laudatur, irritat hic-
ce vapor & lachrumas provocat. Cel. SCHMU-
CKER verm. Schrift. 2. B. p. 18.*

**CATAPLASMA OPHTHALMICUM
ANODYNUM.**

R. Micæ panis semilag. 3ij.

Vitelli ovorum n. ij

Croci austriaci 3j

*m. f. cum lacte calido q. s. cataplasma, quod tepidum
inter lintea oculo applicetur.*

*Usus. Atrocissimum oculi dolorem sistit, ut aliquoties
sum expertus.*

CATAPLASMA POMACEUM.

R. Micæ panis albi.

Pulpæ pomorum acido - dulcium aa 3iiij

Flor. sambuci p. ij.

*coq. cum aquæ q. s. in consistent. cataplasmatis, quod
tepidum inter lintea oculo applicandum.*

Usus.

Usus. Post cataractæ depressionem vel extractionem ad inflammationem & dolorem præcavendum vel sistendum applicari solet. *Cel. STOLL rat. med. T. III. p. 447.*

VINUM OPHTHALMICUM JA- NINI.

R. *Vini generosi albi flb.*

Aloes succotrinæ

Tutiæ pptæ

Croci metallorum. aa 3j.

Indita lagenæ probe obturatae agitentur per $\frac{1}{4}$ horæ, tum bimestre in sole digerantur identidem agitata.

Usus. Efficax est remedium in ophthalmia, palpebrarum obstruktione, ulceribus maculisque corneæ; visum roborat, si mane, metidie & vesperi guttæ ij vel iij capite reclinato in majorem oculi canthum immittantur. JANIN l. c. pag. 388. n. 7.

COLLYRIUM BORACINUM.

R. *Boracis 3ʒ*

Sacchari albi 3j.

Aquæ rosarum. 3j.

m. f. collyrium oculo sèpius de die instillandum.

Usus in maculis corneæ. Dosis boracis sensim ad 3ij imo ad 3j augeri potest.

COLLYRIUM LANFRANCI.

℞. *Vini albi* ℥ij
Aquæ rosarum
 —— *plantaginis* aa ʒij
Auripigmenti ʒij
Viridis aeris. ʒj.
Myrrhæ.
Aloes. aa ʒij
 m. solvantur.

Usus. In ulceribus & maculis corneæ.

SOLUTIO LAPIDIS INFERNALIS.

℞. *Lapidis infernalis* ʒl.
Aquæ fontanæ ʒij
 m. solvantur.

Usus. Pro carne fungosa sacci lacrumalis exsiccanda applicatur in fistulis lacrumalibus apertis, in occulta autem fistula lacrumali hæc solutio lapidis infernalis cum ʒvij aquæ fontanæ diluatur pro injectione. *Cel. JANIN l. c. p. 393. num. 13.* *Debilis* hæc solutio etiam a *Celeb. ROWLEY* ad maculas corneæ delendas laudatur.

LAC OPHTHALMICUM MERCURIALE.

℞. *Mercurii vivi depuratissimi.* ʒj.
Gummi arabici ʒl cum
Syrupi diacodii. q. s. m. conterantur in mortario marmoreo sensim addendo syrupum, donec

omnia abeant in mucum, cui sensim adde laetis ebullientis vaccini ʒvij. m. pro collyrio, quo oculus aliquoties de die balneetur.

Usus in chemosi gonorrhœica.

MUCILAGO OPHTHALMICA.

R. *Gummi tragacanthi* ʒj
mucilago sem. cydon. ʒiβ.

Aquæ stillat. q. s. ut fiat mucilago mediocris consistentiæ, quæ guttatum oculo instilletur & etiam externe linteola hoc collyrio madida applicentur.

Usus. In ophthalmia acrimoniosa valde dolente laudatur.

MUCILAGO OPHTHALMICA CAMPHORATA.

R. *Camphoræ* gr. ij conterantur cum
Mucilaginis gummi arabici. ʒjj.

Instillentur guttatum oculo

Usus in ophthalmia.

ALBUMEN ALUMINOSUM.

R. *Albuminis ovi.* N. j cum

Aluminis frustillo tamdiu agitetur, donec pultis consistentiam acquirat, postea linteo subtili involvatur & oculo clavis palpebris imponatur saepè renovando.

Usus in ophthalmia, incommodum est, quod palpebras conglutinet.

UNGUENTUM E VITRIOLO ALBO.

R. *Butyri recentis insulfi.* 3ij

Vitrioli albi pulv. 2j

m. f. urg. S. granum pisī majoris magnitudine in oculi clausi angulum majorem intrudatur & eodem palpebra illinatur. Dolor inde oritur mordicans & brevis, ideo dein oculus aqua eluatur.

Usus. Laudatur in ophthalmia ut infallibile remedium a *Cel. BINNINGER observat. med. lent.* 5. *obser. 100.*

UNGUENT. OPHTHALM. OPIA-TUM.

R. *Medullæ ossium bovinorum* 3ij

Opii puri gr. ij

terantur invicem & applicentur.

Usus in maculis & opacitate corneæ.

LINIMENTUM OPHTHALMICUM RICHTERI.

R. *Mellis despumati* 3ij

Fellis lucii piscis 3j

Sal volatile C. C. gr. vj.

m. f. linimentum cum penicillo tenuissimo maculæ corneæ illinendum.

Usus. Ad maculas corneæ laudatur vide *Cel. VOGLER diff. c. p. 19.*

UNGUENTUM OPHTHALMICUM RUBRUM.

Rx. *Butyri recent. insulsi* ʒij
Ceræ albæ ʒl liquefactis adde
Mercurii præcipit. rubri ʒii.
Tutiæ pptæ ʒj.
Camphoræ in oleo ovorum ʒl solutæ gr. xlv.
 m. f. unguent. hujus ter de die lentis magnitudo oculi illinenda.

Usus. In ophthalmiis inveteratis, in maculis corneæ,
 in ulceribus ejusdem omnibus remediis pal-
 mam præripit, commendatur a *Cel. THEDRN*
neue Bemerk. 1. Th. p. 192. Dantur homines,
 qui hoc unguentum non ferunt sine magno
 subsequo oculi rubore, his post omnem ap-
 plicationem unguenti oculus aqua ophthalmi-
 ca vitriolata eluatur.

UNGUENTUM OPHTHALMICUM STOERCKII.

Rx. *Butyri recentis* ʒj
Pulv. vitrioli cyprii gr. vj.
 —— *Tutiæ pptæ.* ʒj.
Merc. præcip. rubri. gr. xxv.
 m. exactissime in unguentum. S. ter de die lentis ma-
 gnitudo oculo illinenda.

Usus in maculis & opacitate corneæ, in ophthalmia
chronica indolente. *Præcepta medico - pract.*
T. I. p. 83. 84. & formula. 50.

UNGUENTUM OPHTHALMICUM JANINI.

Bx. Axungiæ porcinæ mund. ʒiʒ

Tutiæ pptæ

Boli armenæ aa ʒij

Merc. præcip. albi. ʒj

commisce in mortario vitro in unguentum; hujus mo-
lecula pisum minus æquans mane ac vesperi
in oculum indatur.

Usus. Virtute hujus unguenti varices oculi, maculæ
corneæ, ulcera ejusdem & tarforum, palpe-
brarumque tumor abolentur. JANIN l. c. pag.
396. n. 16.

UNGUENTUM OPHTHALMICUM E TUTIA CAMPHORATA.

Bx. Butyri recentis non saliti ʒiʒ.

Tutiæ pptæ ʒiʒ.

Camphoræ ʒj.

m. pro unguento, quo palpebræ ac canthi earum bis
de die illinantur.

Usus. In ophthalmia chronica & pustulis oculi lau-
datur.

LINIMENTUM OPHTHALMICUM
SLOANII.

℞. *Tutiæ præparatæ* ʒg

Hæmatit. præpar. ʒj

Aloes pulv. gr. vj.

Margaritar. præp. gr. ii.

Axungiæ viperar. q. s.

m. f. linimentum. S. ope penicilli exigua portio , bis
terve de die oculi corneæ illinatur.

Usus. In obscuratione & maculis corneæ efficax est
remedium. *Cel. HOME Clin. Vers.* pag. 157.
in ophthalmodinia cum vel sine inflammatio-
ne. *Act. N. C. vol. X. apend. n. 7. p. 287.*

PULVIS OPHTHALMICUS BAL-
DINGERI.

℞. *Boli albæ vel rubræ*

Cremoris tartari

Sacchari albi. aa ʒj.

m. f. pulv. tenuissimus.

Applicetur absque flatu quotidie parva copia hujus
pulveris mane ac vesperi.

Usus. Ophthalmiæ post variolas ortæ , nec non rheu-
maticæ seu catharroſæ , quæ collyria humida
non fert , pustulis & maculis corneæ , nec non
panno corneæ medetur teste *ILL. BALDINGERO*
V. ejusdem pharmacopoeam edinburgensem.
p. 274.

PULVIS OPHTHALMICUS PURGANS.

R. Scamonei gr. xij

Mercurii dulcis. gr. vj.

Sacch. albi. gr. xv. m. d. pro dosi.

Usus. Efficax est purgans in ophthalmia & aliis morbis oculorum, qui evacuatione alvina indigent.

PULVIS OPHTHALMICUS MERCURIALIS.

R. Mercurii dulcis

Aloes. aa gr. iiij.

Sacchari candi 3ij

m. f. pulv. subtilissimus vel oculo inflandus vel cum penicillo madido applicandus.

Usus in maculis & opacitate cornea.

PULVIS OPHTHALMICUS E VITRO TRITO.

R. Vitri candi triti

Sacchari albi. aa 3*lb.*

m. conterantur in mortario, ut fiat $\ddot{\sigma}$ subtilissimus dein per linteolum trajiciendus & sic ope penicilli oculo applicandus.

Usus. *Cel.* MEAD pulveris istius usu multos a maculis cornea sanatos vidit. *Monita & præcepta med. sect. III.* p. 107.

PULVIS OPHTHALMICUS EX OSSE
SEPIÆ.

g. Medullæ ossis sepiae

Sacch. canariens. aa 3ij

Aloes succotrinæ gr. vj.

Rad. iridis florent. 3l.

m. f. 3 subtilissimus oculo ope penicilli applicandus.

Usus. Cel. VOGLER in diff. de maculis corneæ p. 18.

laudatur in pterygio & aliis corneæ maculis.

SACCHARUM JOVIALE BOER-
HAAVII.

g. Sacchari candi 3ij

Limaturæ stanni purissimi, tenuissimi 3j

Vitrioli communis gr. iv.

Valde conterantur, donec fiat pulvis coeruleus, cri-
brandus per linteolum tenuissimum. Sæpius de-
die cum penicillo exiguo, saliva madido, qui
in hoc saccharum immergitur, pulvis hicce
maculæ applicetur, donec liquefacat.

Jsus in maculis & opacitate corneæ. *Ill. BOERHAAVE*
l. c. p. 67.

SIEF ALBUM.

g. Gummi arabici

— — — *tragacanthæ*

Amyli aa 3l

Ceruffæ 3vj

Sarcocollæ 3ij.

misce fiat, pulvis.

Usus. Additur collyriis adversus ophthalmiam a sero acri ortam. Quandoque 3j hujus pulveris cum gr. j opii & gr. j camphoræ ope aquæ rosarum in pulticulam redigitur, cuius pauxillum oculorum canthis externis ter de die immittitur.

PULVIS ERRHINUS MERCURIALIS.

By. *Aquilæ albæ* gr. j.

Sacchari candi. gr. x.

misc. divid. in x doles æquales. S. omni mane post emunctionem muci naribus unâ dosis hauriantur.

Usus. In amaurosi & aliis oculorum morbis, ubi obstrucio sinuum pituitariorum frontalium & insolita narium adeat siccitas, laudatur.

PULVIS PULSATILLÆ NIGRICANTIS.

By. *Extracti pulsatillæ nigricantis* gr. xiv.

Sacchari albi 3j

m. f. pulv. tenuissimus diu terendo in mortario moreo. Dantur ter de die grana xv hujus pulveris.

Usus. Ill. STOERCK horum pulverum usu amaurosim sexies vidit curatam.

PULVIS ACONITI.

Extracti aconiti gr. ii.

Sacchari albi 3ij

f. ♂. S. m. ac vesp. grana x. dosis sensim augenda.

sus in amaurosi & morbis a materia arthritica ad oculum deposita. *Illustr. STOERCK in libro de stram. hyosc. & aconito.* Ego huic pulveri granum unum *sulphuris aurati antimonii* & granum unum *aquilæ albæ* addere soleo.

PILULÆ ANTAMAUROTICÆ SCHMUCKERI.

Gummi sagapeni.

— *galbani.*

Saponis veneti aa 3j

Rhei optimi 3iB

Tartari emetici gr. xvi.

Succi liquiritiae 3j.

f. pil. gr. j. S. m. ac vesp. n. 15 per 4 vel 6. hebdomades assumantur.

sus. Laudatur in amaurosi ab humoribus lentis puitosis aut obstruktione viscerum abdominalium orta. *Cel. SCHMUCKER verm. Schrift. 2. B. pag. 16.*

PILULÆ SUBEMETICÆ.

Gummi ammoniaci. 3vijj

Tartari emetici. gr. vi

m. f. pil. gr. j. S. quater de die assumentur pilulae x.

Usus. Laudantur in amaurosi & aliis morbis oculorum, qui a saluberrima lenta primatum viatum proveniunt.

INFUSUM ARNICÆ.

q. *Flor. arnicæ* 3ij infundantur in
Aqua ferventis 1*bij* per $\frac{1}{2}$ horæ vase clauso.

Colaturæ 1*bij* adde

Syrupi flor. chamom. 3j.

m. & intra diem 4 vel 5 haustibus absumentur.

Usus. In amaurosi & paralyticis oculi morbis.



I N D E X.

	<i>Pag.</i>		<i>Pag.</i>
A.		E.	
egylops.....	56	Diplopia.....	213
iena oculis illapsa.....	89	Distichiasis.....	117
naurosis.....	172		
ublyopia.....	183	F.	
chyloblepharon.....	17	Ecchymoma.....	21
chylops.....	54	Ecchymosis.....	85
heroma.....	22	Ectropium.....	36
rophia bulbi.....	107	Effluvium humoris aquei.....	137
		Emphysema.....	21
B.		Encaanthis.....	67
pharophthalmia.....	19	Entropium.....	39
pharoptosis.....	30	Epiphora.....	48
		Exophthalmia.....	108
C.		G.	
bunculus conjunctivæ.....	88	Fistula corneæ.....	103
— palpebrarum.....	24	— lacrimalis.....	57
cinoma bulbi.....	111	— palpebr.....	44
— palpebrarum.....	24	H.	
runcula conjunctivæ.....	87	Glaucoma.....	168
— corneæ.....	107		
aracta.....	138	Helcoma.....	101
alazion.....	26	Hemeralopia.....	191
oboma.....	44	Hemiopsia.....	197
psia.....	204	Hippus.....	128
		Hordeolum.....	25
D.			
fectus oculi.....	116		
formitas pupillæ.....	127		

I N D E X.

P a g.	P a g
Hydatis. 27	O.
Hydrophthalmia. 129	
Hydrops facci lacrum. 52	Obscuratio corneæ. 9
Hypoæma. 135	Oculus supernumerarius. 11
Hypogala. 135	Oedema. 2
Hypopyum. 131	Onyx. 10
	Ophthalmia. 7
I.	Ophthalmodinia. 8
Immobilitas pupillæ. 128	Ophthalmoptosis. 11
	Oxyopia. 18
L.	P.
Lacrumatio sanguinea. 69	Papula.
Lagophthalmus. 33	Peribrosis.
Lemositas. 69	Phlyctæna conjunctivæ.
Lippitudo. 51	— corneæ. 1
Luſcitas. 212	Photophobia. 1
	Photopsia. 2
M.	Phthyriasis.
Maculæ corneæ. 94	Presbyopia. 1
Madarosis. 13	Prolapsus lentis crystall.
Metamorphopsia. 202	— humoris vitrei. 1
Milium. 28	Pruritus palpebrarum.
Morum palpebrarum. 28	Psorophthalmia.
Mydriasis. 117	Pterygium.
Myodesopsia. 198	Ptosis iridis. 1
Myopia. 192	Pupilla præternaturalis. 1
Myotis. 119	Pustulæ conjunctivæ.
	— corneæ. 1
N.	R.
Nictitatio. 44	Rhyas.
Nycalopia. 188	Rhytidosis.
Nystagmus bulbi. 115	Rubor marginum palpebra- rum.

I N D E X

S.	<i>Pag.</i>	U.	<i>Pag.</i>
Sarcoma palpebrarum.....	23	Turbiditas humoris aquei.	136
Scheroma.	47	Tylosis.	42
Scirrus palpebrarum.....	23	U.	
Spasmus palpebrarum.....	45	Ulcus albugineæ.....	88
Staphyloma.	19	V.	
Strabismus.	208	Varicositas conjunctivæ. ..	85
Symblepharon.	19	Verruca palpebrarum.	28
Synchysis.	169	Visus nebulosus.	201
Synizesis.	121	— reticulatus.	200
T.		Vulnus bulbi.	116
Tetanus bulbi.	114	— corneæ.	104
Trachoma.	29	— iridis.	126
Trichiasis.	15	— palpebræ.	43
		— supercili.	15



